

**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

[Quæstio I.] De partibus potentialibus Iustitiæ in genere; ac Primum de  
Religione secundum se, eiusque actibus internis, deuotione & oratione.

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

## Q V A E S T I O I.

De partibus potentialibus iustitiae in genere; ac primum de Religione secundum se, eiusque actibus internis, Devotione, & Oratione.

S. Thomas 2. 2. q. 80. 81. 82. & 83.

**A**bsolutetur hac questio sex dubitationibus. I. Quae & quotnam sint partes potentiales, seu virtutes annexae iustitia. II. Quidnam sit virtus religionis; quod & quotplex eius obiectum; & quomodo ab alijs virtutibus distinguatur. III. Quoniam in genere actus, tum internos, tum externos habeat religionis virtus; & speciatim an, quis, & qualis actus religionis sit deuotio. IV. De oratione velut altero actu interno religionis variuersim ac in genere; speciatim quid, & quotplex sit; ad quos, an etiam ad Sanctos dirigenda; & quibus conueniat, quas conditiones requirat. V. De horis Canonicas; quid & quenam sint, à quibus recitanda, quid recitandum; quomodo, & qua deuotione, tum externa, tum interna; quo loco, quo tempore, & demum qua cause non recitantem excusent. VI. De restitutione facienda propter omissas horas Canonicas.

## D U B I U M I.

Quae, & quotnam sint partes potentiales, seu virtutes annexae iustitiae.

S. Thomas 2. 2. q. 80. art. viii.

**P**Artes potentiales iustitiae dici eas virtutes, quae ob similitudinem & assimilitatem, iustitiae tanquam virtuti principali adiunguntur, ex dictis disput. 3. quæstione 2. dub. 4. liquet; in quibus cum duo requirantur; nimurum, ut virtutes illæ cum iustitia velut principali virtute conueniant; deinde, ut aliquo modo à perfecta eius ratione deficiant, recte statuit Sanctus Thomas quæstione 80. articulo vii. omnes virtutes quæ ad alterum sunt, posse ratione conuenienti iustitiae annexari.

Ratio vero perfecta iustitiae, cum præter alteritatem perfectam, duas alias conditiones requirat, nimurum & perfectam æqualitatem, & perfectum seu legale debitum, prout opponitur debito morali, ut ex dictis disput. præced. de iustitia quæstione 2. dub. 1. liquet; hinc duplex nascitur, ordo virtutum, quæ cum sint quidem ad alterum, ob defectum tamen alterutrius conditionis, à ratione iustitiae deficiunt, eidemque tanquam virtutes secundariae, in suo genere principali adiunguntur. Primus earum, quæ deficiunt à perfecta ratione æqualitatis; secundus earum, quæ deficiunt à perfecta ratione debiti, nempe legalis.

**P**rioris generis virtutes sunt, que debitum quidem alteri reddunt, sed non possunt reddere æquale; quales sunt hæ tres virtutes Religio, Pietas, Observantia. Cum enim quidquid hominis est,

Deo debitum fit, non potest homo Deo reddere æquale, vt scilicet tantum ei reddat, quantum ei debet, aut secundum exactam iustitiae rationem, deberet; secundum illud Psalm. 115. v. 12. Quid retribuam domino, pro omnibus que retribuist mihi? Ita etiam parentibus, iuxta Aristotelem 8. Ethic. cap. vii. æquivalens reddi non potest virtute pietatis; per quam, ut ait Cicero lib. 2. de invent. sanguine iunctis patriaque benenolis officium, & diligens tribuitur cultus. Denique nec virtuti, seu virtute præditis æquale præmium persolui potest, iuxta Aristotelem 4. Ethic. cap. 3. ut proinde etiam obseruantia virtus, qua iuxta Ciceronem loc. cit. homines aliqua dignitate antecedentes quodam cultu & honore dignamur, ea de causa à perfecta ratione iustitiae deficiat.

Ob defectum autem debiti legalis, à perfecta ratione iustitiae desciscunt omnes illæ virtutes, quæ solum continent debitum morale, non legale; quod scilicet non aliqua speciali legis obligatio, ius alteri conferente; sed solum ex honestate virtutis debetur, iuxta Aristotele 8. Ethic. cap. 13.

Quod quidem debiti rursus duplex est; quoddam enim adeo necessarium est, vt sine eo honestas morum conseruari non possit. Et hoc debiti continent Veritas, qua opus est, vt talis se quisque exhibeat alteri, in verbis, & factis, qualis est. Item Gratia seu Gratitudo; qua ut ait Cicero loco citat.

amicis

amicitiarum & officiorum alterius memoria ac remunerandi voluntas continetur. Denique talis est vindicatio, seu iustitia vindicativa, per quam, videlicet Cicero loco cit. *vis aut iniuria, & omnino quicquid ob futurum est, defendendo, aut uinciendo propulsatur.* Aliud vero debitum inferioris ordinis est; ut pote non simpliciter & absolute, sed tantum quasi ad bene esse necessarium; ut pote conferens ad maiorem honestatem, sine quo tamen honestas absolute conservari potest. Quod quidem debitum attendunt liberalitas, affabilitas, sive amicitia, & aliae eiusmodi virtutes, quas tamen Cicero mox referendus in enumeratione virtutum iustitiae annexarum præteriuit, quia parum habent de ratione debiti. Ita S. Thomas cit. quæst. 8 o. a. vñ.

Ex quibus etiam idem varias variorum auctorum enumerationes virtutum iustitiae annexarum explicare, & inter se conciliare nititur. Nam primo Tullius cit. lib. 2. de Inuent. enumerat sex virtutes iustitiae annexas, scilicet religionem, pietatem, gratiam, vindicationem, obseruantiam, veritatem; quarum ratio & enumeratio ex dictis constat.

Secundò Macrobii in somnium Scipionis lib. 2. cap. vlt. septem enumerat, scilicet innocentiam, amicitiam, concordiam, pietatem, religionem, affectum, seu benevolentiam, & humanitatem. Cuius enumerationis S. Thomas eodem art. vñ. ad 2. hanc rationem reddit. Macrobius enim attendisse videtur ad duas partes integrales iustitiae, quae sunt declinare à malo, ad quod pertinet innocentia; & facere bonum, ad quod pertinent sex alia. Quorum duo videntur pertinere ad æquales, scilicet amicitia in exteriori coniunctu, & concordia interior in mente: duo verò pertinent ad superiores, scilicet pietas ad parentes, & religio ad Deum: duo verò ad inferiores, scilicet affectus, in quantum placent bona eorum; & humanitas, per quam subveniunt eorum defectibus. Nam iuxta Isidorum lib. 10. Etym. cap. 8. *humanus* dicitur aliquis, quia habeat circa hominem amorem, & miserationis affectum: unde *humanitas* dicitur, est, quia nos in uicem tuemur. Quæ tamen Tullius prætermisit, quia parum habent de ratione debiti, vñ dictum.

Tertio a quibusdam alijs ponuntur quinq; partes iustitiae, scilicet obedientia, respectu superioris; disciplina, respectu inferioris; aequitas, respectu æqualium; fides & veritas, respectu omnium. E quibus obedientia vñ ait S. Thomas ad 3. includitur in obseruantia superioris ex Cicerone relata. Nam præcellentibus personis (ae potestate prædictis) debentur & reuerentia honoris, & obedientia. Fides autem, qua sunt dicta, includitur in veritate, quæ inter cætera etiam obseruantiam promissorum complectitur. Disciplina autem erga inferiorem, quia non debetur ex debito necessitatis, fundato in aliquo iure ipsius inferioris; quia inferiori nemo est obligatus, inquantum est inferior; et si possit aliquis superiori obligari, vt inferioribus prouideat; idcirco à Cicerone prætermisla fuit; et si contineri possit sub humanitate, quam Macrobius ponit: aequitas verò sub epikria vel amicitia.

Quarto Andronicus Peripateticus novem partes iustitiae annexas recenset; scilicet liberalitatem, benignitatem, vindicatiuum, eugnomosynam, eu-

febiā, eucharistiam, sanctitatem, bonam commutationem, legi positivam. In qua tamen enumeratione, non solæ partes potentiales iustitiae recensentur, sed etiam partes quasi integrales, tam iustitiae particularis, quam legalis. Ad particularem enim pertinet bona commutatio; ad quam pertinet in commutationibus æqualitatem custodiare.

Ad legalem autem iustitiam, quantum ad ea, quæ communiter sunt obseruanda: pertinet legi positiva; quæ definitur, scientia commutationum particularum ad communisitatem relatarum: quantum vero ad ea, quæ nonnunquam præter communes leges singulariter agenda occurunt, ponit eugnomosynam, quasi bona gnome; quæ est in talibus directiva, & definitur voluntaria iustificatio; quia, quod iustum est ex proprio arbitrio; non secundum legem scriptam decernit, vt suo loco deprendit dictum, disp. 3. q. 1. dub. 2.

*Eusebia* vero, quasi bonus cultus, idem est quod religio; & definitur scientia Dei famulatu. Vbi auctor loquitur secundum modum philosophandi Socratis, qui dicebat, omnes virtutes esse scientias. Eodem pertinet sanctitas. Eucharistia autem est idem, quod bona gratia, sive gratitudo, quam & Cicero commemoravit; sicut & vindicatiuum, benignitas autem videtur esse idem cum affectu (seu benevolentia) quem ponit Macrobius. Vnde & Isidorus lib. 10. Etym. cap. 2. ait: *benignum est sponte ad benefacendum paratum, & dulcem ad eloquium.* Et ipse Andronicus dicit, benignitatem esse habitum voluntaris benefacuum. Liberalitas autem videtur ad humanitatem pertinere. Ita S. Thomas cit. art. vñ.

Ex quibus colligitur, enumerationes partium iustitiae hactenus relatas, inter se non pugnare, nec tam quoad rem ipsum, quam quoad loquendi modum discrepare; cum partes iustitiae varie assignari possint, vt comprehendant scilicet non solum partes potentiales, de quibus tamen solis in praesenti agitur; sed etiam partes integrantes; idque tum iustitiae particularis, ad quam solam respxisse videtur Cicero, tum etiam legalis: quo respectu etiam Aristoteles 5. Ethic. cap. 10. *epikriam iustitiae adiungit, vt notauit S. Thomas ibidem ad 5.*

Illud tamen obseruandum, apud Andronicum inter virtutes iustitiae annexas, etiam ponit benignitatem seu beneficentiam; quæ tamen potius ad charitatem pertinet, imo ipsius charitatis actus est, vt suo loco dictum.

Quo fit, vt iuxta S. Thomam vniuersim vnde cinc pars potentiales, seu virtutes adiunctæ iustitiae numerentur; nimur 1. religio. 2. pietas. 3. obseruantia. 4. dulia. 5. obedientia. 6. gratitudo. 7. vindicatio. 8. veritas. 9. amicitia. 10. liberalitas. 11. epikria. Quibus adiungi poterat *clementia*, vt dictum disp. 3. quæst. 3. dub. 7. de qua tamen ibidem cum S. Thoma egimus.

Nec multum interest, seu virtus aliqua huic, an alteri virtuti, tanquam virtus secundaria principali adiungatur; modo reuera non paruam similitudinem habeat cum ea virtute cui adiungitur; quando etiam fine

sine hac adiunctione & subordinatione, singularum ratio, usus, ac officium satis commode explicari potest; eo quod hæc adiunctione & subordinatione potius sit arbitraria, quam essentialis, ut ibidem diximus. Restat, ut supradictas yndecim partes ac virtutes iustitiae annexas, cum Sancto Thoma, ordine ac sigillatim explicemus incipiendo hac disputatione à religione, quæ inter ceteras potissima est, & prolixiorem tractationem postulat, ut dictum.

## D V B I V M II.

*Quidnam sit virtus Religionis; quod & quotuplex eius obiectum; & quomodo ab alijs virtutibus distinguatur.*

S. Thomas 2. 2. q. 81. aa. 8.

**R**eligio, sive à religendo, iuxta Isidorum libro 10. Etym. c. 17. & Augustinum lib. 10. de ciuitate Dei cap. 4. sive à religando, iuxta Laetantium lib. 4. diuin. Instit. cap. 28. sive à relegendo dicta, iuxta Ciceronem lib. 2. de nat. Deorum, in præsentis dicuntur virtus, qua Deo debitum cultum & honorem exhibemus.

Cum qua notione & significatione nominis recte concurrunt omnes etymologia eiusdem nominis antea relatae, ut bene declarat Sanctus Thomas quæstio. 81. articulo 1. sive enim religio, inquit, dicatur à frequente relectione, sive ex iterata electione eius, quod negligenter amissum est, sive dicatur à religione; religio proprie importat ordinem ad Deum. Ipse enim est, cuius principaliter alligari debemus, tanquam indeſſcienti principio; ad quem etiam nostra elec̄tio a ſidne dirigi debet, ſicut in ultimum finem, quem etiam negligenter peccando amissimus, & credendo, & fide protestando recuperare debemus.

Vt autem huius virtutis natura cognoscatur, quæſtitis aliquot sequentibus ſigillatim explicandum eft. 1. quidnam sit eius obiectum, & quotuplex. 2. quid, & quotuplex. 3. quænam sit ratio essentialis, tum genericā, tum specificā religionis, ſpeciatim an sit virtus Theologica, & à ceteris omnibus diſtinguēta.

Primo igitur quæſtitur, quodnam & quotuplex sit obiectum virtutis religionis.

Respondeo ſequentibus pronuntiatis. I. Religionis obiectum materiale duplex eft, videlicet propinquum & remotum; sive obiectum *Quod*, & obiectum *Cui*, iuxta Cajetanum quæſtio. 81. articulo 5. & communem. Obiectum *Quod* materiale (ad eoque proximum) eft ipſe cultus diuinus, ſeu honor quem Deo volumus, ſeu potius actiones illæ, ſeu in genere, ſeu in ſpecie ſpectatae, quibus Deo v. m. colere intendimus. Obiectum *Cui*, ſive remotum eft Deus, cui cultum & honorem volumus.

Idem accedit in iustitia, cuius obiectum immediatum & proprium ſunt res ipſæ, ſive actiones alteri debitorum; obiectum autem remotum *Cui*, eft alter, ſeu ipſe proximus. Idem ſuo modo cer-

nitur in ſpe, cuius obiectum *Quod* eft Deus; obiectum *Cui*, ſumus noſi pſi; qui a per ſpem voluimus Deum nobis.

Et ſicut hic ſpecificatio virtutis non ſumitur nude ab obiecto remoto *Cui*, ita etiam in preſen-  
ti, essentialis ratio religionis non ſumitur nude  
ab obiecto *Cui*, ſed vel maxime ab obiecto *Quod*. Accedit quod nec ipſa charitas virtutis Theologica rationem proprie ſortitur ab obiecto *Cui*, ſed vel maxime ex obiecto *Quod*; qua-  
tentis per eam Deo in primis volumus ſeipſum, &  
ſuas perfectiones intrinſicas, etiamſi conſequen-  
ter per eam etiam alia bona, tanquam obiecta,  
quædam ſecundaria & materialia Deo velle poſ-  
ſimus. Vide ſupra disp. 2. q. 1. dub. 1.

II. Vtrumque obiectum religionis, antea di-  
ctum, habet ſuam propriam rationem formalem  
obiectuum. Ratio enim formalis, quam religio in cultu diuino, prout eft obiectum proprium & im-  
mediatum ſpectat, eft ratio debiti cuiusdam le-  
galis. Quemadmodum enim iustitia, qua bo-  
num aliquod proximo volumus, non ſpectat in  
eiusmodi obiecto proprie ipsam rationem boni-  
tatis & conuenientiæ, in ordine ad proximum,  
nempe vt per hoc bonum proximo bene fit;  
ſed rationem debiti, quia iustum, ſeu iure  
debitum eft; ita etiam religio, qua potentia-  
lis quædam eft pars iustitiae, & quidem quoad  
rationem debiti à perfecta iustitia ratione mi-  
nime deficiens, vt dubio praecedenti ex Sancto  
Thoma dictum, respicit in cultu diuino, non  
ipsam rationem bonitatis ſeu conuenientiæ, in  
ordine ad Deum, nempe vt per illum D E O  
bene fit, hoc enim eft charitatis; ſed rationem  
debiti legalis; quia videlicet Deo ob ſumma-  
eius excellentiam hoc bonum iure debitum eft:  
& per hoc etiam diſtinguitur religio à charita-  
te. Idem in ſimiſi disp. praeced. de iustitia legali-  
dictum.

III. Eodem modo formalis ratio obiecti *Cui*,  
quam ſilicet in Deo formaliter ſpectat religio,  
non eft proprie ipſa diuina bonitas ſecundum  
ſe ſpectata; ſed eius excellentia, ſive nobili-  
tatis & praeftantia; cuius ratio defumitur  
quaſi comparate ex eminentia ipſius DEI, ſuper  
omnes res creatas, & ſpeciatim ſuper ipſum  
etiam hominem. Vnde formaliter amamus  
Deum quia bonus eft, honoramus autem &  
colimus quia excellēs eft, ac primum rerum om-  
nium principium, vt dicemus.

IV. Neque vero ratione diuersarum perfectio-  
num, ſeu attributorum, aut etiam diuersorum  
beneficiorum, debentur Deo adorationes ſeu cul-  
tus diuersa rationis, vt recte poſt Alensem 3. par.  
quæſt. 30. num. 1. artic. 3. Gabrielem in canonem  
lect. 49. & ipsum S. Thomam hic q. 81. a. 3. ad 1.  
docet Vasquez de adoratione disp. 1. cap. 2. & 3.

Cuius rei ratio ſumitur ex S. Thoma loc. citat.  
qua ratio, cur Deus fit adorandus cultu latrīæ  
eſt, eſſe primum principium rerum omnium,  
in quo quidem includuntur omnes perfectio-  
nes omnium attributorum. Quamquam non  
a que expreſſe omnia attributa Dei ſingulis co-  
lendi modis honorentur, ſed quædam alijs ſigni-

Tom. II. I.

III

ficiantius,

ficantius, ut recte notarunt Vasquez loc. cit. n. 54. & Lessius de religione num. 27. post Augustinum q. 9. in Exodum, & Glossam in illud psalmi 7. *Domine Deus in te speravi.*

19 V. Sed & ipsi etiam Sancti, quatenus coluntur propter excellentiam increatam Dei, ad quam aliquam dicunt habitudinem, seu per modum imaginis, seu per modum filii, amici, templi, &c. ad obiectum materiale religionis pertinent: et si nihilominus cultus ille quatenus in Sanctos tendit, non sit cultus latræ propriæ, sed quidam cultus inferior. Sicut intentio & electio ad eandem quidem virtutem pertinent, sed inter se plurimū differunt, vt ex communī docent Vasquez & Lessius locis cit. & inferius in simili de cultu imaginum dicetur quæst. 2.

20 VI. At vero si Sancti propter suas perfectiones absolutas & intrinsecas spectentur, & colantur, vt propter visionem Dei, charitatem, & sanctitatem propriam; sic non pertinent ad obiectum religionis, nec adeo coluntur per virtutem religionis; sed per virtutem distinctam, quæ dulia vocatur, & in dulium stricte acceptam, & super duliam diuiditur, vt inferius q. 7. dicetur. Ratio est; quia hac ratione in Sanctis non spectatur ratio formalis obiectiva religionis, nempe diuina excellentia; sed aliqua ratio inferior, & distincta; quæ proinde etiam distinctam virtutem constituit, vt ex communī docet S. Thomas q. 8. a. 4. ad 3. & supra q. 25. a. 1. ad 2. quidquid in contrarium dixerit Marsilius in 3. q. 8. a. 1.

21 Nec tamen ideo putandum, etiam dari amorem amicitiae supernaturalem erga proximum, quæ sit distincta virtus à charitate Dei, vt significant Vasquez de adorat. lib. 1. disp. 6. n. 175. & lib. 3. disp. cap. 4. num. 25. & Lessius num. 23. contra communem. Diuersa enim est ratio bonitatis supernaturalis, quam amor respicit; & excellentia, quam respicit cultus. Nam gratia & dona supernaturalia, in quantum habent rationem bonitatis supernaturalis, formaliter terminantis actum amoris, sua natura hominem ordinant ad Deum; & præterea hæc bona sunt, quia ad Deum ordinant. Quo fit, vt dum aliquis propter ea diligitur, plane propter Deum, & quia amicus, seu filius, aut seruus Dei est, diligatur. Excellentia vero creata hominis, in prædictis bonis fundata, suam rationem proprie in eo positam non habet, quod à Deo sit, aut in eum quomodolibet redundet; sed potius quod aliquo tandem modo hominis, & ab homine est. Quo fit, vt eiusdem excellentia cultus ad Deum directe non pertinet, nec ad eandem virtutem, qua Deus colitur.

22 Hinc igitur hominem quidem propter inherenterem bonitatem supernaturalem, eadem virtute charitatis amamus, qua Deum amamus; at tamen eundem hominem propter insitam ei excellentiam supernaturalem, non eadem virtute colimus, qua Deum colimus, vt etiā superioris disp. 2. quæstione 2. dub. 2. ex S. Thoma pluribus docuimus.

23 Quibus addi potest etiam alia diversitatis ratio: quia amor non differt specie penes diuersum

gradum seu modum participandi eandem bonitatem; nec adeo ex sua ratione specifica proprie attingit diuersum illū gradum seu modum eiusdem bonitatis: at vero honor & cultus per se ac ex sua ratione specifica eam varietatem ac diuersitatem Excellentiarum attendunt. Denique ipse modus diuersus participandi eandem bonitatem non constituit diuersam speciem eiusdem bonitatis: at vero diuersus modus habendi seu participandi excellentiam, essentialiter diuersificatur. Excellentiam, quæ adequate ex ipso etiam modo habendi eandem excellentiam spectatur.

Quamquam in eo par est tam amoris, quam cultus ratio; quod sicut distinctus est cultus, quo Deum colimus, & quo creaturam propter internam & propriam suam excellentiam colimus; ita etiā distinctus est amor supernaturalis, quo proximo volumus bonum supernaturale propter seipsum, ab eo, quo volumus ei bonum propter Deum. Hic enim amor charitatis & amicitiae est erga Deum; ille amor concupiscentie ad spem, pertinens, per quem videlicet tum nobis ipsi, tum proximo, quatenus vnum nobiscum est, bonum diuinum volumus; non autem vel alterius virtutis specialis, à spe & charitate distincta, vt vult Lessius loc. cit. vel generalis alicuius virtutis, vt indicat Vasquez cit. num. 175. De qua re plura loco citato.

Quæritur secundo, quid & quotuplex sit cultus, qui per virtutem religionis Deo exhibetur, & qua ratione ab honore differat.

Respondetur breuiter, cultum generatim loquendo, esse notam quandam seu contestationem submissoriis erga alterum, ob existimatam eius excellentiam. Differit ab honore, quod hic solum ac uniuersum significet testimonij excellentiam alterius. Quo fit, vt etiam æqualis & inferior honorari possit; coli autem vel adorari non possit, nisi aliqua ratione superior. Addit enim cultus honori quandam animi submissionem erga rem vel personam, quæ coli dicitur.

Cum autem cultus præter iudicium speculatum intellectus de alterius excellentia, qui actus aut ad fidem, aut similem habitum supernaturalem, vel respectu cultus naturalis, ad naturalem mentis soleritatem, & vim cognoscendi pertinet; itemque præter iudicium practicum, seu dictamen intellectus, alteri hic & nunc, pro ratione excellentiae, cultum congruum cum debita animi submissione deferendum, qui est actus prudentiae, duos præterea actus inuolat; nimur actum voluntatis eidem iudicio consentientis; ac deinde alium, aut alios, siue eiusdem voluntatis, siue alterius potentiae actus, vel in genere, vel in particuli conceptos, qui sint obiectum prioris actus; quosque adeo etiam voluntas priori actu velit in honorem ac cultum Dei efficeret ac referre; vt sunt v. g. tum actus orationis, sacrificij, &c. tum omnium virtutum actus, quantum tenus ad Dei cultum referuntur: intelligendum est, solum priorem actum esse actum religionis immediate elicitem; posteriorem actum, latenter plerumque & communiter, esse actum religionis potius imperatum, vt inferius de oratione,

adoratione, & alijs eiusmodi actibus, primum illum voluntatis actum terminantibus, dicitur.

Ex his vero actibus, et si prior principalior est, & esse potest sine posteriori re ipsa existente; quo modo deuotionis actus consistit, sine actuali exercitio cuiuscunq; alterius actus ad Dei cultu pertinens: saepe tamē posterior, si re ipsa exerceatur, vt adoratio externa, votū, oratio, absolute cultus Dei dicitur; et si, proprie cultus ex vtroq; actu coalescat; ita utrile quasi formaliter, hic vero materialiter ad cultum se habeat.

Et vero licet cultus hominis nunquam esse possit sine actu externo; quandoquidem actus mere internus, utpote alteri homini penitus ignotus, non potest esse nota seu confessatio submissionis erga alterum, vt ex communī docet Vasquez lib. 1. de ador. c. 4. in cultu tamen diuinu, potest etiam esse actus internus, quandoquidē Deus, scrutans renes & corda, non minus perspectos habet actus internos, quam externos. Ex quo oritur duplex cultus Dei, vt docet S. Thomas qu. 84. a. 2. internus scilicet, quē idem S. Thomas reverentiam & deuotionem interiore appellat, & qualis etiam in scriptura Angelis tribuitur, psalm. 96. & Hebr. 1. Et adoren eum omnes Angeli eius; alter externus, qui externo videlicet, aliquo signo ex primitur, vt pluribus dicetur dubio sequenti numero 49.

Quæritur tertio, quānam sit ratio essentialis, tum genericā, tum specificā, virtutis religionis; speciatim an sit virtus Theologica, infusa, & à ceteris omnibus distincta. Respondeo sequentibus pronuntiatis. I. Religio non est virtus Theologica, sed moralis, Iustitia adiuncta. Ita S. Thomas q. 81. art. 5. Ratio est; quia ad virtutem Theologicam requiritur, vt pro immedio obiecto habeat ipsum Deum: religio autem pro immedio obiecto non habet Deum, sed cultū Deo deferendum, seu potius actum, ad Dei cultum relatum; et si hic ipse cultus versetur circa Deum velut obiectum Cui. Et confirmatur; quia religio est quādam quasi iustitia erga Deum, eodem modo se habens erga Deum, sicut iustitia humana erga hominem, cuius obiectum proprium & immediatum non est homo, sed res debita homini.

Nec obstat, quod oratio & laus Dei immedio circa Deum versari videantur: oratio enim revera non refertur ad Deum, nisi velut vt obiectum Cui, repräsentans scilicet nostra vota Deo, vt patebit dubio sequenti. Laus vero Dei non attingit Deum, sicut actus vitalis suum obiectum, sed sicut signum attingit suum signatum. Accedit quod hi non sunt actus proprie & immedio eliciti ipsius religionis, sed actus solum quasi imperati, sicut etiam actus fidei, spei, & charitatis, quatenus ad Deum colendum referuntur, vt docet S. Thomas eodem artic. 5. ad 1. vbi ita etiam explicat dictum Augustini in Enchiridio c. 3. assertus, Deum coli fide, spe, & charitate.

In quem sensum etiam accipitur illud Iacobi 1. v. 27. Religio munda & immaculata apud Deum & Patrem hac est, visitare pupilos, & viduas in tribula-

tione, & immaculatum secundum custodire ab hoc seculo: nempe quia omnium virtutum actus in ordine ad cultum diuinum à religione imperari possunt. Cui etiam simile est illud 1. Corinth. 13. verl. 4. Charitas patiens est, benigna est, &c. quia nimis & à charitate ceterarum virtutum actus imperantur.

Addit S. Thomas ibidem ad 3. medium in virtute religionis non accipi inter passiones, sed secundum quandam equalitatem inter operationes, quae sunt ad Deum, non quidem absolutam; quia DEO non potest tantum exhiberi, quantum ei debetur; sed secundum quandam considerationem humanæ facultatis, & diuinæ acceptationis. Superfluum autem, inquit, in his qua ad diuinum cultum pertinent, esse potest, non secundum circumstantiam quanti, sed secundum alias circumstantias; puta quia cultus diuinus exhibetur, cui non debet exhiberi, vel quando non debet, vel secundum alias circumstantias, prout non debet.

Qua ratione efficitur, religionē non esse virtutem moralem circa passiones versantem, nec ipsis virtutibus velut partē potentialem subordinari, sed esse partem potentialem iustitiae; tunc quod circa actiones, & ad alterum versetur, tunc quod æqualitatem quandam, licet imperfectam constituat, vt in assertione dictum.

II. Religio est virtus specialis, à ceteris omnibus virtutibus distincta. Ita S. Thomas quæst. 81. artic. 4. ex communi. Ratio est, quia habet proprium & speciale obiectum, quiet honor & cultus Deo debitus, quem proprie nulla virtus procurat. Et sicut in rebus humanis, diversis personarum excellentijs, diversus honor debetur; alius quidem patri, alius Regi; ita etiam DEO, ob singularem ac infinitam excellentiam, propriushonor debetur, per virtutem Religionis eidem deferendus.

Idem patet inductione. Religio enim differt à virtutibus Theologicis, cum non sit virtus Theologica, vt dictum, sed moralis: differt etiam à prudentia, eique annexis virtutibus, quia non est in intellectu, sed in voluntate, vt etiam dictum. Nec obstat, quod oratio, & laus, qui inter actus religionis numerantur, sint formaliter in intellectu, non in voluntate; quia isti non sunt actus proprie & immedio eliciti à religione, sed potius imperati, eo modo quo iudicium, aut etiam exterior actus, quo suum ius proximo redditur, est actus iustitiae, vt superius itidem diximus.

Differt etiam à ceteris virtutibus moralibus; à temperantia quidem, & fortitudine, alijsque annexis; quia non versatur circa passiones, sed circa actiones, quibus DEO cultus redditur, nec perficit hominem in ordine ad seipsum, sed in ordine ad alterum, nempe DEVM: à iustitia vero saltem humana; quia non continet, nec constituit perfectam æqualitatem ad alterum, (hominem) in reddendo debito, vt antea dictum; an vero sit ipsa specialis virtus Iustitiae erga DEVM, dicetur inferius numero 43.

35 III. Religio est virtus vna specie infima. Ita S. Thomas quest. 81. a 3. Probatur; tum quia religio , cultum Deo exhibetido protestatur si- dem vnius Dei , quæ fides vna specie est , iuxta illud Ephes. 4. vers. 5. *Vnus Dominus, vna fides.* Tum quia ratio formalis obiectua , seu formale motiuin religionis vnicum est; nempe ipsa excellētia increata Dei , vt dictum. *Ad religionem enim pertinet , inquit Sanctus Thomas , exhibere reue- rentiam vni Deo , secundum unam rationem , in qua- tum scilicet est primum principium creationis & gubernationis rerum.* Vnde ipse dicit Malachia 1. v. 6. *Si Pa- ter ego sum , ubi est honor meus ? patri eius est , & pro- ducre , & gubernare.*

36 Nec obstat , quod in Deo sunt tres personæ , & multa attributa ; quodque per virtutem religionis coluntur quadam ratione etiam Sancti ac imagines Dei ; quia tres persona diuina , inquit Sanctus Thomas ibidem ad 1. fuit unum principium creationis & gubernationis ; & ideo es una religione serui- tur. Diuersæ autem rationes attributorum concur- runt ad rationem primi principij ; quia Deus producit omnia , & gubernat , sapientia , voluntate , & potentia bonitatis sua . Sancti autem , & imaginibus Dei non defertur cultus per virtutem religionis , nisi quatenus aliquo modo ad Deum pertinent , in- ijsque colitur ipsa excellētia diuina , ob quam solum religionis virtute coluntur , vt superius dicitum .

37 Nec obstat secundo , quod plures sunt actus religionis , non solum speciales , vt vouere , ora- re , sacrificare &c. Sed etiam generales , vt colere Deum , eq; seruire. Nam & ab eodem habitu diuersi specie actus procedere possunt ; & cultus , ac seruitus Dei reip̄a non sunt actus religionis distincti ; siquidem eodem actu religionis homo seruit Deo , & colit ipsum .

Nam cultus respicit Dei excellētiam , cui reue- rentia debetur. Seruitus autem respicit subiec- tionem hominis , qui ex sua conditione obligatur ad exhibendam reuerentiam Deo ; cum interim in omni actu religionis & excellētiam Dei , & no- stram erga Deum subiecctionē protestemur ; adeo ut adhac duo pertineant omnes actus religionis ; quia per omnes homo protestatur diuinam excellētiam , & subiecctionem sui ad Deum ; vel exhibendo aliquid ei , vel iterum assumendo aliquid diuinum , vt ait S. Thomas ibidem ad 2.

38 IV. Sed & religio , & sanctitas , tamē inter se ratione differant , tamē essentialiter idem sunt. Ita Sanctus Thomas questione 81. artic. 8. Pro- batur & declaratur . Nomine enim sanctitatis duo significantur , & mundities scilicet mentis , & firmitas eiusdem , saltem in ipso mentis habitu fundata , iuxta illud. Apotholi Roman. 8. vers. 38. *Certus sum , quia neque mors , neque vita . &c. neque creatura alia poterit nos separare à charitate Dei.* Quo fit , vt sanctitas dicatur dispositio qua- dam , qua mens hominis se ipsam , suoque actus firmiter applicat & addicit Deo , & refert in Deum ac diuinū cultum. Religio autem dicitur , secun- dum quod exhibet Deo debitum famulatum , in his , quæ pertinent specialiter ad cultum diuinum , sicut in sacrificijs , oblationibus , & alijs huiusmodi ;

cum tamen sanctitas dicatur , secundum quod homo non solum hæc , sed etiam alia virtutum pœ- rare refert in Deum ; vel secundum quod homo se disponit per bona quædam opera ad cultum di- uinum .

Quæ ad nominis questionem & modum lo- quendi pertinent. Certe enim religio reip̄a non solum certos quosdam actus diuini cultus , sed etiam aliarum omnium virtutum ad diuinum cultum refert.

Quod si quis dicat , nomine sanctitatis pro- prie ac principaliter significari virtutem chari- tatis , hominem Deo firmiter vniuersit , is etiam consequenter dicere poterit , sanctitatem esse virtutem distinctam à Religione. Interim quia res aliae eatenus sanctificantur , & sanctæ di- cuntur , quia diuino cultui addicuntur ; ideo re- de etiam Sanctus Thomas sanctitatem hominis in eo proprio ponēdā existimauit , quod se ipsum diuino cultu addixerit.

V. Tamēsi probabile sit , religionem non di- stingui à virtute pietatis , obseruantie , & grati- tudinis in Deum ; probabilius tamen videtur , gratitudinem esse virtutem à religione distinctā : sicut & religio proprie loquendo , distinguitur ab obedientia , & Iustitia erga Deum. Primam par- tem tradit Lessius l. 2. c. 36. du. 2. n. 15. & vide- tur innuere S. Thomas q. 106. a. 1. ad 1. vbi ait : *Sicut religio est quædam superexcellens pietas ; ita est qua- dam excellens gratia , sive gratitudo.* Vnde & gratia- rum actio ad Deum s' inter ea , quæ ad religionem per- tinent : quod tamen de actu imperato religionis intelligi potest. Idem significat Caietanus q. 107. a. 3. qui docet , has virtutes , pietatē , obseruan- tiā , & gratitudinem dupliciter existere ; primo formaliter , in suis proprijs speciebus ; secondo eminenter , in superiori virtute , quæ est religio. Ratio est ; quia earū formalia obiecta quibus for- maliter sua officia deferunt , vt est ratio paternitatis , virtutis , ac dignitatis , ac demū beneficentie , excellētissimo modo continentur in obiecto re- ligionis , quod est excellētia diuina ; sicut & debita carundem , ob quæ eiusmodi officia deferunt , in debito religionis .

Secunda pars probatur ; quia pietas quidem erga Deum formaliter nulla datur ; cum eius obiectum , quæ est propinquitas sanguinis , re- spectu nostri proprie ac formaliter in Deo non sit. Ratio autem formalis obiecti obseruantie in Deo est contracta , per propriam rationem for- malem obiecti religionis , quæ est excellētia Dei , vt proinde neutra virtus , prout circa Deum ver- satur , sit specialis virtus à religione distin- cta .

Sed gratitudo etiam quoad Deum habet suum proprium obiectum formale , quod est debi- tum ortum ex beneficio , cum debitum religio- nis fundetur præcisè in excellētia diuina abstrahendo à liberali dantis affectu ; qui tamen ip- se motuum esse potest ad actum religionis ex- citandum , adeo ut ipsa religio hoc sensu qua- si imperatiue gratitudo dici possit : in quem sensum loquutus videtur . Sanctus Thomas loc. cit.

Ipsum

<sup>42</sup> Ipsam vero humilitatem seu subiectionem debitam aduersus Deum, verius existimo non distingui à religione; cum ea ipsa subiectione fundetur tum in excellentia diuina, tum in utilitate nostra; cuius professio quædam & protestatio exhibetur per virtutem religiosis.

Aliter videtur sentiendum de obedientia aduersus Deum; hæc enim cum formaliter fundetur non in excellentia Dei absolute, sed potius in quadam iurisdictione eiusdem, videtur habere debitum ac motiuum distinctum à virtute religionis: sicut etiam in humanis virtutibus obseruantia aduersus superiorem, distincta est ab obedientia eidem debita. An autem obedientia aduersus Deum & homines sit una specie virtus, disputat. sequente dicetur, ybi de obedientia agemus.

<sup>43</sup> Tertia pars de Iustitia ita probatur & declaratur. Supponimus enim hoc loco, quod in materia de penitentia fuisus probandum erit, dari in homine aliquam iustitiam erga Deum, cuius proprium officium sit, in omni materia ius illud diuinum, quod in creaturas ratione præditas, in ordine ad quævis officia ab eis debita, præstanta habet, procurare ac illæsum conseruare. Ab hac ergo iustitia virtutem religionis specie distingui, ita probamus. Religio enim, non secus ac inter homines obseruatiæ, debitum Deo honorem defert, non has formaliter ratione, ne ius diuinum per iniuriam lœdatur; sed quia præcise eius excellentia talis honor debetur. Quia ratione etiam differt à similitate erga Deum, quod hęc versatur in promissis Deo exsolvendis, præcise ut ei ratione promissionis debentur; Qui titulus etiam in humanis per se non constituit veram iustitiam.

<sup>44</sup> Interim si quis religionis nomen laxe usurpare velit, ut vnam non specie infima, sed genere proximo virtutem significet, seu vnam, per collectionem plurium habituum, habentium inter se quandam affinitatem, vel quasi artificiale compositionem in ordine ad honorē Deo integre & ex omni parte illæsum seruandum, ita ut sub se latrīam, fidelitatem, gratitudinem, & pœnitentiam, quin etiam humilitatem & obedientiam aduersus Deum comprehendat, cum eo quidem magnopere contendendum non erit, sed is tamen à consueto vsu loquendi Theologorum aberrabit, vt cum Suario 3. parte tom. 4. disp. 17 sect. 2. n. 6. diximus disp. de pœnitent. thesi 12.

<sup>45</sup> VI. Religio est virtus supernaturalis ac perse infusa; quamvis imperfecta religionis virtus etiā acquisita detur. Prima pars est S. Thomæ q. 81. a. 5. ad 3. & q. 82. a. 2. ad 1. & 3. ybi docet, charitatē esse principium & causam religionis & devotionis. Ratio est. Quia religio simpliciter & absolute dicta, est virtus, qua Deus, etiam ut obiectum supernaturale est, perfecte colitur; hoc autem non fit nisi per virtutem infusam religionis: ita quidem, ut cum ceteræ virtutes morales etiam ex fine quasi extrinseco, non ex propria materia, virtutem infusam postulent; religio tamen ex proprio obiecto & motu intrinseco habitum infusum requirat.

Secunda pars videtur communis Doctorum. Sicut enim Deus naturali etiam ratione aliquo modo cognoscitur, & colendus intelligitur; ita etiam potest actu proportionato voluntatis colitur: ex quibus actibus frequentatis naturalis & acquisita religionis virtus comparari potest; qua & ab Ethniciis, & à Christianis peccatoribus reipsa Deus nonnunquam suo modo colitur, vt in simili de charitate dictum disputat. 2. questio. 2. dub. 2.

VII. Religio inter virtutes morales præstantissima est. Ita S. Thomas citat, quest. 81. artic. 6. Ratio est; quia post virtutes Theologicas, quæ immediate circa ipsum Deum versantur, inter ceteras virtutes morales, eo quæque ceteris paribus præstantior est, quo propius Deum attingit: Religio autem propius accedit & attingit Deum, quam alia virtutes morales; in quantum operare ea, quæ directe & immediate ordinantur ad honorem diuinum; formaliter & directe respiciens cultum Dei: Ergo, &c.

Nec obstat, quod etiam virtus humilitatis, & obedientiae erga D e v m, pari ratione Deum attingere videntur. Non solum quia verius est, virtutem humilitatis erga D e v m non esse distinctam à virtute religionis, vt dictum num.

<sup>46</sup> 42. & supra disputation. 3. question. 3. dub. 8. sed etiam quia obedientia erga D e v m, cum proprie & formaliter solam rationem superioris imperantis spectet, habet rationem obiectivam nostra consideratione non paulo inferiorem ipsa ratione obiectiva religionis, quæ est ipsa infinita D e i excellentia absolute spectata.

46

47

### D V B I V M III.

*Quosnam in genere actus, tum internos, tum externos habeat Religionis virtus; & speciatim quis & qualis actus religionis sit deuotio.*

S. Thomas 2. 2. q. 81. a. 7. & q. 82. aa. 4.

<sup>48</sup> Q uod ad primum, nempe actus religionis in genere attinet, sequentes assertiones statuimus. I. Actus religionis vniuersim loquendo sunt duplices; alij enim sunt actus religionis immediate per se eliciti; alij quasi imperati, seu mediate ac secundario eliciti. Hac assertio est extra controversiam, & sumitur ex analogia omnium virtutum reliquarum, vt diximus supra disp. 1. q. 7. dub. 1.

Probatur & declaratur ex dictis dub. preced. num. 26. quia actus immediate ac per se à religione elicitus, est internus actus voluntatis, quo D e o cultum debitum volumus; & nihil aliud est, quam profunda & submissa mentis inclinatio coram Deo, qua voluntas vult profiteri Dei excellentiam, cui in omnibus iure.

subesse debeat. Alij actus religionis sunt imperati, quibus nimur internam illam animi submissionem re ipsa profitemur; siue in eadem potentia voluntatis, siue in diversa potentia existant; & siue interim ab aliquo alio virtutis habitu eliciantur, siue per se ad nullam aliam virtutem, quam religionis pertineant, ut ex sequentibus patebit.

**49.** **ASSERTIO II.** Actus religionis imperati, quibus nempe ipsa Dei excellentiam, nostramque submissionem profitemur, alijs sunt externi, alijs interni; quibus proinde nonnunquam consummatur religionis virtus. Prima pars est extracontroversiam, & asseritur a S. Thoma quest. 81. a. 7. Ratio est; quia Deo reverentiam & honorem exhibemus non propter seipsum, quasi ipse nostro honore indiget; cum ex se ipso plenus sit gloria, cui nihil a creatura adjici potest: sed propter nos; quia ad ipsam mentis nostrae perfectionem pertinet, ut Deum revereamur & honoremus, eique subijciamur: siquidem unaquaque res hoc ipso perficitur, quod suo superiori subiectur, sicut corpus per hoc, quod vivificatur ab anima, & aer per hoc, quod illuminatur a sole. Quia vero mens humana ab externis sensibus & sensibilibus pendet, eorumque velut manuductione indiget, necesse est, in diuino cultu etiam actus quosdam externos & corporales adhiberi: tum ut ijs quasi notis quibusdam & symbolis etiam coram alijs diuinam excellentiam, nostramque erga Deum subiectionem protestemur; tum ut ijs quasi signis quibusdam mens hominis excitetur ad spirituales & internos actus, quibus Deo coniungitur.

**50.** Nec obstat illud Ioannis 4. v. 24. *Spiritus est Deus, & eos qui adorant eum, in spiritu & veritate operari adorare.* Non enim hic excluditur actus seu cultus externus, sed solum docetur, verum Dei cultum præcipue consistere in actu interno, sine quo actus externus nihil momenti habeat, ut recte exposuit Sanctus Thomas cit. articulo 7. ad 1.

**51.** Secundam partem tradit S. Thomas q. 81. a. 7. & q. 82. in titulo & q. 84. art. 2. idemque ex communi Doctorum asserit Vasquez lib. 1. de adorat. num. 23. qui in eo omnes pene consentiunt, religionem ( quidquid sit de speciali religionis actu, qui adoratio dicitur ) pro obiecto habere non tantum actus externos, ut putarunt Bonaventura in 3. dist. 9. art. 2. questio. 3. & 4. & Maior q. 1. sed etiam actus internos, quibus proinde ipse religionis cultus nonnunquam consummetur.

Quo sensu etiam veteres Scholastici apud Vasquez lib. 1. cap. 2. num. 190. dixerunt, virtutem religionis pro obiecto habere quoque cultum interiore, qui fide, spe, & charitate Deo exhibetur; quandoquidem tum ceteris internis virtutum actibus, tum his ipsis præcipue Deo nosipsos subjecimus, eiusque excellentiam in conspectu Dei contestamur. Credimus enim Deo tanquam superiori Magistro & supremæ veritati, cui subjecimus iudicium ac intellectum nostrum; speramus ipsius virtute & omnipotentia bona æterna;

amamus illum, omnia nostra ad eum referendo. Alia ratio est cultus, quem homini exhibemus; quia actus etiam mere internus nota quidem esse potest submissionis Deo inspectori cordium, sed non hominibus. An autem similiter etiam adoratio Dei interno actu consummari possit, inferius q. 2. dicetur.

**ASSERTIO III.** Tametsi unaquaque virtus actus aliarum virtutum imperare possit, proprium tamen est tum charitatis, tum religionis, omnes omnium aliarum saltem moralium virtutum actus, in ordine ad suos fines, imperare. Colligitur ex scriptura, quæ speciatim monet, ut omnes actiones nostras imperio religionis ad honorem & gloriam Dei referamus 1. Cor. 10. vers. 31. *Sine ergo manducatis sine bibitis, siue aliud quid facitis, omnia in gloriam Dei facite.* Et Coloss. 3. vers. 17. *Omne quodcumque facitis, in verbo aut in opere, omnia in nomine Domini IESV CHRISTI.*

Ratio est; quia sicut caritas est regina omnium virtutum, quæ proinde sua natura omnibus, etiam ipsi religione, imperare potest; ita religio est princeps omnium virtutum moralium, quibus proinde itidem in ordine ad suum finem, qui est honor & gloria Dei, sua natura imperare potest: cum tamen alioquin virtus inferiori superiori nec ita sua natura, nec ita proprie imperet; licet eam vicinque in ordine ad suum finem mouere ad operandum possit.

Quo sensu late dici potest, religionem etiam ipsis virtutibus Theologicis imperare, ut cum Caietano hic questione 81. art. 8. recte docet, Valentia questione 1. pun. 2. in eundem sensum etiam Sanctus Thomas cit. art. 8. absolute dixit, sanctitatem, quæ est religio, omnibus virtutibus imperare.

Neque opus est, hoc loco de actibus aliarum virtutum à religione imperatis fusius agere; quando alibi proprios locos habent, quibus explicantur. Solum de actibus religionis tum eliciti, tum imperatis, qui per se ad nullam aliam virtutem pertinent, in praesenti questio est, quot & quinam sint; quod sequens assertio declarat.

**ASSERTIO IV.** Actus religionis de quibus hoc loco agendum, vniuersim sunt undecim; nimur deuotio, oratio, adoratio, sacrificium, oblatio, primitia, decima, votum, iuramentum, adiuratio, & laus Dei. Ita S. Thomas q. 82. & 84. & 89. initio. Probatur & declaratur. Aut enim actus religionis sunt interni; aut externi. Interni aut sunt immediate eliciti; aut solum secundario eliciti, seu immediate imperati. Prioris generis est deuotio; posterioris, oratio, ut dicitur.

Actus vero externi, sunt in triplici differentia. Aut enim aliquis suum corpus ad Deum venerandum exhibet, & est adoratio; aut aliquid est exteris exterioribus Deo & ad Dei honorem offeratur, vel promittitur; & tales sunt sacrificium, oblationes, primitia, decima, votum: aut denique aliquid diuinum ab hominibus ad eiusdem Dei honorem assumitur, quod est vel sacramentum aliquod, aut ipsum nomen diuinum; & quibus tamen Sacra-

menta

menta alibi proprium sibi locum propriamque tractationem postulant. Quod vero ad diuinis nominis assumptionem, quae huius loci propria est, pertinet, assumitur diuinum nomen ab homine tripliciter; primo per modum *iuramenti*, ad propria verba confirmanda; secundo per modum *adiuarionis*, qua alios ad quidpiam faciendum inducimus; tertio per modum *invocationis*, ad orandum vel laudandum; è quibus reliqui quinque actus religionis existunt; de quibus proinde Sanctus Thomas sigillatim agit, & nobis itidem cum eō deinceps agendum, incipiendo à deuotione quametiam S. Thomas ceteris actionibus anteponit.

Quæritur igitur secundo, quis, & qualis actus sit deuotio; quæve eius sit causa, & quis effectus.

**ASSERTIO I.** Deuotio est actus voluntatis, seu voluntas prompte faciendi, quod ad Dei seruitium pertinet. Ita Sanctus Thomas quæstio. 8.2. articulo 1. Probatur & declaratur. Dicitur enim deuotio à deuotendo; & sicut olim apud Gentiles deuoti dicebantur, qui seipsos Idolis deuouebant ad mortem, pro sui exercitus salute, ut de duabus Decisiis refert Liuius libro 8. decade 1. ita apud Christianos deuoti dicuntur, qui seipsos totaliter Deo deuouent, ut ei se totaliter subdant.

Vnde deuotio nihil aliud esse videtur, quam voluntas quædam prompte tradendi se ad ea, quæ pertinent ad Dei famulatum; seu quod idem est, voluntas prompte faciendi quod ad Dei seruitium pertinet. In quem sensum etiam Exodi 35. vers. 29. dicitur, omnes viros & mulieres mente deuota obulisse donaria: & ibidem vers. 2 t. Omnis multitudo filiorum Israël obulerunt mente promptissima atque deuota primitam Domino.

**ASSERTIO II.** Tametsi deuotio causaliter sit actus vniuersitalis, mouens se illicet ad actus omnium virtutum, tam corporales, quam spirituales; tam internos, quam externos; formaliter tamen & secundum se est actus specialis. Ita S. Thomas codem a. 1. ex communī. Probatur & declaratur: quia sicut religio omnes ceteras virtutes mouet in ordine ad suum finem; ita etiam actus deuotionis ad religionem pertinens, quo religio tanquam medio vtitur ad ceteras virtutes mouendas.

In quem sensum Sanctus Thomas ibidem ad 1. ait: *Voluntas mouet aliis vires animæ ad suos actus, & voluntas secundum quod est finis, mouet se ipsum ad ea, quæ sunt ad finem.* Et ideo cum deuotio sit actus voluntatis hominis offerentis seipsum Deo ad ei seruendum, qui est ultimus finis, consequens est, quod deuotio imponas modum (seu speciale bonitatem) humanis actionibus; inquantum scilicet deuote seu religio fieri dicuntur; sive sunt ipsius voluntatis circa ea, quæ sunt ad finem; sive etiam sunt diarium potentiarum, quæ à voluntate mouentur. Et ibidem ad 2. ait: *Deuotio inuenitur in diversis generibus, non sicut species illorum generum, sed sicut motio mouentis inuenitur virtute in motibus mobilium.*

Nihilominus quia deuotio habet proprium obiectum formale, seu motiuum, ob quod cæ-

teros actus virtutum imperat, nempe ipsum honorem seu gloriam Dei, ad quam omnia referunt, fatendum est, eum essentialiter esse speciale quendam virtutis actum; quando non simpliciter & quomodounque vultea, que ad Dei seruitium pertinent; quod quidem omnibus virtutibus commune est; sed vult ea, quatenus formaliter ad seruitium adeoq; cultum Dei pertinent.

**ASSERTIO III.** Deuotio est actus proprius & immediate elicitus ipsius religionis. Ita S. Thomas q. 8.2. a. 2. Probatur; quia ad eandem virtutem pertinet, velle (hæc vocula videtur redundare) facere aliquid, & promptam voluntatem habere ad illud faciendum; quia vtriusq; actus est idem obiectum: quae de causa etiam Aristoteles 5. Eth. c. 1. docet, iustitiam esse, qua volunt homines, & operantur infra: at vero operarie, quæ pertinent ad diuinū cultum seu famulatum, proprie ac formaliter pertinent ad religionē, vt dictum: Ergo eriam habere promptam voluntatem ad eadem exequenda, adeoq; etiam esse deuorum, ad religionem tanquam quidam eius actus pertinent.

Ita S. Thomas absolute probat, deuotionem esse actum religionis: at vero esse actum eius immediate elicitorum, facile ex dictis probatur. Actus enim religionis proximus ac immediate elicitorum, est is ipse actus voluntatis, quo quis vult seu generatim, ac in omni materia, quidquid ad seruitium & gloriam Dei pertinet, seu eriam in certo aliquo genere materiæ, actum aliquem ad eandem Dei gloriam pertinentem efficere, ac in effectum redigere, atq; ita debitam erga Deum subiectionem praestare; è quibus prior est ipse actus deuotionis superius a nobis explicatus.

Nec obstat primo, quod etiam per charitatem homo Deo se trādat, & quasi deuoneat, iuxta Dionysium c. 4. de diuinis nominibus, vbi ait: *Diuinus amor extra se facit, non sine amantes suis ipsorum esse, sed eorum quæ amant.* Nam vt bene respondeat S. Thomas cit. a. 2. ad 1. ad charitatem pertinet immediate, vt homo seipsum trādat Deo, ad haren- do ci per quandam spiritus unionem. Sed vt homo trādat seipsum Deo (nimur ob consideratam in ipso propriam rationē excellentiæ, ex dictis du. 2. n. 17,) ad opera diuinī culis, in quo proprie deuotionis actus consistit, hoc immediate pertinet ad religionem, mediate autem ad charitatē, quæ est religionis principium.

Nec obstat secundo, quod deuotio præcedere videtur charitatē; quia charitas in scripturis significatur per ignē, deuotio vero per pinguedinē, quæ est ignis materia; cum tamen charitas præcedat religionem, vt dictum. Sicut enim pinguedo corporalis generatur per calorem naturalem, & ipsum calorem naturalem conseruit, velut eius nutrimentū; ita etiam charitas & deuotionem causat, quatenus examore aliquis redditur promptus ad seruendum amico, & per deuotionem nutritur; sicut & qualibet amicitia conseruat & augetur per amicabilem operum exercitum & meditationem, vt recte S. Thomas ibidem ad 2.

Nec obstat tertio, quod etiam Sanctis deuoti dicimur; sicut etiam & dominis tem-

57

58

59

60

poralibus; ad quos tamen non est religio. Nam deuotio proprie loquendo, quæ ad Sanctos Dei mortuos vel viuos concipitur, non terminatur ad ipsos, sed transit in Deum, in quantum scilicet in ministeriis Deum veneramus, ut dub. 2. num. 19. generatim dictum. Deuotio autem, quam subditi dicuntur habere ad dominos temporales, alterius est rationis: sicut & temporalibus dominis famulari, differt à famulatu diuino, ex S. Thoma ibidem ad 3.

**61 ASSERTIO IV.** Etsi Deus sit externa & principalis causa efficiens deuotionis; meditatio tamen diuinæ bonitatis, & consideratio nostræ fragilitatis & infirmitatis, eiusdem interna cause sunt, ad illam nos maxime disponentes. Ita S. Thomas q. 82. a. 3. Prima pars patet ex Ambro-  
fio super Lucam cap. 9. sub finem, vbi ait: *Deus quos dignatur vocat; & quem vult Religiosum facit: & si volueret, Samaritanos ex indeuotis deuotos fecisset.* Idem patet ex generali doctrina de gratia tom. 2. disp. 6. q. 4. dub. 1. & 4.

**62** Secunda pars probatur ex illo psal. 38. vers. 4. *Conculxit cor meum intra me; & in meditatione mea exardecset ignis.* Ratio est; quia cum omnis actus voluntatis ex aliqua consideratione seu intelligentia procedat, necesse est, ut etiam actus deuotionis, quem esse in voluntate diximus, ex acco-  
modata sibi consideratione procedat, ea scilicet, quæ idonea sit voluntatem excitare, vt se prompte diuino obsequio tradat; qualis quidem est duplex illa consideratio, tum diuinæ scilicet bonitatis & beneficiorum ipsius; qua excitatur proxima deuotionis causa, nempe dilectio, secundum illud psalmi 72. v. 28. *Mihi adhaerere Deo bonum est, ponere in Domino Deo spem meam:* tum etiam consideratio nostræ infirmitatis ac fragilitatis; quæ facit, vt exclusa præsumptione, Deo innitamur, nosque ei libenter subiiciamus, iuxta illud psalmi 120. v. 1. *Leuavi oculos meos in montes, unde veniet auxilium mihi. Auxilium meum a Domine, qui fecit calum & terram.*

**63** Etsi vero alta diuinitatis mysteria in meditatione expensa, per se ac sua natura apta sint excitare tum dilectionem, tum deuotionem; ex debilitate tamen humanæ mentis sœpe accedit, ut ea quæ pertinent ad Christi humanitatem, ut propter nobis notiora, per modum cuiusdam manu-  
ditionis, maxime deuotionem excent.

**64** Nec obstat, quod deuotio frequenter potius inuenitur in quibusdam simplicibus, & in femineo sexu, qui tamen ad meditationem parum sunt idonei. Per accidens enim est, quod nonnunquam scientia, & quidquid excellens est, sit occasio, ob quam homo *confidendo de se ipso*, non se totum Deo tradat, atque ita deuotio impediatur; cum ē contra eiusdem excellentiæ defectus in simplicibus, & mulieribus, elatione compressa, maioris deuotionis occasionem præbeat. Qua de causa etiam Caietanus ibidem notat, ab Ecclesia vocari deuotum femineum sexum. Si quis tamen sine scientiam, sine aliam quamcunque perfectiōnem Deo perfekte subiicit, & ad eius honorem referat, in eo ex hoc ipso deuotionem augeri necesse est, ut docet Sanctus Thomas ibidem ad 3.

Non est ergo in culpa, inquit Caietanus ibidem, scientia doctorum, nec in laude imperfectio mulieris; sed abusus scientie, in magnificando se, & rectius vñ imperfectionis, in non elevando se. Quo longe melior est rectius vñ imperfectionis, ut scilicet & eam haberet, & ex ea se non magnificaret, ut ipse auctor tam eminentis doctrinæ faciebat.

**65 ASSERTIO V.** Effectus quidem deuotionis per se quidem ac principaliter est lætitia & gaudium in Spiritu Sancto; Secundarius autem, & minus principalis, est etiam aliqua secundum Deum tristitia. Ita S. Thomas q. 82. a. 4. Et prima pars patet ex illa collecta Ecclesiæ feria quinta post Lætare; *Quos ieiunia votiva castigant, ipsa quoque deuotio sancta lariſcit.*

Ratio est; quia deuotio principaliter quidem oritur ex consideratione diuinæ bonitatis; quæ vti per se conciliat lætitiam & delectationem, secundum illud Psalmi 76. vers. 4. *Memor fui Dei, & delectatus sum;* ita per accidens causat tristitiam quandam, in his, qui nondum Deo plene fru-  
ustur; iuxta illud Psalmi 41. v. 4. *Fuerunt mihi la-  
chrima mea panes die ac nocte, dum dicitur mibi quo-  
tidie, ubi est Deus tuus.*

Secundario autem conciliatur deuotio, ex consideratione propriorum defectuum, velut termini à quo homo per motum voluntatis deuote recedit; quæ consideratio per se quidem causat tristitiam; per accidens autem, ob spem diuinæ subventionis, lætitiam. Similimodo etiam consideratio Passionis Christi & tristitiam, & lætitiam diuerso respectu conciliare solet.

Neque repugnat in hac vita; spiritum, qui ex una parte contributatur, propter præsentis vitæ de-  
fectus, aut pia compassionis affectum, ex alia parte delectari ex consideratione diuinæ bonitatis, & ex spe diuini auxilij, ut generatim dictum tom. 2. disp. 1. q. 3. dub. 2. à num. 18.

Et sicut in rebus humanis lachrimæ proum-  
punt non solum ex tristitia, sed etiam ex quadam  
affectu teneritudine, præcipue cum consideratur  
aliquid delectabile, cum permissione aliquum tristi-  
bilis; sicut solent homines lachrimari ex pietatis affectu, cum recuperant filios vel charos, quos exhi-  
mabant se perdidisse: ita etiam deuotionis lachri-  
mae non semper acerbæ sunt & luctuosa, sed non  
nunquam etiam cum lætitia & gaudio coniunctae;  
semper autem dulces; quia etiam tristi-  
tia, quæ secundum Deum est, suauiter  
memet afficit. Vide S. Tho-  
mas ibidem ad 3.



## DV B I V M IV.

*De Oratione, velut altero actus  
interno religionis, uniuersim ac  
in genere; speciatim quid, &  
quotuplex sit, quibus conueniat;  
(anetiam Sancti inuocandi;) &  
quas conditiones requirat. &c.*

S. Thomas 2. 2. q. 83. a. 2. 17.

Ecundus, & quidem per se internus quoque  
actus religionis, vt dictum dub. precedentis,  
est oratio, de qua queritur primo, quis & cuius  
virtutis actus sit oratio.

**ASSERTIO I.** Oratio proprie & immediate est a-  
ctus intellectus, non voluntatis. Ita S. Thomas  
q. 83. a. 1, ex comuni. Probatur & declaratur. Est  
enim in p̄senti sermo de oratione, p̄t significat  
quādā deprecationē vel petitionē, secundū illud  
Damasceni l. 3. c. 24. afferentis, orationē esse pe-  
titionem decentiū ad Deo: & Basilij homil. 5. de varijs,  
quæ est in Martyrem Iulitam, vbi ait: *Oratio effbo-  
ni cuiuspiam petitio, quæ ad Deum à pijs effunditur.*  
Quomodo etiam s̄pē in scriptura usurpatur, vt  
Matthæi 6. vers. 9. si ergo orabit; Pater noster &c.  
Matthæi 26. v. 41. *Vigilate & orate ut non intreris in  
tentationem.* Marci 11. v. 24. *Omnia quæcumq; orantes  
petitis, credite quia accipietis, & euenerit vobis;* & ali-  
bi passim.

Etsi nonnunquam oratio generatim accipiatur,  
pro quavis pia mentis elevatione ad Deum. Quo-  
modo Augustinus serm. 230. de tempore ait: *Quid  
est oratio, nisi ascensio animæ de terrestribus ad coelos?*  
*inquisitio superiorum, inservium desiderium?* Et Da-  
mascenus citat. libro 3. fidei orthodoxæ cap. 24.  
orationem docet esse *ascensum mentis in Deum.* Et  
eodem sensu Chrysostomus homil. 30. in Genes.  
*Oratio, inquit, colloquium est cum Deo, quod ut scias,*  
audi Prophetam dicentem: *Iucundum sit ei colloquium  
meum,* psal. 103. verum in proposito prō petitiō-  
ne accipitur.

Petitio autē, cum nihil aliud sit, quā expositio,  
seu intimatio quādā desiderij ei facta, qui gratui-  
to iuuare possit, necessario efficitur, tam oratiō-  
nem, quā petitione, esse actū aliquius potentiae  
locutuā, sive exterma, si oratio sit vocalis; aut  
solum interna, qualis est ratio sive intellectus, si  
oratio sit mentalis, de qua in p̄senti loquimur.

Quomodo etiam oratio secundū genus suum  
conuenit cum imperio, qui itidē est actus ratio-  
nis intimantis, seu exprimitis actū voluntatis  
seu desiderij, quo quis aliquid fieri cupiat ab alte-  
ro. Differunt tamen inter le; tum quod imperium  
solum dirigitur ad inferiorē; oratio vero ad eos, qui  
orantū non subiiciuntur, sive sint aequales, sive sint supe-  
riores: tum quod imperium ex suo genere est actus  
rationis practicæ, adeoque operatiuus, per mo-  
dum *causa perfecta*, quæ necessitatem agendi in-  
ducit; oratio autem est operatiua solum per mo-  
dum *causa imperfecta* ac dispositiua, hoc ipso,

quod nec persona, ad quam dirigitur, nec effe-  
ctus, qui postulatur, oranti plene subiicitur.

Idem confirmatur auctoritate Sapientum. Ita  
enim Aristoteles 1. Ethic. cap. vlt. ait: *Quod ad  
optima deprecatur (alias incitat) ratio, vt recitat S.*  
Thomas cit. a. 1. Et Isidorus lib. 10. Etymol. c. 4.  
ait: *Orare idem esse, quod dicere; constatautem di-  
ctionem internam pertinere ad intellectum.* Et  
deniq; Cassiodorus in psalmum 38. notat, orati-  
onem dici, quasi *orū ratinem.*

Nihilominus tamen etiam *desiderium pauperum*,  
non secus ac oratio, à Deo exaudiiti dicitur, psal-  
mo 10. v. 16. vel quia desiderium est causa peten-  
di; cum petitio sit quodammodo desiderij inter-  
pres, vel hoc dicitur ad demonstrandam propen-  
sionem exaudiendi; quia scilicet, dum adhuc ali-  
quid in desiderio pauperum est, Deus exaudie-  
t, antequam orationem proponant, secundū illud  
Isaiae 65. v. 24. *Eritis antequam clament, ego exaudi-  
am, vt recte notauit S. Thomas ibidem ad 1.*

**ASSERTIO II.** Orationis actus soli creature  
rationali competit; non autem vel Deo, vel bru-  
tis animantibus. Ita S. Thomas quæst. 83. art. 10.  
Ratio sumitur ex dictis: quia oratio est actus ra-  
tionis ad superiorem, vel certe non subiectum:  
diuinis autem personis nihil est superius, nec  
quicquam eis non subiectum; bruta autem ani-  
mantia carent ratione: Ergo. &c. Quod in-  
telligendum de Deo, & diuinis personis secundum  
se, sive ut subsistunt in natura diuina; quia filiū  
Dei in assumpta natura humana orasse, & ora-  
re posse, constat, & magis patet quæsito 2. af-  
fert. 3.

spiritus autem Sanctus dicitur *pro nobis postulare*,  
Roman. 8. vers. 26. quia postulantes nos facie-  
t: & pulli coruorum inuocare, psal. 146. propter natura-  
le desiderium sive indigentiam, qua omnia suo  
modo desiderant consequi diuinā bonitatem, vt  
ait S. Thomas ad 1. & 3.

**ASSERTIO III.** Oratio ex suo genere est actus  
non solum honestus ac virtuosus, sed etiam utilis  
ac necessarius. Ita S. Thomas q. 83. a. 2. Constat  
ex scriptura passim, præsertim Lucæ 18. vers. 1.  
oportet semper orare, & non desistere.

Probatur & declaratur. Triplex enim circa ora-  
tionem fuit antiquorum infidelium error. Qui-  
dam enim afferentes, res humanas non regi diuina  
prudentia, consequenter sustulerunt orati-  
onis vsum, quasi vanum & superuacaneū sit ora-  
re, & omnino Deū colere. Qui reprehenduntur  
Malachia 3. v. 14. *Dixisti: vanum es, qui seruit Deo.*

Secundo alij afferentes, etiā in rebus humanis  
omnia ex necessitate contingere, sive ex immu-  
tabilitate diuinæ prudentiæ, sive ex necessitate  
stellarum, sive ex connexione causarum, sus-  
tulerunt itidem orationis utilitatem.

Tertio alij affirmarunt quidem, res humanas  
diuinæ prudentiæ regi, neque absoluta necessi-  
tate euenerire; verum simul addiderunt, dispositi-  
onem diuinæ prudentiæ variabilem esse, ita vt  
orationibus, & alijs que ad diuinum cultum  
pertinent, dispositio diuinæ prudentiæ immu-  
tetur; qui licet vsum orationis non sustulerint,  
male tamen eum exposuerunt, vt de prudentia

Dei generatum dictum tom. I. disp. 3. q. 1. Quare ita orationis usus ac utilitas explicanda est, ut neque rebus humanis diuinæ prouidentiae subiectis necessitatem imponamus, neque etiam diuinam dispositionem mutabilem assimemus.

73 Quod in hunc modum declaratur. Quia enim diuinæ prouidentia non solum disponit effectus faciendo, sed etiam causas & media, quibus efficiendi sunt, & inter has nonnunquam etiam ipsos actus humanos liberos, qualis est oratio: idcirco necesse est, tum alias actiones humanas, tum etiam orationem ad Deum intervenire, non quidem ut diuinæ immutetur dispositio, sed ut per eiusmodi actus & orationes impleantur effectus, secundum ordinem diuinæ prouidentiae à Deo per hæc media dispositi. Itaque non oramus, ut diuinam dispositionem immutemus: sed ut id impetreremus, quod Deus per orationes dispositi plendum, ut scilicet homines postulando mereantur accipere, quod eis Deus Omnipotens ante secula dispositum donare, ut ait S. Gregorius lib. I. Dialog. cap. 8.

Neque vero idcirco à Deo quæ cupimus, petere necesse est, ut Deo nostras indigentias vel desideria manifestemus; sed ut hac ratione nostram erga Deum submissionem fiduciamque exprimamus; recognoscendo Deum esse bonorum nostrorum auctorem, ut recte notauit Sanctus Thomas eodem artic. 2. ad 3. Ex quibus etiam patet, orationem esse actum aliquius virtutis.

74 ASSERTIO IV. Oratio est actus religionis, non quidem immediate, sed mediate elicitus; seu quod idem est, per se ac immediate imperatus. Ita S. Thomas q. 83. a. 3. vbi absolute docet, orationem esse actum religionis. Probatur & declaratur; quia ad religionem proprie pertinet, reverentiam & honorem Deo exhibere. Quo sit, ut omnia illa, per qua Deo reverentia exhibetur, pertineant ad religionem, velut actus quidam eiusdem: atqui per orationem homo Deo reverentiæ exhibet, inquantu ei se subiicit, & profitetur orando, se eo indigere, tanquam auctore suorum bonorum: ergo oratio proprie est actus religionis.

Non tamen esse actum immediate elicitorum, ex eo patet, quia est actus diversæ potentiarum, scilicet intellectus, non voluntatis, ut dictum afferat. I. & agnoscit S. Thomas cit. art. 3. ad 1. Quia tamen oratio proprie ac per se non est actus alterius virtutis, quam religionis, ipsumque affectum religionis necessario inuoluit, recte dici potest, esse actum mediate elicitorum, seu per se ac immediate imperatum religionis, ut in simili de confessione fidei, comparata ad habitum fidei, diximus disp. I. q. 7. dub. I.

Nec obstat primo, quod oratio, cum ex desiderio imperandi nascatur, potius ad spem, vel charitatem pertinere videatur; ad quas scilicet virtutes eiusmodi desiderium pertinet, ut fateatur etiam Sanctus Thomas artic. 3. ad 2. Hinc enim solum probatur, orationem quidem à spe imperari & cœulari, non tamen proprie ac formaliter esse actum spei, sed religionis, cuius ratione ac honestatem proxime continet, utpote intrin-

se honorem Deo, in professione eiusdem excellentiæ ac nostra submissionis positum, deferens.

Nec obstat secundo, quod orationis actus communis est etiam peccatoribus, qui tamen vi charitatis, ita etiam religionis aliarumque moralium infusis habitibus destituuntur. Hinc enim solum probatur, actum orationis in peccatoribus non esse undeque perfectum, ut qui non ab ipsa virtute infusa religionis, sed solum tum ab habitu spei, tum ab habitu religionis naturali & acquisto proficiatur. Quod pari ratione etiæ de alijs actibus religionis dicendum est.

ASSERTIO V. Actus orationis inter ceteros religionis actus, post devotionis actum, est ex suo genere præcipuus ac præstantissimus. Ita S. Thomas quæst. 83. a. 3. ad 1. & 3. Probatur; quia eo actus religionis præstantior est, ceteris paribus, quo nobiliorem animæ potentiam afficit, & Deo subiicit; atqui vero per orationem, homo ipsam mentem Deo subiicit, & quodammodo præsentat, iuxta S. Dionysium cap. 3. de diuinis nominibus: Ergo sicut mens humana, præminet exterioribus & corporalibus membris, vel exterioribus rebus, quæ ad Dei seruitum applicantur, ita etiam oratio præminet alijs actibus religionis externis: non tamen actui devotionis, non quod hic sit nobiliors potentia, sed tum quia est actus religionis immediate elicitus; tum quia est actus yniuersalis, quidquid ad Dei cultum pertinet pro obiecto habens, ut superius dictum; tum denique quia in moralibus, ac morali estimatione, præcipuum locum habet voluntas, tanquam potentia formaliter libera, quæ etiam alias potentias ad operandum mouet & applicat.

Dixi tamen ex suo genere; quia in particulari nihil obstat, quo minus aliquis actus religionis externus, puta sacrificium, tum cruentum, tum incurrantium Christi, ob singularem materiam præstantiam, sit nobilius actus orationis.

Quæritur secundo, ad quem dirigi possit oratio, seu quis oratione sit inuocandus.

ASSERTIO I. Deus solus tanquam supremus adiutor noster, & bonorum auctor oratione inuocandus est. Ita S. Thomas q. 83. art. 4. Ratio patet; quia ipse est primum & supremum principium, qui vt sua potentia creauit omnia, ita sua prouidentia ac sapientia disponit & gubernat omnia; supremam habens potestatē vitæ & mortis.

Neque de hac re est vlla controvergia; nisi quod sectarij huius temporis, ut Catholicæ Ecclesiæ calumniam impingant, quosdam orationis modos minus proprios, & figuratos, vel pie explicandos, non proprie ac secundum rigorem verborum accipiendos, & odiose premendos, puta ad crucem Christi, ad B. Virginem &c. nobis obiicere solent, quasi in ijs etiam B. Virginem, aut ipsam Crucifixi imaginem, velut supremos gratia fontes & auctores impie inuocemus; quod a Catholicorum mente est alienissimum.

Optime Sanctus Thomas citat. art. 4. Oratio, inquit, porrigitur alicui dupliciter: uno modo, quasi per ipsum (primario) implenda: alio modo, sicut per ipsum impetranda. Primo quidem modo sibi Deo oratio-

nem porrigitur; quia omnes orationes nostra ordinari debent ad gratiam & gloriam consequandam; qua se-  
lus Deus dat, secundum illud psalmi 83. Gratiam &  
gloriam dabit Dominus. Sed secundo modo orationem  
porrigimus sancti Angelis, & hominibus, non ut  
per eos D E U S nostras petitiones cognoscat, sed ut  
eorum precibus & meritis orationes nostra fortuantur  
effectum. Et ideo dicitur Apocalypsis 8. vers. 4. quod  
ascendit fumus incensorum de orationibus Sanctorum,  
de manu Angeli, coram Deo, ita nempe ut ipsæ eti-  
am Sanctorum orationes, Deo ipso ultimare re-  
præsentarentur.) Et hoc etiam patet ex ipso modo,  
quo Ecclesia (in litanij) visitur in orando. Nam &  
sancta Trinitate petimus, ut nostri misereatur: ab alijs  
autem sanctis quibuscumque petimus, ut oreant pro nobis.  
Ita S. Thomas.

Quod tamen non obstat, quo minus diuerso  
sensi, ac longe inferiori modo, etiam à Sanctis  
postulare possimus, ut nostri misereantur, nobis-  
que subueniant; nimur per modum impetrati-  
onis, quandoquidem etiam inter homines clien-  
tes à suis patronis & intercessoribus petere solent,  
ut sui (veluti mediatores, non supremi Principes).  
misereantur, sibique subueniant.

**ASSERTIO II.** Recte tamen & utiliter à nobis  
etiam Sancti orantur & inuocantur, tanquam in-  
tercessores apud Deum; non ut per eos Deus no-  
stras petitiones cognoscat, sed ut eorum interces-  
sione petitiones ac desideria nostra efficacius for-  
tantur effectum. Ita S. Thomas cit. art. 4. & est  
ex fide certum, contra nostri temporis Sectarios,  
qui Sanctorum inuocationem impie negant; se-  
quuti ea in re Vigilantium, teste Hieronymo lib.  
contra eundem, & epist. 53. ad Riparium, itemq;  
Eustathium sine Eutachium, damnatum in Con-  
cilio Gangreni, vt videre est ex epistola Syno-  
dali eiusdem: Itemque Petrum de Bruys, & Hen-  
ricum quandam, aliosq; Apostolicos hereticos,  
apud S. Bernardum hom. 66. in Cantica & l. 3. vi-  
tæ eiusdem cap. 5. Catharos quoq; tempore Ale-  
xandri III. vt testatur Guido in catalogo hereti-  
corum; & pauperes de Lugduno, apud eundem, &  
apud Trithemii in Chronico Anno 1160. & de-  
niq; Ioannem Wicleffum apud Thomam Wal-  
densē tom. 3. de sacramentalibus c. 108. & seqq;

Probatur assertio primo ex scriptura. Ex qua S.  
Thomas recte adducit illud Iob. 5. v. 1. *Voca ergo,*  
*se est qui tibi respondeat;* & ad aliquem Sanctorum con-  
uertere. Vbi procul dubio Sancti Angeli intelli-  
guntur; qui si recte à nobis inuocantur, cur non  
& alij Sancti, Dei praesentis visione iam beati?  
quando eadem utrisque facile suppetit ratio, qua  
nostras preces intelligent, explicata à nobis tom.  
1. disp. 2. q. 6 dub. 10. Neque vero ijs deest vol-  
untas & affectus charitatis, quo nobis benefac-  
re cupiant.

Idem probatur efficaciter ex illo Iob. c. 42. v.  
8. & 10. vbi Deus ipse amicis Iob mandat, ut Iobi  
orationem & deprecationem velut medium sur-  
punctum, quo sibi reconcilientur: *Ite ad seruum meum Iob,* & offerte holocaustum pro vobis: *Iob autem ser-  
vus meus orabit pro vobis:* faciem eis suscipiam, ut non  
vobis imputetur stultitia. &c. Et fecerunt, sicut lo-  
quitur fuerat Dominus ad eos, & suscepit Dominus fa-

ciem Iob. Dominus quoque conuersus est ad pœnitentem  
Iob, cum oraret ille pro amicis. Quid nā idem multo  
magis sentiamus de Sanctis; quorum preces eo  
efficaciores apud Deum esse credendum est, quo  
Deo in ipsa beatitudine, coniunctiores sunt?

Idem patet exemplo Moysis Exodi 32. v. 10.  
& psal. 105. v. 23. vbi dicitur: *Et dixit, ut differ-  
deret eos: si non Moyses electus eius fuerit in confractio-  
ne in confœtu eius.* Ex quibus evidens est, Dœum  
sepe orationibus Sanctorum permotum donare  
beneficia, & condonare peccata, quæ alioqui for-  
tasse condonatur non fuisset. Huc spectat illud  
Ieremiæ 15. v. 1. *Si sterteris Moyses & Samuel coram  
me, non est anima mea ad populum istum.* Vbi suppon-  
nitur, Sanctos pro viuentibus orare, ac proinde  
etiam utilem inuocari; licet eorum preces tan-  
quam diuinæ voluntati subordinatae re ipsa non  
semper exaudiantur.

Deniq; huc spectat, quod etiam Sancti in terris  
existentes recte & utilem inuocatur, ut patet Ie-  
remia 42. v. 2. *Dixeruntque ad Ieremiam Prophetæ:* *Cadat oratio nostra in confœtu tuo, & ora pro nobis Do-  
minum.* Baruch 1. v. 12. *Pro nobis ipsis orate ad Domi-  
num Deum nostrum, quia peccauimus Domino.* &c. Rom.  
15. v. 30. *Obsecro vos fratres per Dominum nostrum Iesum  
Christum, & per charitatem Sancti spiritus ut adiuue-  
me in orationibus vestris pro me ad Deum.* Et Iacobi 5. v.  
16. *Orate pro inuicem ut saluemini; multum enim va-  
let deprecatio inſtiſtua.* Quod si Sancti adhuc in  
terra peregrinantes recte inuocantur, quanto  
magis in celis existentes, ac ipsa Dei, eorumque  
quaæ ad se pertinent visione beati, ut loco cit. ex-  
plicauimus? Omitto cetera scripture loca ex qui-  
bus probatur, Sanctos re ipsa pro nobis orare, ut  
inferius dicetur.

Idem secundo probatur apud citandos, vñani-  
mi confessi SS. Patrum, adeoq; perpetuo sensu  
& praxi Ecclesiæ, quæ est columnæ & firmamentum  
veritatis 1. Tim. 3. v. 15.

Ratio deniq; est; quia Deus hoc ipsum, inter  
cetera, velut optimū salutis mediū ordinavit ad  
conseruandam mutuo charitatē nostramq; erga  
Sanctos humilitatē exercendā, ut postulatis San-  
ctorū p̄cibus certius & efficacius cōſequeremur,  
quaæ à Deo expectare debemus beneficia: & per se  
credibile ac rationi valde consentaneū est, inter-  
positis ac multiplicatis intercessoribus, ipsā etiā  
postulationē efficaciorē reddi. Neq; enim dum  
Sanctos oramus, à Deo auertimur; sed potius illos  
ipos tāquā mediatores adhibemus, qbus nostraras  
preces ac desideria Deo efficaci⁹ repræsentemus.

Nec obstat primo, quod Augustinus l. de cura  
pro mortuis agēda c. 13. 15. & 16. docet; *Nescire  
mortuos, etiā Sanctos, quid agant viui, etiam eorū filij.*  
Hoc enim intelligendū est de cognitione natu-  
rali Sanctorum, de qua ibidem differit; ut recte S.  
Thomas ibidem ad 2. Interim vero eos, qua ad  
se pertinent posse cognoscere, Deo reuelante, i-  
psemet Augustinus ibidem cap. 15. fatetur.

Nam vt ex S. Gregorio l. 12. Moral. c. 13. recte  
S. Thomas ibidem ad 2. ait: *In verbo (saltē cau-  
ſaliter) manifestatur illud, quod decet eos cognoscere de  
eis, quæ circa nos aguntur, etiam quantum ad interiores  
motus cordis.* Maxime autem excellentiam eorum decet,

ut cognoscant petitiones ad se factas, vel voce, vel corde. Et ideo petitiones, quas ad eos dirigimus, Deo manifestante cognoscuntur. De qua re pluribus loc. cit. Nec obstat secundo, quod oratio sit actus religionis; qua tamen Sancti per se non coluntur: quia recte responderet Sanctus Thomas cit. articulo 4. ad 1. illi solum impendimus orando religionis cultum, à quo querimus obtinere quod oramus; quia in hoc protestamur eum bonorum nostrorum auctorem: non autem eis, quos requirimus quasi interpellatores nostros apud Deum. Itaque oratio illa est actus religionis, non quatenus formaliter & immediate ad sanctos pertinet, hac enim ratione est actus duliae; sed quatenus ultimata ad ipsum Deum per sanctos propitiandum dirigitur. Testimonia vero SS. Patrum, sicut & solutiones aliarum obiectorum, videri possunt apud Valentiam hic q. 2. p. 7. & apud Bellarminum lib. 1. de Sanctorum beatitudine cap. 19. & 20.

**85 ASSERTIO III.** Sancti in celis re ipsa orant pro nobis. Ita Sanctus Thomas quæstione 83. articulo 11. Probatur ex Scriptura 2. Machab. cap. 15. vers. 14. *Hic est fratrum amator, & populi Israel: hic est qui multum orat pro populo, & universa sancta ciuitate, Ieremias Propheta Dei.* Quod si Sancti in limbo existentes pro viuentibus orabant, quanto magis Sancti in celis existentes? Item Apocalypsis 8. vers. 4. *Ascendit fumus incensorum de orationibus sanctorum, de manu Angeli, coram Deo.* Et denique de ipso Christo Sancto Sanctorum. Hebr. 7. vers. 25. dicitur: *Vnde & salvare in perpetuum potest accedentes per semetipsum ad Deum, semper viuens ad interpellandum pro nobis.* Et Rom. 8. v. 34. *CHRISTUS IESVS, qui mortuus est; inquit qui & resurrexit, qui est ad dextram, qui etiam interpellat pro nobis.* Quod tamen an de oratione etiam explicita accipiendo sit, dicendum est suo loco de Incarnatione tomo 4.

**86 Ratio** est; quia ut recte ait S. Thomas; cum oratio pro alijs facta ex charitate proueniat, idireo quanto Sancti, qui sunt in patria, sunt perfectioris charitatis, tanto magis orant pro viatoribus, qui orationibus iuuari possunt: & quanto sunt Deo coniunctiores, tanto eorum orationes sunt efficaciores. Habet enim hoc diuinus ordo, ut ex superiorum excellentia (quidpiam) in inferiora refundatur; sicut ex claritate solis in aeternum.

Ex quibus refellitur error Vigilantij, afferentis, nos quidem, dum viuimus, mutuo pro nobis orare posse: postquam autem mortui fuerimus, nullius pro alio exaudiendam esse orationem; praesertim cum Martyres ultionem sui sanguinis obsecrantur, impetrare nequeant. Quem optime refelliens S. Hieronymus epist. contra Vigilantium post 53. ait: *Si Apostoli & Martyres adhuc in corpore constituti, quando pro se adhuc debent esse solliciti, pro alijs orant, quanto magis post coronas, victorios, & triumphos?*

**87 Et** quamuis Sanctorum orationes in celis nihil mereantur, habent tamen gratiam impletandi, ex precedentibus eorum merita, & ex divina acceptatione, ut ait S. Thomas ibidem ad 1. & dictum tom. 2. disputatione 6. quæstione 6. dub. 2. à num. 44.

Et licet etiā quod Deus efficaciter vult, semper impletur; quia tamen quædam vult per medium, in quibus etiam sunt orationes Sanctorum ut dictum n. 73. non sunt haec superuacaneæ existimandæ; quando etiam Sancti non petunt, nisi quod existimant suis orationibus implendum, secundum Dei voluntatem.

Neque ideo necesse est, inuocationem Superioris Sancti semper efficaciorē esse, quam inferioris; imo fieri potest, ut inuocatio inferioris Sancti efficacior sit; vel quia devotus imploratur, vel quia Deus vult eius sanitatem declarare, ut ait S. Thomas ibidem ad 4.

Et quia Sancti viventes meruerunt, ut pro nobis orarent; ideo inuocamus eos nominibus, quibus hic vocantur; quibus etiam nobis magis insuscunt: & iterum propter fidem Resurrectionis insinuandam. Sic ut eriam Exodi 3. vers. 6. dicitur: *Ego sum Deus patru tui, Deus Abraham, Deus Israhel.* Hac ergo etiā de causa dictimus Sancte Petri ora pro nobis, etiamsi anima Petri non sit Petrus, ut notauit S. Thomas ibidem ad 5.

Nec dubium, Sanctos in celis orate etiam pro animabus in purgatorio, ut recte cum S. Thoma in 4. d. 45. q. 3. a. 3. ad 6. docet Azor tom. 1. lib. 9. cap. 10. q. 12. fauente ipso vsu Ecclesiæ dum in litanij pro moribundis inuocantur Sancti; etiā contrarium dixisse videatur Sotus in 4. d. 45. q. 3. a. 2. ad finem.

**89 ASSERTIO IV.** Sancti tamen, qui sunt in purgatorio, nec a nobis inuocandi sunt; nec pro nobis orare solent. Ita S. Thomas cit. q. 83. a. 4. ad 3. vbi ait: *Illi qui sunt in hoc mundo, aut in purgatorio, nondum fruuntur visione verbi, ut possint cognoscere ea, quae nos cogitamus, vel dicimus.* Et ideo eorum suffragia non imploramus orando (oratione scilicet mentali, vel quæ ad absentes fiat:) sed a viuis peccatis colloquendo. Et a. 11. ad 3. ait: *Illi qui sunt in purgatorio, etiā sint superiores nobis propter impeccabilitatem; sunt tamen inferiores, quantum ad peccatas, quas patiuntur.* Et secundum hoc non sunt in statu orandi, sed magis, ut oretur pro eis. Idem docent Alenfis 4. part. q. 26. m. 3. a. 4. ad 4. & communiter alijs.

Ratio est: quia sicut inter homines ij, qui ob delicta quædam exoluenda, iussu Principis in carcere compacti sunt, non solent habere accessum ad Principem, nec pro alijs supplicando interuenire, etiamsi gratia Principis non plane exciderint: ita de animabus purgatorij cogitandum. Præterquam quod ordinarie nec per revelationem quidem Dei cognoscant ea, quæ apud nos aguntur, ut ex S. Thoma dictum.

Oppositum tamen sentit Ioannes Medina de Orat. q. 4. & fauer Sotus in 4. d. 45. q. 3. art. 1. moti historia, quam refert S. Gregorius lib. 4. dial. c. 40. de Pachacio, cuius anima penitus purgatorij expiabatur; & nihilominus eiusdem inuocati meritis & precibus mirabilia quadam efficiebantur. Ad quod tamen bene S. Thomas in 4. d. 15. q. 4. a. 5. q. 2. ad 3. respondet; *Pachacio in purgatorio non orabat pro alijs; sed oratio ad eum fusca exaudita est, propter fidem (leuipiam confidentiam) orantium; qui scilicet cum beatum esse putabant.*

An au-

92 An autem Sancti olim in limbo existentes invocati fuerint, aut pro viuentibus orarint, alia quæstio est. Certe orasse, negari non potest; & constat exemplo Ieremiæ cit. Machab. 2. Ordinarie tamen invocatos, aut invocandos fuisse, non existimo; vt colligitur ex adducta ratione S. Thomæ a. 4. ad 3. quia nimirum fruitione Dei nondum beati, ordinarie cognoscere non poterant ea, quæ nos cogitamus, vel etiam dicimus.

Quæ etiam causa est, cur in veteri testamento, Sanctorum quidem defunctorum merita Deo fuerint representata, ad eum demerendum, vel placandum; Memento Domine Abraham, Isaac, &c. nunquam tamen oratio ad aliquem Sanctorum directa legatur.

Quæritur tertio, quid, & pro quibus orandum sit.

93 ASSERTIO I. Non solum bona spiritualia, sed etiam temporalia à Deo recte postulantur; ita tamen ut illa, quia ita bona sunt, ut nemini mala esse possint, absolute; hæc vero quia etiam mala & nocua esse possunt (ut sunt honores, dignitæ, & similia temporalia bona) non omnino absolute, sed ad bonum, salutaremque vsum, seu quatenus animæ salutis non sunt noxia, postulanda sint. Ita S. Thomas q. 83. a. 5. & 6. & constat ex ipsa oratione Dominica; in qua & spiritualia bona, & temporalia postulantur.

94 Idem S. Thomas recte in hunc modum declarat. Nam ut refert Valerius lib. 7. cap. 2. Socrates nihil ultra perendum à Diis immortalibus arbitrabatur, quam ut bona (indefinitæ) tribuerent, quia hi deum scirent, quid unicus esset utile. Nos autem plurumque id votis expetimus, quod non impetrare melius foret. Quæ quidem sententia, inquit S. Thomas cit. a. 5. aliqualiter vera est, quantum ad illa, quæ possunt malum eventum habere; quibus etiam homo potest bene & mali vti. Sicut diuitiae, quæ ut ibidem dicitur, multis exitio fuere: Honores qui complures pessimè dederunt: Regna, quorum exitus semper miserabiles cernuntur: Splendida coniugia, quæ nonnunquam funditus domos evertunt.

Sunt tamen quædam bona, quibus homo male uti non potest, quæ scilicet malum eventum habere non possunt. Hæc autem sunt, quibus beatificamur, & quibus beatitudinem meremur; quæ quidem Sancti orando absolute petunt, secundum illud psalmi 79. v. 4. Ostende faciem tuam, & salui erimus. Et iterum psalm. 118. v. 35. Deduc me in semitam mandatorum tuorum. Et psal. 142. v. 10. Docce me facere voluntatem tuam.

95 Quia tamen etiam bona temporalia, eti per se expetenda non sint, sunt tamen quædam ad minuta vita recte instituenda, in quantum & per ea vita corporalis sustentatur, & nobis velut instrumenta deseruunt, ad actus virtutum, ut dictum tom. 2. disp. 1. q. 5. dub. 5. iuxta Aristotelem 1. Ethic. cap. 8. licite ea ad eundem finem petuntur.

Vnde Augustinus epist. 121. cap. 6. & 7. sufficientiam vite non indecenter vult, qui quis eam vult, & non amplius: quia quidem non appetitur propter seipsum, sed propter salutem corporis, & congruentem habitatum persona hominis, ut non sit inconveniens eis, cum

quibus vivendum est. Ista ergo cum habeantur, ut teneantur; cum non habeantur, ut habeantur orandum est. Ex quibus patet tota assertio.

ASSERTIO II. Non tantum pro nobis ipsis, sed etiam pro alijs, & quidem pro inimicis orandum est. Ita S. Thomas q. 83. a. 7. & 8. Et patet ex scriptura Matthæi 5. v. 44. Orate pro persecutib[us], & calumniantib[us] vos. Iacobi 5. v. 16. Orate pro inuidem, ut saluemini. Ratio est; quia eosdem diligere, ac bona ijsdem velle debemus, ut suo loco de charitate dictum.

Et quia diligere inimicos seu bonum ijsdem velle in genere quidem tenemur; non autem in speciali, nisi secundum præparationem animi, vel in necessitatibus articulo; ideo etiæ necessitatibus est, ut in communibus orationibus nostris, quas pro alijs facimus, inimicos non excludamus: ut autem pro eis specialiter oremus, perfectionis est, non necessitatis; nisi in aliquo casu speciali, ut ait S. Thomas cit. a. 8. De qua re plura de charitate disp. 2. q. 3. dub. 1.

Nec obstat primo, quod orationes nostræ in ordine ad ultimam salutem nō prosunt, nisi prædestinatis; quia nihilominus, ut sapienter docet S. Thomas a. 7. ad 3. & pro peccatoribus omnibus orandum est, ut conuertantur: & pro iustis, ut perseverent & proficiant; licet orantes non pro omnibus exaudiantur; sed pro prædestinatis, non autem præscitis ad mortem.

Sicut etiam *correlio*, qua fratres corrigimus, effectum (ultimum) habet in præfigimatis, non in reprobatis secundum illud Ecclesiastæ 7. v. 14. Nemo potest corriger, quem Deus despicerit. Vnde etiam 1. Ioannis 5. v. 16. dicitur: Qui scit, fratrem suum peccare peccatum non ad mortem, peccat, & dabatur ei vita, peccanti non ad mortem. Est peccatum ad mortem: non pro illo dico, ut roget quis. Sicut ergo nulli, quamdiu viuit hic subtrahendum est correctionis beneficium; quia non possumus prædestinatos distinguere à reprobatis, ut docet Augustinus lib. de corrept. & grat. cap. 15. ita etiam nulli est denegandum orationis suffragium.

Pro iustis etiam est orandum, triplici ratione. 1. quia multorum preces facilis exaudiuntur. 2. ut à multis gratia agantur Deo, ob beneficia iustis, in aliorum etiam utilitatem, collata. 3. ut maiores non superbiant, dum considerant, se minorum suffragijs indigere.

Nec obstat secundo, quod Sancti nonnunquam vindictam de inimicis petunt, deque ea latentur. Psalm. 57. v. 11. & Apocal. 6. v. 10. ubi dicitur, *Vndeque non vindicas sanguinem nostrum, &c.* Nam ut docet S. Thomas a. 8. ad. 1. & 3. eiusmodi imprecatio[n]es quatuor modis intelligi possunt, absque seria, vel culpabilis imprecatione mali. 1. per modum predictionis; in quantum Prophetæ solent per modum imprecantis futura prædicere, iuxta Augustinum 1. 1. de sermone Domini in monte c. 42. vel 21. 2. prout quædam temporalia peccatoribus quandoque à Deo, correctionis causa immittuntur; qua ratione licet etiam orando petere, aliquæ temporalia mala inimicorum, ut corrigan[tur]. 3. quia non intelliguntur de ipsis hominibus, qui peccat; sed abstracte, de regno peccati; ut scilicet correctione hominum peccata destruantur. 4.

100 quatenus licet, conformare voluntatem suam diuinæ insitiae, circa damnationem perseverantium in peccato, ut dictum pluribus tomo 2, disput. 2. q. 6. dub. 6.

100 ASSERTIO III. Ea quæ à nobis petenda sunt, recte in preicatione Dominica, velut oratione, perfectissima, exprimuntur. Ita S. Thomas quæst. 83. a. 9. ex Augustino epist. 121. cap. 12. & lib. 2. de serm. Dom. in monte cap. 10. vel 5. & in enchiridio cap. 115.

Probatur & declaratur. Quia in oratione Dominica non solum petuntur omnia, quæ recte desiderare possumus; sed etiam eo ordine, quo desideranda sunt, ut scilicet potiora ceteris anteponamus. Duo enim sunt vniuersim, quæ postulantur & recte desiderantur, primo finis; deinde ea, quæ sunt ad finem. Finis noster est Deus, in quem noster affectus tendit dupliciter; primo eoque; nobiliore modo; in quantum volumus gloriam Dei: secundo in quantum volumus frui gloria eiusdem; quorū primum pertinet ad dilectionē Dei, qua Deum in seipso diligimus; secundum vero pertinet ad dilectionem, qua diligimus nos in Deo. Quare prima & potissima petitio est; sanctificetur nomen tuum; hac enim petimus gloriam Dei, Secunda, Adueniat regnum tuum, qua petimus, ad gloriam Dei & regni eius peruenire.

101 E vero quæ sunt ad finem, alia ad eum per se conducunt, alia vero per accidens. Per se quidē, bona ad eundem finem utilia idq; vel directe & principaliter, per modum meriti, quo beatitudinem meremur, Deo obediendo; & huc pertinet tercua petitio, Fiat voluntas tua, sicut in celo, & in terra: Vel instrumentaliter, & velut quiddam coadiuvans nos ad merendum; & huc pertinet quarta petitio, Panem nostrum quotidianum da nobis hodie; sive hoc intelligatur de pane sacramentali, cuius quotidianus usus proficit homini, in quo etiam intelliguntur omnia alia Sacra menta: sive etiam intelligatur de pane corporali, ut per panem intelligatur omnis sufficientia virtus, iuxta Augustinum epist. 121. cap. 11. quia & Eucharistia est præcipuum Sacramentum, & panis est præcipius cibus. Quo sensu etiā voculam supersubstantiale, hoc est, præcipuus exponit Hieronymus Matth. 6. & ad Titū 2.

102 Per accidens autem aliquid conductit ad beatitudinem, per modum remouentiū (malum) prohibens. Tria autem sunt mala, quæ nos à beatitudine prohibent. Primum quidem & præcipue peccatum; quo spectat quinta petitio; Dimittite nobis debita nostra; secundo tentatio impediens obseruationem diuinæ legis; quo pertinet sexta petitio, Et ne nos inducas in temptationem, postulando scilicet, non ut non tentemur, sed ut non temptatione vineamur. Tertio, pánalitus præsens; ut quæ impedit sufficientiam (ac felicem statum) vita; & hoc spectat ultima petitio, Libera nos a malo. Vbi cum oratio sit interpres desiderij, ordo petitionum non respondet ordini executionis, sed ordini desiderij, sive intentionis; in quo prius est finis quam ea quæ sunt ad finem; & consecratio boni, quam remotio mali, vt ait S. Thomas ibidem ad 2.

103 Quæritur quarto, qualis esse debet oratio, ad hoc ut sit efficax.

104 ASSERTIO I. Oratio necessario debet esse attendita. Ita S. Thomas q. 83. a. 13. Probatur & declaratur. Triplicem enim est effectus orationis; primus quidem communis omnibus actibus charitate informatis, quod est, mereri. Secundus, ei-que proprius est impetrare: & ad neutrum quidē effectum requiritur, ut actualis attentio per rotum orationis decursum perdureat; sed necessari tamen est, ut vis primæ intentionis, qua quis ad ordinandum accessit, non sit interrupta, & saltē virtualiter permaneat. Tertius effectus est quædā spiritualis refectio mentis; & ad hunc necessario requiritur actualis attentio, iuxtra illud 1. Cor. 14. v. 14. Si orem lingua, spiritus meus orat; mens autem mea sine fructu est.

104 Est autem triplices attentio, quæ orationi vocali potest adhiberi. Una qua attenditur ad verba, ne quis in eis error: Secunda, qua attenditur ad sensum verborum. Tertia, qua attenditur ad finem orationis, scilicet ad Deum, & ad ré, pro qua oratur; quæ quidē est maxime necessaria (saltē in principio concepta) & potest etiam esse communis idiorum. An autem in decursu orationis prima sine ceteris sufficiat, dicetur dubio sequenti.

105 Ex quibus etiam colligitur, qua ratione mentis euagatio impedit orationis fructum. Si quis enim ex proposto in oratione mente euagetur, talis euagatio peccatum est, & impedit orationis fructum. Euagatio vero mentis, quæ fit prater propostū, orationis fructum (intellige primum & secundū) non tollit, vt docet S. Thomas ibidem ad 3. ex Basilio serm. de orando Deum, ubi ait: Si vero debilitatus a peccato sive nequis orare, quantumcumque potes, te ipsum cohabeas; & Deus ignoscit; eo quod nō ex negligencia, sed ex fragilitate non potes, ut oportet, affectare cor ē.

106 ASSERTIO II. Oratio etiam constans & perseverans esse debet; et si ut actu reipla semper perduret, minime necessariū est. Ita S. Thomas q. 83. a. 13. Prīna pars patet ex scriptura, Matthai 7. v. 7. Petrite, & dabitur vobis: quærite & inuenietis; pulsate & aperietur vobis. Idem haberet Lucae 11. v. 9. Et ibidē v. 8. additur: Si ille perseverauerit pulsans, dico vobis, & si nō dabit illi surgens, eo quod amica eius fit, pppter improbitatē tamē eius surget, & dabit illi quantum habet necessarios. Idē probat exemplū Christi, qui & in orando pnoctauit, & eandē oratione ter repetiit, & plixius orauit, Luc. 6. v. 12. Matth. 26. De qua importunitate & perseverantia orationis luculente differit Cassianus collat. 11. cap. 33.

107 Idem patet ex alijs scripturæ locis, vbi præcipitur continuo orare, Lucae 18. vers. 1. Oportet semper orare, & non desistere. Et t. ad Theffal. 5. v. 16. Sine intermissione erat. Quorum verborum sensus non est, ipsum in se orationis actuū semper esse continuandum, vt veteres quidam heretici Mel-saliani, sive Saliani, apud Epiphaniū contra hæresi hæresi 80. & Augustinū hæresi. 57. dicebant; satis est, vim & causā orationis, quæ est denotio erga Deum, sive desiderium charitatis, actu sive virtute semper durare; ita ut omnia in gloriā deferamus, vt dicitur 1. Cor. 10. Vnde Augustinus cit. epist. 127. c. 9. ait: In ipsa fide, spe, & charitate, continuo desiderio, semper oramus.

108 Et quia cuiusque rei quantitas debet esse proportionata

portionata fini, sicut quantitas potionis sanitati, conueniens est, vt oratio tantum datur, quantum est vtile ad excitandum interioris desiderij fureorem. Cum vero hanc mensuram excedit, ita vt sine radio durare non possit, tum oratio priuata & arbitraria non est ulterius pretendenda.

Vnde Augustinus ibidem cap. 10. Dicuntur, inquit, Fratres in Ægypto crebres quidem habere orationes, sed eas tamen brevissimas, & raptim quodammodo iaculae; ne illa vigilanter erecta, qua oranti plurimum necessaria est, per produciores moras evaneat arg. hebetetur intentio: at per hoc ipsi satis ostendunt, hanc intentionem, sicut non est obtundenda, si perdurare non potest, ita si perdurauerit, cito non esse rumpendum. Idem habet Cassianus libro 2. de Instit. cenob. cap. 10.

Oratio vero communis, atq; debita, vt defectu actualis deuotionis intermittenda non est; ita par est, vt communis etiam ac publica orationis diuinitas ad communem populi deuotionem sit accommodata, iuxta S. Thomam ibidem.

**ASSERTIO III.** Ad bonitatem, adeoq; efficaciam orationis requiruntur etiam aliarum virtutum, actus, speciatim, humilitatis, fidei, & spei. Ita S. Thomas q. 83. a. 15. Ratio est. Fides enim est necessaria ex parte Dei, quem oramus, ut scilicet credamus, nos ab eo posse obtainere quod petimus.

Quo spectat etiam Fiducia, seu spes idipsum, obtainendi, de qua 1. Ioannis 5. v. 14. Hec est fiducia, quam habemus ad Deum: quia quodcumq; petierimus secundum voluntatem eius, audire nos. Et scimus quia audiit nos quidquid petierimus: scimus quoniam habemus petitiones, quas postulamus ab eo. Et Iacobi 1. v. 6. Postules autem in fide nihil habens: quem habens simili est fluctui mari, qui à vento mouetur & circumferatur. Non ergo astimet homo ille, quod accipiat aliquid à Domino. Quæ verba iuxta sensum assertionis 1. quæstio 3. intelligenda sunt, vt mox etiam dicetur assertione sequente, & 6.

Humilitas autem est necessaria, ex parte ipsius pertinens, qui suā indigeniā recognoscit. Est etiā & deuotio necessaria, tanquam primus religionis actus, necessaria ad omnes consequentes, vt ait S. Thomas: quod intelligendum iuxta dicta quæstio 1. assert. 4. ne quis putet, orationem peccatoris non exaudiiri; de quo infra assert. 7.

**ASSERTIO IV.** Ad certam imperationē ei⁹, quod petitur, necessariū est ex parte ipsius rei, quæ petitur, vt sit necessaria ad salutē, vel certe ad eam conducat. Ita S. Thomas q. 83. a. 15. ad 2. Colligetur ex illo Christi Ioan. 14. v. 13. & c. 16. v. 23. Amen amen dico vobis: si quid petieritis Patrem in nomine meo, dabit vobis. Vtq; modo non petiſſim quidquā in nomine meo: hoc est, in nomine Christi Salvatoris, adeoq; ad salutem pertinens, vt explicat etiam Augustinus tract. 102. in Ioann. Ratio est; quia cætera bona, vt per se non cadunt sub meritum, vt dictum tom. 2. disp. 6. q. 6. du. 10. ita nec infallibiliter oratione impetrantur; quæ si bona est, non nisi ad salutem petentis ordinatur.

**ASSERTIO V.** Ad infallibilitatē imprecatiōnis eius rei, quæ petitur, etiā requiritur, vt orans p̄ seipso petat. Ita S. Thomas q. 83. a. 7. ad 2. & a. 15. ad 2. iuxta illud Ierm. 15. v. 1. Si steterit Moyses &

Samuel coram me, non est anima mea ad populum istum. Idē docet Augustinus tract. 102. in Ioānē vbi ait: Ita sane intelligendū quod ait: Dabit vobis: ut ea beneficia significata sciantur hī verbis, quæ proprie ad eos pertinent, qui petunt. Exaudiuntur quippe omnes sancti pro seip̄s, non autem pro omnibus exaudiuntur, vel amici, vel inimici suis, vel quibuslibet alijs; qui non recte dicunt est, dabit, sed dabit vobis.

Ratio est; quia cum ea, quæ ad salutē alterius pertinēt, plurimū etiā ex eius arbitrio pendeant, fieri facile potest, vt oratio p̄ alio facta nō impetrat, etiam si fiat pie, & perseveranter, & de pertinentib; us ad salutē, ppter impedimentū, quod est ex parte eius, pro quo oratur. Si quis vero pro seipso debito modo oret, iam hoc ipso habet efficax desideriū imprecatiōni quod petit: efficax autē dicinon potest, nisi remoueat impedimenta, quæ ex sua parte postulato effectū obstant.

**ASSERTIO VI.** Quatuor igitur sunt cōditiones, quibus concurrentibus semper aliquis imprecat quod petit; vt scilicet pro se petat, necessaria ad salutē, pie, & perseveranter. Ita S. Thomas q. 83. art. 15. ad 2. conuenienter S. Basilio serm. de o- rando Deum vbi ait: Ideo quandoq; peris, & non accipi; quia perperam postulasti, vel infideliter, vel leui- ter, vel non conseruentiā tibi, vel desitisti. Ratio sumi- ture ex dictis, quibus prædictæ quatuor conditio- nes satis explicatae sunt. Pietas enim ad attentio- nem, cæterasq; conditions assertione 1. & 3. ex- plicatas pertinet: reliqua sigillatim iam antea de- clarata sunt.

Dices; ad salutē etiam pertinet perseverantia, quæ tamen sub infallibile meritum non cadit, vt suo loco dictum tomo 2. disp. 6. q. 6. du. 9. nec adeo etiā infallibiliter oratione imprecatiōni posse videtur.

Respondeo posse, si supradictæ conditions adint: sed quia effectus ille, ex sua propria & spe- ciali ratione, non confertur, nec conferri potest, ante finem vitæ, necesse est perseverantie conditionem ita explicari, vt oratio ac petitio seria ei⁄usdem gratiæ ad finem vsq; vitæ constanter per- duret; quo facto, nunquam fieri, vt oratio eo ef- fectu fructetur. Si quis enim postea ex gratia ex- cedat, necesse est, hoc ipso desiderium efficac & seruum perseverantie fuisse relaxatum: alias enim homo vtique perseverasset; cum in eius arbitrio, cum diuina gratia, positum fuerit perseverare, vt pluribus dictum cit. tom. 2. disput. 6. q. 6. du. 9.

Præter has tamen conditions, plura admini- cula orationis, ad imprecatiōnū vtilia, refert Cassianus Collat. 9. c. 33. vbi ait: Diversas exau- ditionum causas esse, secundum animarum diuersum ac variū statū, euangelica sine propheta testantur eloquia &c. Et mōs numerat 1. Plutium consensum, ex Matth. 18. II. Fidei plenitudinem grano linapis cōparatam Matth. 13. III. Eleemosynarum fructum, Eccli 29. IV. Emendationem vitæ, & opera misericordia, Isai. 58. V. Tribulationum pressuram psal. 119. & Exod. 22. &c.

**ASSERTIO VII.** Ut vero is, qui orat, in gratia sit constitutus, tametsi ad imprecatiōnem orationis non requiritur, stantibus supradictis quatuor conditions, requiritur tamen ad meritum.

cius de condigno. Ita S. Thomas quæst 83. art. 15. & 16.

Prior pars probatur ex scriptura & Patribus, qui de exauditione orationis vniuersaliter loquuntur, speciatim Augustinus tractat. 44. in. Ioannem: *Si peccatores, inquit, non exaudiret Deus; frustra Publicanus dixisset, Domine propitius esto mihi peccatori; qui tamen iustificatus discessit.* Et Chrysostomus seu auctor operis imperfecti in. Matthæum homil. 18. *Omni qui peccat accipit, id est, siue iustum sit, siue peccator.*

Ratio est; quia orationis imprecatio non nititur iustitia, sed gratia & misericordia, ac liberali promissione Dei. Habet enim oratio efficaciam imprecati ex gratia Dei, quem oramus, qui etiam nos ad orandum inducit. Vnde etiam Augustinus serm. 29. de verb. Dom. Non nos hortaretur, ut peteremus, nisi dare vellet.

Nec obstat illud cœci Ioannis 9. vers. 31. *scimus, quia peccatores Deus non audit.* Nam vt Augustinus tract. 44. in Ioannem ait, illud verbum, est cœci adhuc iniuncti, id est, nondū perfecte adhuc illuminati; & ideo non est ratum; quamvis possit ratificari, vt ait S. Thomas a. 6. ad 2. si intelligatur de peccatore, in quantum est peccator, siue secundum desiderium peccati, in hoc enim à Deo non auditur ex misericordia; sed quandoque auditur ad vindictam; dum Deus permittit peccatore adhuc amplius ruere in peccata: siquidem Deus quædam negat propitiis, quæ concedit iratum, iuxta Augustinum tract. 73. in Ioannem & serm. 53. de verbis Domini. Quo sensu etiam intelligitur illud Pro. 28. v. 9. *Qui declinat aures suas ne audiat legem, oratio eius erit execrabilis.*

Et quamvis oratio peccatoris non possit esse pia, quasi procedens ex habitu vel effectu charitatis, potest tamen esse pia, tum ex parte rei, quæ petitur, si petat aliquid ad pietatem pertinens; tum etiam quoad affectum fidei & spei, ipsiusq; religionis saltem naturalis, vt indicat S. Thomas ibidem ad 2.

Dices; quid si peccator ipsius odij erga proximum peccato affectus sit, nūquid exaudiatur; quamcumque contra seipsum oret, illud: *Dimittite nobis debita nostra, sicut & nos dimittimus &c.* Respondet Sanctus Thomas ibidem ad 3. orationem Dominicam proferri ex persona communis Ecclesiæ. Et ideo si aliquis nolens dimittere debita, proximo, dicat orationem Dominicam, non mentitur; quamvis hoc quod dicit, non sit verum, quantum ad suā personam: est enim verum, quantum ad personam Ecclesiæ, extra quam est merito. Et ideo fructu orationis caret: idque satis colligitur ex Eccli 28. versu 1. 2. 3. 4. 5. Quandoque tamen aliqui peccatores parati sunt debitoribus suis dimittere: Et ideo ipsi orantes exauduntur, secundum illud Eccli 28. v. 2. *Relinque proximo tuo nocenti: & tunc deprecanti tibi peccata soluentur.*

Secunda pars assertionis patet ex generali doctrina de merito to. 2. disp. 6. q. 6. du. 2. & 4. vbi ex communis docuimus, ad meritū de cōdigno requiri statū gratiæ, & effectū charitatis. In quē sensu S. Thomas cit. a. 15. oratio, in q. sicut & quilibet aliud actus virtutis, habet efficaciam merendi in quantum pro-

cedit ex radice charitatis, seu vt mox ait, quatenus procedit à charitate. De qua re plura loco citato.

Quæritur quinto, quotuplex sit oratio.

Respondetur breviter, orationem generatim acceptam, pro vt significat ascensum in Deum, duobus potissimum modis diuidi. Primo enim oratio alia est pure mentalis; qualis respectu quidem Dei inspectoris cordium, ex suo genere usficit, & salutaris est. Alia autem est vocalis; qualis necessario esse debet oratio, quæ per ministros Ecclesiæ, in persona totius fidelis populi Deo offeratur: hæc enim necesse est, vt toti populo innotescat, seu quantum est ex suo genere, inotescere possit: quod fieri non posset, nisi esset vocalis.

Alia est ratio orationis priuatæ ac singularis; cui tamē nihilominus vocalis sermo recte adiungitur. Primo ad excitandam interiorē deuotionem; quia per exteriora signa mouetur mens hominis tum secundū apprehensionem, tum etiam secundū affectionē, iuxta Augustinum epist. 121. c. 9. Cuius pinde etiā deuotionis, in oratione priuatæ, quo ad usum vocis, potissimum habenda est ratio. Si enim mens per vocis formationē distrahatur, vel qualiter ueroq; impediatur, vt si solet accidere, cū mens sine huicmodi signis est sufficienter ad deuotionem parata, à voce abstinentū erit, iuxta illud psal. 29. v. 1. *Tibi dixit cor meum, exquisiri te facies mea.* Ex exemplum Annae, quæ loquebatur in corde suo 1. Regum 1. v. 13.

Secundo ad reddendum debitum, quo obstricti sumus ad seruendum Deo, non solum mente, sed etiā corpore; idq; præcipue conuenit orationi, quatenus est satisfactoria, iuxta illud Osca 14. v. 3. *Omnem aufer iniquitatē; accipe bonū, & reddemu virtutis laborum nostrorum.*

Tertio ob quandam redundantiam ab anima incorpore, ex vehementi affectione, secundū illud psalmi 15. v. 9. *Propter hoc letatum est cor meū, & exultauit lingua mea,* vt pluribus docet S. Thomas a. 12.

Secundo diuiditur oratio in has quatuor velut species, seu partes orationis relatas ab Apostolo 1. Tim. 2. vers. 1. nimis obscuræ, orationes, postulationes, & gratiarum actiones. Quæ S. Thomas cit. q. 83. a. 17. ita explicat, vt etiam in eandem orationem omnia conueniant; ita scilicet, vt obsecratio petitioni adiungat rationē motiuā, ob quam oratio fit exaudienda; oratio significet elevationem mentis ad Deum in quavis oratione necessariam &c. Sicut in collecta Trinitatis, inquit, quod dicitur, *Omnipotens sempiterne Deus,* pertinet ad orationis ascensum in Deum. Quod dicitur: *Qui defisi familiis tuis,* pertinet ad gratiarum actionem. Quod dicitur, *Presta quæsumus.* Et, pertinet ad postulationem. Quod in fine ponitur, *Per Denuo nostrum, &c.* pertinet ad obsecrationem. Et ita in pluribus Ecclesiæ collectu hæc quatuor possunt attendi. Ita Sanctus Thomas.

Quamvis in Collationibus Patrum, apud Calianum e. 10. 11. 12. & 13. hæc quatuor ita explicantur, vt diuersas quasi orationis species significant; nimis vt obsecratio sit imploratio pro peccatis: oratio, cum aliquid Deo vovemus; postulatio, cum pro alijs petimus. &c. Sed primum, inquit, S. Thomas, melius est.

Illud

123 Illud mirum, quod indicat Augustinus lib. 9, Confel. cap. 13, preces nonnunquam ad Deum fundi, etiam pro re, quæ iam impetrata putatur. Nimirum quia Deus, pro sua benignitate, aliquando preces exaudit, priusquam fundantur. Quod tamen extraordinarium videtur.

Sexto quæri potest, quo loco, tempore, & gestu corporis orandum sit, speciatim an quouis loco & situ corporis saltem priuatim orare licet.

Respondeo breuiter I. In omni loco fas esse Deum priuatim orare, si debita animi reverentia non desit. Ita Chrysostomus orat sua postrema de pseudoprophetis & falsis Doctoribus, adiuncta noua editioni Ephrem monerit ut in omni loco, etiam in lecto oremus: *Et tu igitur, inquit, Pater, ne expectes diem vel horam, sed etiam cum dormies ora, & in via, & dum cubas, & cum surgas, & in quocunque loco.* Ratio est, quia si nullus locus adeo vilis est, cui Deus suam substantiam non communicet, non obstat etiam vilitas loci orationi ad Deum ubique præsentem fundenda: quando etiam Angeli in omni loco prælentes Deum intuentur, ac pro nobis orant.

124 II. Neque tempus certum oratio priuata deposit. Itaque die & nocte; inter prandium, coenam, ludum, ac in omni negotiorum genere orare licet. Nihil enim hic certi quippiam præscriptum aut vetitum; quasi certo quodam tempore liceat; alio non licet.

125 III. Neque etiam per se certus corporis gestus aut situs necessarius est. Tertullianus quidem de orat. cap. 12, inter alias quasdam antiquas orantium superstitiones, reprehendit, sedentem orare, si fiat quasi ex consilio & debita opera. At vero Monachos olim sedentes orasse, patet ex Cassiano lib. 2. de Institut. Coenob. cap. 12. & confirmat hodie receptus Ecclesiæ vsus, etiam in publico & solennibus precibus. Nihilominus tamen Monachis subinde etiam consuetum fuisse, expensis brachijs orare, patet ex eodem Cassiano ibidem cap. 7. Imo etiam orasse simul, & manibus laborasse, docet idem cap. 14. Denique etiam inter cubandum recte orari Deum, superius ex Sancto Chrysostomo restulimus.

126 Septimo & vltimo quæritur, an & quondam iure naturali obliget orationis præceptum.

Respondeo, nullum dubium esse, quin etiam secluso omni præcepto positivo, extet præceptum naturale & diuinum de oratione, vt satis ex scripturis superioris relatis colligitur.

Sed tempus determinare difficile est. Probabile est, quod docent Angelus V. *oratio*, num. 20. Medina Cod. de orat. q. 11. Nauarrus de horis Canonici cap. 3. n. 14 & sequitur Azot tom. 1. cap. 10. q. 14. obligare id præceptum. Primo in casu gratia tentationis, vel afflictionis; cum salus animæ periclitatur. Secundo in probabili mortis periculo, cui auertendo necessaria videatur oratio; quibus non male addit Syluester V. *oratio* quæst. 8. quando etiam proximus no-

ster in graui mortis corporalis, aut spiritualis periculo constitutus, eiusmodi auxilio egere videatur. Ut si duos districtis gladiis inter se acriter dimicantes, & de vita periclitantes videoas, quibus aliter succurrere non possis, quam oratione ad D E V M, quasi subito & iaculatorie effusa.

Quidquid Durandus in 4. distinc. 15. quæst. 12. & Paludanus quæst. 5. a. 1. in contrarium dicant, multa esse iuris naturalis præcepta, & in his etiam ipsum orandi & ieiunandi præceptum, quæ nullum certum tempus determinent: quod quidem in ordine ad impetranda ordinaria Dei auxilia, quæ ad corporis, aut animæ salutem necessaria sunt, extra prædictos casus necessitatis, verum existim: quia ut hæc petere aliquando lege naturali iubemur, ita si quis subinde ea postuleret, non censendus erit peccare contra legem naturalem, etiam tempus certum non obseruer, quidquid Syluester loc. citat. de primō instanti seu tempore vius rationis dixerit, de quo tom. 2. disputat. 4. quæstione 5. dub. 4. Die autem dominico aut festo orare quidem tenemur, sed non proprie ex præcepto naturali, sed positivo Ecclesiæ, ut inferius dicetur.

127

## DVBIUM V.

*De Horis Canoniciis; quid, & quænam sint; à quibus recitanda; quid recitandum; quomodo, & qua devotione, tum externa, tum interna; quo loco & tempore recitanda; & qua causa non recitantem excusent.*

Ad S. Thom. 2. 2. q. 83.

Peculiaris quidam modus & ritus orandi est ille, qui Horis Canoniciis continetur, de quibus proinde hoc loco agendum, et si S. Thomas de his particulatim nihil agat.

Quæritur igitur primo, quid, & quænam sint hora canonica.

Respondeo breuiter I. horas canonicas dicetas, quæ ex præscripto Canonum certis horis recitandas sunt: quæ etiam quia per modum quasi debiti officij, nomine Ecclesiæ persoluuntur, absolute dici solet officium diuinum, seu Ecclesiasticum: quod proinde recte describitur, certa quædam & publica ratio laudandi & orandi Deum non sola mente, sed voce, auctoritate Ecclesiastica instituta, vt etiam tradunt Nauarrus cap. 7. de orat. numero 1. & Bellarminus lib. 1. de bonis operibus cap. 10.

128 11. Constat diuinum hoc officium ex Nocturnis, Laudibus, Prima, Tertia, Sexta, Nona, Vesperis, & Completorio, velut maioribus quibusdam partibus; quæ etiam ab alijs intercise recitari possunt: ex psalmis vero, hymnis, le-

128

129

etionibus, Canticis, Antiphonis, responsorijs, Litania, versibus, collectis, velut minoribus, ex quibus ipsæ partes maiores integrantur.

130 III. Numerantur horæ Canonicae communiter septem, ut videre est in Clementina vnicæ, de reliquijs & veneratione Sanctorum, & supponitur in Bulla seu Extrauagante Pij V. quæ incipit *Ex proximo*; iuxta illud Davidis psalm. 118. *Septies in die laudem dixi tibi.* Nimurum: Prima, Tertia, Sexta, Nona, Vesperæ, Completorium, Matutinum cum laudibus. Quæ proinde postrema duo communi computatione vnam horam, seu officium nocturnum constitunt: et si per se non incommodè diuidi possint: & iam olim separatim celebrari consueuerint: quod etiam hodie in nocte Natalis Domini observari solet. Qua de causa etiam Rabanus de instit. Clericorum libro 2. cap. 2. Nauarrus de orat. cap. 3. numero 27. aliquæ nonnulli octo horas numerant & distingunt, de qua re non est contendendum.

Probabilius item videtur, etiam Primam & Completorium ex Apostolorum traditione descendere, ut docent iuxta citat. Clement. vnic. Durandus lib. 2. de ritibus cap. 7. & Turrianus in notis ad Clement. c. 34. Azor tom. 1. lib. 10. cap. 2. q. 11. & Suarez lib. 4. cap. 6. de orat. et si contrarium tradant Cassianus lib. 3. de cenobijs cap. 4. & Isidorus l. 2. de officijs cap. 23. quibus fauet Bellarminus lib. 1. de bonis operibus in particulari cap. 11.

131 I. De quibus horis multa passim extant veterum testimonia, speciatim Clementis Romani lib. 8. Constat. Apostolic. cap. 40. Cypriani serm. 6. de oratione Dominica, Athanasij lib. de virginit. Ambrosij in psalm. 118. serm. 8. & de virginit. Basilij serm. 1. de institut. Monachorum, & in quæstionibus fusi sibi explicatis q. 37. Hieronymi epist. 27. ad Eustochium de obitu Pauli; Chrysostomi homil. 59. ad populum Antiochenum, Augustini serm. 55. de tempore, Cassiani lib. 2. & 3. de institut. Cœnobit. Sancti Benedicti in Regula cap. 16. Isidori lib. 1. de officijs diuinis, Amalarij l. 4. de officijs Ecclesiasticis, Hugonis de S. Victore lib. 2. de officijs Ecclesiasticis, Ruperti Tuitiensis lib. 1. de diuinis officijs, & Rabani lib. 2. de institut. Cleric. cap. 9.

IV. Nec defunt singulis horis confirmandis exempla scripturarum. De Prima extat illud Davidis psalm. 118. vers. 148. *Prayenerunt oculi mei ad te diluculo*, ut meditaver eloquia tua. De Tertia illud Apostolorum Act. 2. vers. 16. quando circa horam diei tertiam, orantes, accepérunt Spiritum Sanctum. De Sexta illud Princeps Apostolorum Act. 10. vers. 9. cum eadem hora in superiorum partem ædium, orationis causa, ascendit. De Nona illud SS. Apostolorum Petri & Ioannis, quando ascenderunt in templum, ad horam orationis nonam, Act. 3. v. 1.

De Vesperis illud Davidis psalmi 140. vers. 2. *Dirigatur oratio mea sicut incensum in conspectu tuo: eleuatio manuum mearum sacrificium vespertinum.* Pro Completorio facit illud eiusdem psalmi 131. vers. 3. *Si ascendero in lectum frati mei, si dede-*

*ro somnum oculis meis, & palpebris meis dormitatem, & requiem temporibus meis; donec inueniam locum Domino, tabernaculum Deo Iacob. De Nocturnis illud psalmi 118. vers. 62. Media nocte surgem ad confitendum tibi.*

Huc spectat exemplum Christi, qui pernoctauit in oratione, Luca 6. v. 12. & exemplum Apostolorum, qui media nocte laudantes & orantes Deum, è carcere liberati sunt, Act. 16. v. 25. De Laudibus matutinis sunt, illa Regij Vatis, psal. 5. v. 4. *Mane exaudies vocem meam; mane astantib; & videbo. Et psalm. 62. v. 7. In matutinu meditabor in te. Et psalm. 118. v. 148. Prauenerunt oculi mei ad te diluculo: ut meditarer eloquia tua.*

V. Rationes, quæ eiusdem orationis conuenientiam ostendunt sunt istæ. Prima; septem diebus opus creationis diuinæ consummatum est, Genesis. 1. ac rursus diebus octo, diuinæ recreationis opus peractum est, incipiendo à die Palmarum usque ad Resurrectionis diem: quod proinde beneficium merito totidem horis, (sive septem, sive octo numerare placeat) recompensum.

Secunda, ut in honorem Sanctissimæ Trinitatis tercia quaque hora, tam diurna, quam nocturna, Deum collaudent illi, qui speciatim diuino servitio ac ministerio addicti sunt; quando & mundo militantium vigilæ, antiquo more, ita distribui solent, ut docent Cypriani serm. 6. de oratione. Dominica, Isidorus lib. de eccles. off. cap. 19. & Rabanus de instit. Cleric. lib. 2.

Tertia causa est, ut singula singulis horis suppliciorum Christi genera percutentes, grata mente passionem Domini recolamus. Quod quæ ratione fiat, sequentes versiculi declarant, iuxta Glossam cap. 10. de celebrat. miss.

*Haec sunt, septem proper que psallimus horis, Matutina legas Christum, qui criminis purgas; Prima replet floris; causam dat Tertia noctis; Sexta cruci nobis datum eius Nona bipartit: Vesperis deponit: tumulo Completa reponit.*

Quarto hoc spectant alia beneficia, quæ dictis horis recte commemorantur. Etenim hora matutina Deus populum suum à servitute Agyptiacæ liberavit, Exodi 14. Hac item hora natus est nobis Salvator, Luc. 2. Idemque vicit à mortuis resurgens, de morte triumphauit, usque captiuos redemit, Luc. 24.

Hora prima, hoc est, orto iam sole, Christus apparuit SS. mulieribus Marci 16. quæ etiam hora priore vita sua tempore Christus solitus erat ad templum conuenire, populo similiiter mane ad eum audiendum copiose confluente, Luc. 21.

Hora tercia descendit Spiritus Sanctus super Apostolos Act. 2. Quod in memoriam nobis reuocat hymnus, eadem hora decantari solitus: *Nunc sancte nobis spiritus.* Et cetera.

Hora sexta Petrus à Deo præceptum accepit, de admittendis in Ecclesiam Gentibus, Act. 10. & Coapostolus eius Paulus eadem hora conuersus

est, Act.

est. Act. 22. Hac itidem hora Dominus Noster discipulis suis recumbentibus, & ipsis cernentibus, est eleuatus in cœlum, Lucæ 24. Marci 16. Act. 1.

Hora nona Cornelius Centurio Angelorum ministerio ad Petrum adductus fuit. Act. 10. & eadem hora cœtus Apostolorum ad orandum conuenire consueverat Act. 3.

Hora vespertina cum sero factum esset, Christus in ultima cena Sacramentum Corporis & Sanguinis sui instituit, pedesque discipulorum lauit, Matthæi 26. Ioannis 13. Eadem hora discipulis euntibus in Emmaus, in forma peregrini manifestus apparuit, Lucæ ultimo.

Hora completorij guttas sudavit sanguineas, Lucæ 22. Denique hac ipsa hora deputata fuit custodia à Pilato, pro eius sacratissimo Corpore, Matthæi ultimo.

VI. Singulae vero partes officij canonici eti non habeant auctores sacros sive canonicos; habent tamen veteres, eosque magni nominis, ut speciatim de *lectionibus matutini*, quæ ad secundum & tertium Nocturnum legi solent. ex prescriptis eorum nominibus patet. *Reffonsoria* iam tempore Sancti Benedicti usurpata fuisse, constat ex regula eiusdem capit. 9. & sequent. Eorum (magna saltem ex parte) auctorem fuisse S. Ambrosium, tradunt Walfridus libro 1. de rebus ecclesiast. capit. 5. & Bellarminus cap. 16. Versiculos priscis temporibus fuisse consuetos, iamante annos octingentos scripsit Amalarius de ordine Antiphonarum capit. 1. *Antiphonarum* auctorem S. Ignatium, exemplo Angeli edoctum, faciunt Socrates libro 6. hist. cap. 8. Nicephorus libro 13. cap. 8. Amalarius libro 4. de officijs capit. 7. *Collectæ* sic appellatas, quod aliorum preces & vota in unum quasi fascem colligantur, ante mille & ducentos annos in usu fuisse, constat ex Concilio Agathensi cap. 30. & Cassiano lib. 2. cap. 7. de instit. monachorum.

Quod denique ad modum eas preces recitandi attinet, antiquissimum esse ritum in Ecclesia, psalmos alterni chorus recitandi, indubitatum est. Sane Tertullianus lib. ad vxorem dicit, *psalmum inter duos sonare*; eumque modum psalendi Angelorum exemplo didicisse, & Ecclesia Antiochenæ tradidisse S. Ignatiū, scribit Socrates lib. 6. hist. cap. 8.

Ex quibus omnibus manifestum est, quam imperite ac impie nostri temporis Nouatores, sequiti hac in re veteres hæreticos Waldenses, siue pauperes de Lugduno, teste Silvio de orig. Bohem. cap. 35. & Wiclefum teste Waldensi tomo 3. capit. 21. hunc ritum orandi D E V M velut inutile, ac superstitiosum reprehendunt.

Quæritur secundo, à quibus horæ recitanda sint.

Respondeatur sequentibus pronuntiatis, I. Tres vniuersim sunt tituli, ad horas canonicas recitandas obligantes; Ordo, Beneficium, & Religionis profilio. Primo enim, quod ad ordinem attinet, omnes Clerici in maioribus constituti, hoc

est, Presbyteri, Diaconi, & Subdiaconi, obligantur sub peccato mortali, ad recitandas preces horarias; etiam si nullum penitus beneficium habeant, nec villo Religionis voto sint obstricti, ex Capit. *Presbyter Capit. Dolentes*, de celebrat. misse.

Minoribus vero initiati, licet ex decentia quædam, ad maiorem orationis frequentiam teneantur, quam laici; communis tamen, & stricta lege non obstringuntur ad illas certas preces, ut ex cit. canonibus tradunt Sotus de iustitia l. 10. q. 5. a 3. Gregorius de Valentia hic quæst. 2. pun. 10. §. 2. & Sa V. *bora*.

Neq; Episcopus propria auctoritate potest ordinandis imponere perpetuam, veletiam diuturnam obligationem, recitandi certum orationis pensum: esto possit obligare illos, ut ter, vel quartus psalmos penitentiales, aliasue similes preces moderatas recitent; vt notarunt Azor l. 10. c. 5. q. 4. Suarez cap. 16. n. 15. & Lessius nu. 46. quod ipsum tamen non minus probabiliter negant. Sotus & Valentia locis citatis, rati solum ex conuenientia quadam eiusmodi preces esse persoluendas.

II. Quod vero secundo ad beneficium attinet, ea lege tenentur omnes, qui habent beneficium Ecclesiasticum, seu simplex illud sit, seu curatum; etiam præstimoniale tantum, aut aliam quamcumque præbendam, titulo clericali, ut decernit Pius V. in Extrauganti, *Ex proximo*. Multo vero maxime ad hoc tenentur Canonici, qui fere non habent aliud officium, amplis & opulentis plerunque beneficij respondens, quam horarum canonistarum recitationem, ut pluribus dicetur infra numero 161. & dubio sequenti numero 199. At vero qui pensionem ut Clerici percipiunt, tenentur vi eiusdem legis Ecclesiastice, saltem officium B. Virginis quotidie recitare.

III. Inter Capellaniæ vero distinguendum est. Si enim *collatiæ* sint, quæ scilicet auctoritate Summi Pontificis, vel Episcopi, eo fine institutæ sunt, ut iure, immunitate, & priuilegijs Ecclesiasticis fruantur, cum vere & proprio beneficio Ecclesiastica sint, sine controversia, ex omnium sententia, ad horas obligantur. Si vero priuata tantum auctoritate sint à fundatoribus, testatoribus, &c. institutæ, cum proprio beneficio Ecclesiastica non sint, per se ad horas minime obligant, ut ex communi tradit Lopez instruct. confess. part. 2. cap. 94.

IV. Coadiutores itidem eti tenentur ad id, ad quod dati sunt Coadiutores, ratione tamen Coadiutoriæ non tenentur ad horas, licet futuri sint aliquando Successores; quia Coadiutoriæ non est beneficium, ut ex communi tradit Nauarrus comment. de orat. cap. 20. numero 18.

Hinc cooperatores, quos Parochi suo quandoque arbitrio assument, si præter parochi stipendium, aliud beneficium non habeant, neutrumque tenentur ad persolutionem horarum ratione beneficij; quare nec restitutionis

oneri subiacent: quod tamen locum non habet, si peculiaria pro cooperatoribus beneficia fundata sint, iuxta Nauarrum loc. citat. itemque Azor cap. 4. quæstione 1. Suarez cap. 22. numero 19.

141 V. Nec tenuitas beneficij perse ab horarum recitatione, ex veriori, excusat, vt tradunt Nauarrus c. 7. n. 27. Couarruias l. 7. variar. c. 13. n. 8. Valentia cit. q. 2. pu. 10. Beia casu 54. Azor c. 3. q. 3. Toletus cap. 14. conuenienter cit. Bullæ Pij V.

Etsi contraria sententia Sotil libro 10. de iustit. q. 5. art. 3. quam sequuntur Aragonius hic q. 8. 3. artic. 12. aliquique recentiores, & ex parte Suarez cap. 21. & Lessius cap. 34. numero 169. non omnino improbabilis videatur: præsertim si beneficiatus alia seruitia beneficio illi annexa præstet, & tamen nihilominus vix quartam partem mediocris sustentationis ex illo percipiat, vt limitant Suarez cap. 21. & Lessius cap. 34. numero 169.

142 At vero qui aut titulum beneficij nondum consequutus est, aut solum titulum sine possessione habet, nisi hanc sua culpa non habeat; aut qui nullos penitus fructus ex beneficio, nec per se, nec per alios; nec præsenti, nec futuro tempore percipit, aut percipere potest, ad horas non tenetur, vt ex communis tradunt Caietanus & Sa V. hora Nauarrus num. 2. cap. 20. de oratione. Sotus, Valentia locis cit. Azor q. 6. Suarez c. 19. n. 1. & cap. 20. & Lessius libro 2. cap. 34. num. 167. & 168.

Secus si per beneficiarium stet, quo minus fructus percipiat; aut si eos saltē in futurum per se, aut suos hæredes percepturus sit, iuxta citatos: vt nec liberatur beneficiatus, qui quotidianas distributiones ad bonam partem sustentationis sufficiens percipit; etiam si de reliquo corpore nihil participet, vt tradunt Nauarrus manual. 25. numero 103. Lopez 2. p. capit. 94. Azor libro 10. cap. 4. quæstione 6. Toletus lib. 2. cap. 14. Valentia hic q. 2. pu. 10. Aragonius q. 8. 3. 2. 12. du. 4. Lessius cap. 34. du. 3. 1. qui limitat, nisi contraria consuetudo legitime præscripta eos excusat.

143 VI. Tertio ratione Religionis ad recitationem diuini officij tenentur omnes Religiosi choro adstricti, vt tradunt omnes. Conuersi autem, sive fratres Laici, vt vocant, & nouitij, lege communis ad hoc non tenentur. Quamquam & illud non tam ob ius aliquod commune, quam ob peculiares Religionum consuetudines & instituta seruandum sit: etsi merito existimetur, ipsam consuetudinem, in eiusmodi Religionibus, vim legis obtinere, vt post alios tradunt Sotus libro 10. de iustit. quæstione 5. articulo 3. & Bartholomæus Medina cap. 14. quidquid Aragonius quæst. 8. 3. articulo 11. dixerit, chorum professos non peccare mortaliter, si semel aut iterum horas prætermittant.

144 Nec verum est, quod docet Paludanus in 4. dist. 15. q. 5. a. 1. conservos illos obstringi ad certas alias precies loco diuini officij dicendas; hoc enim velut sine fundamento dictum merito reiiciunt.

Sylvester V. hora q. 2. Nauarrus cit. commentar. n. 16. Sotus & Suarez loc. cit.

Necque ab ea obligatione absolvitur Religiosus choro destinatus, qui vel sponte ex Monasterio profugit; vel qui per legitimam dispensationem, aut extra Monasterium vivit; aut à choro est liberatus; secus est si Prælati auctoritate constitutus in gradu Laicorum seu Conuersorum, vt videre est apud Nauarrum n. 20. Azorium q. 5. & 8. Suarez cap. 17. n. 8. & 9.

Quæritur tertio, quid in specie recitandum sit.

145 Statuimus sequentia. I. Mortaliter peccat, qui vnam ex septem horis, vel notabilem eius partem (qualis merito censetur etiam dimidia cuiusque minimæ horæ, vt ex communis notauit Sa V. hora) sciens atque volens, absque rationabili causa, intermittit, vt habet communis Doctorum sententia; & colligitur ex citatis supra canonibus.

Neque tamen si quis vna simplici voluntate, totum officium dicere negligerat, plura quam vnum, peccata perpetravit; dummodo propositum non interrupcat, vt ex communis tradunt Sylvester V. hora quæst. 12. Nauarrus cap. 7. numero 6. Azor cap. 7. quæst. 4. Sa V. hora num. 13. Suarez cap. 25. num. 18. quia nimur omnes horæ, inter se, velut partes quædam, subordinatae, vnum vnius diei integrum officium constituant; etsi contrarium dixerint Tabiena V. hora q. 18. & Lessius n. 53.

II. Quando tamen alternatim horæ dicuntur, satis est audire quæ à socio proferuntur, vt ex communis docent Paludanus in 4. dist. 45. qu. 2. Nanargus de orat. c. 10. n. 16. Sylvester V. hora q. 7. idq; etiam si minus forte distincte percipiuntur omnia, vt addit Sa V. hora n. 9.

Ministrantes etiam in choro, & iuxta officij ratione occupati, thuribulum v. g. afferendo &c. partem neglectam repeterent non tenetur, vt habet communis apud citatos, & satis probatur ex ipso Ecclesia vsu, cui ratio fauet; quia ex præscripto deseruiens orationis ritui, orare quodammodo censetur.

Quæ tamen aut secreto dici solent, aut organo, alijsue instrumentis musicis sine voce representantur, necessario recitanda videntur; illa quidem a singulis, vt omnes fatentur; haec vero saltē ab uno, cæteris audientibus, vt colligitur ex cit. canonibus & bullis, quæ vocalē recitationem requirunt: etsi quoad posteriorem partē, (de organo) contrarium dixerint Nauarrus c. 21. num. 15. & Suarez cap. 8. numero 7. quæ opinio tutā videtur, si forte consuetudine ita præscriptum fuerit.

Quod si in alternata eiūmodi recitatione, ab uno choro plures sint socij, non est scrupulose repetendum, quod à socio chori dictum, vnu forte omiserit, vt tradunt Azor cap. 7. quæst. 9. & Suarez cap. 12. num. 2. & cap. 25. numero 3. Et possunt lectiones vel singulæ à singulis, vel omnes ab uno legi, vt docent Azor & Suarez locis citatis.

Idem seruari potest, in alijs precibus, etiam voti

voti seu pœnitentia causa recitandis, ut tradunt Nauarrus capit. 10. numero 20. Azor lib. 10. cap. 7. quæstio. 10. Suarez libro 3. de orat. cap. 9. num. 14.

148 III. Psalmos autem Graduales, & Pœnitentiales; officium item B. MARIE Virginis, & Defunctorum, & similia, quæ horis aliquando solent adiungari, iuxta formam noui Breuiarij à Pio V. reformati, communis lego nemo teneret, sub peccato dicere, ut habet communis Doctorum sententia, & colligitur tum ex bulla Pij V. tum ex ipso modo loquendis rubricas Breuiarij. Vi autem pecularis regula, vel consuetudinis quinam ad hæc teneantur, ex propria regula & consuetudine discendum.

Et quamvis consuetudini recitandi officium B. Virginis in choro, si quæ antea erat, per novum Breuiarium Pij V. nihil fuerit derogatum, in priuata tamen recitatione extra chorum, nulla superest obligatio, vbi nouum Breuiarium receptum est, vt docent Aragonius hic q. 83. art. 12. dub. 5. & Azor cap. 13. q. 3. & colligitur ex citata bulla Pij V.

Alia est ratio officij Defunctorum in die animarum, itemq; Litaniarum, diebus S. Marci & Rogationum; hæc enim etiam ex præcepto esse necessario recitanda tradunt Graffius numero 52. numero 20. & Suarez cap. 25. numero 8. & 9. & colligitur ex rubricis specialibus eorumdem dierum; quæ vel imperatiuo loquendi modo vtuntur; vel certe ea ipsa, quæ diximus, consueto officio ita annexunt, ut eodem censu utraque habere videantur.

149 IV. Præcepto autem Ecclesia non satisfacit, qui horas, quaque placet forma, recitat. Dici enim debent secundum ordinem Breuiarij, quo legitime, iuxta bullam Pij V. Breuiario præfixam, vitetur Ecclesia, ad quam quisque spectat. Quod certum quidem est, si derecitatione in choro sermo sit, ut habet communis Doctorum sententia, & manifeste patet ex bulla citata.

Priuata autem, & seclusa confusione ac scandalio, posse quemvis persoluerre horas secundum formam Breuiarij Romani, non omnino improbabiliter tradunt Nauarrus libro 3. consiliorum consil. 15. de celebrat. Missarum, Caietanus V. hora cap. 2. Sa numero 6. Emanuel Rodericus tom. 1. quæstion. 42. cap. 13. & Lessius numero 74. quamvis aliqui negent conformiter citata Bullæ.

150 V. Neque licet alicui officium unius Breuiarij cum altero eiusdem breuiarij commutare, v.g. dicere de Sancto aliquo, quando dicendum esset de feria, vel recitare sub duplice, cum sub semiduplici dicendum esset. Id enim si fiat absq; rationabili causa, qualis non est priuata deuotio, minimum venialis noxa incurretur, ut docent Syluester V. hora, q. 12. Caietanus ibidem cap. 2. Sotus l. 10. q. 5. a. 4. Azor c. 10. q. 2. Lessius c. 37. n 77. aliorum autem sententia mortalis; ut docet Toletus lib. 2. cap. 13. & inclinat Valentia hic q. 2. punct. 10. §. 3.

Qui etiam addunt; teneri talem si præscriptum tempus nondum sit elapsum, repeterem debitum,

officium; quod tamen ipsum negant Caietanus, Syluester, Azor, Lessius loc. cit. Certe si bona fide ea commutatio facta sit, nulla videtur obligatio repetitionis, ut habet communis apud citatos.

Aliud vero æquivalens, omissis horis, dicere, per se vtiq; mortale est, ut habet communis Doctorum sententia, contra Sa V. Horæ editionis antiquæ. Quod etiam idem ibidem n. 20. alioq; non nulli dicunt, nihil referre, an horæ priuatum latine, an græce, an hebraice dicatur, nō videtur probandum, ut in simili de Missa communiter docetur, & colligitur ex rubricis & bullis, quæ certum, idq; latinum Breuiarium latinis præscribunt.

Quæritur quarto, qua deuotione, quoque modo diuinum officium recitandum.

Respondetur: Circa modum horas recitandi quatuor spectari possunt, nimirum deuotio, seu attentio, continuatio, ordo, & vocalis oratio, de quibus hæc statuimus.

I. Duplex est deuotio ad horarum recitationem, requisita, interna una; externa altera. Illa est præpotitudo seu applicatio quædam animi ad Deum laudandum & orandum: hæc vero est promptitudo ad psallendum, standum, flectendum genua &c. prout ordo diuini officij postulat. Priore voluntarie carens inter officij diuini celebrationem, ita vt nunquam animum vere applicarit ad Deum orandum, vel laudandum, nec intentione quidem virtualiter inclusa in generali proposito, suo muneri satisfaciendi; cum hic tamen modus sit orationi intrinsecus, mortaliter peccat, ut ex communite tradunt Nauarrus c. 13. de oratione n. 17. Azor c. 12. q. 4. Val. q. 2. pu. 10. Suar. l. 3. de orat. c. 3. n. 6.

Posteriori deuotione destitutus (saluo cantu, si quis ad eum in choro speciatim sit obligatus) dummodo absit scandalum & contemptus, non peccat, nisi venialiter, ut tradunt citati.

II. Deuotionis affinis est attentio: quæ triplex est, vt docet S. Thomas hic quæstio. 83. artic. 13. Prima ad verba, ne in his erretur; altera ad sententiam & rem significatam; tercia ad ipsum. DEVM, qui oratur vel laudatur, aut ad id quod petitur, tanquam à Deo impetrandum. Quarum prima & ultima tantum necessaria est, non autem media; nisi hanc in locum ultimæ placeat subrogare, ut habet communis Doctorum sententia.

Nec probatur quod nonnulli dicunt, speciatim Sa V. hora, & Toletus libro 2. cap. 13. sufficere ad verba attendere: nisi forsitan hoc ita intelligatur, vt simul animus rite orandi, Deumque laudandi non desit, nec adeo mens ad alia sit voluntarie distracta: quo tamen ipso etiam attentio tercia non deest.

Certe attentio, quanta satis est, ne in verbis erretur, esse alioqui potest, cum voluntaria & perpetua quasi distractione & euagatione mentis ad ea, quæ ab oratione sunt alienissima; præsertim si initio quis prouiderit, ut officium in libro ordine ac consequenter dispositum habeat, quem tamen præcepto orandi satisfacere, nemo dixerit.

Quod si quis omni euagatione voluntaria exclusa, præsupposito semel animo Dei orandi, in

decurso

de cursu orationis perpetuo mentem aduertat solam ad verba, ut absque errore proferantur, sufficiens ea quidem erit attentio ad peccatum vitandum, sed simul ieiuna & arida, ac moraliter vix possibilis, præsertim in eo, qui facilitatem orandi & arte & consuetudine dudum sibi comparauit; cuius mens ut alijs cogitationibus seclusa, ad sola verba perpetuo sit attenta, fieri vix potest.

Quomodo conciliari possunt diuersi auctores; quorum nonnulli dicunt, sufficere solam attentionem ad verba, in quibus præter citatos sunt etiam Nauarrus c. 20. de orat. n. 28. Suarez l. 3. c. 4. & l. 4. c. 26. & Lessius n. 69. alij negant, in quibus Gregorius de Valentia cit. q. 2. pun. 10. §. 4. Medina q. 14. de orat. & Bellarminus c. 18. fauente non parum S. Thoma loc. cit. ubi tertiam attentionem vel maxime necessariam esse afferit, ut dictum dubio præcedente.

154 III. Neque tamen necesse est, ut toto orationis tempore, actualiter duret attentio; sufficit enim si virtualiter perseueret, ut cum S. Thoma loco cit. communiter omnes fatentur; ita nimurum ut postquam aliquis animo Deum orandi ad prelationem accessit, eamque ceperit, postea sciens volensq; animū non muter, directe nimurum vel indirecte mentem ad alia ab oratione aliena diuertendo.

Voluntarie enim & cum plena deliberatione seu aduentitia notabilem hora partem (nisi ita recitans proponat repeterere) distracte recitare, mortale est; cum onere totum officium, aut eam saltem partem, quæ distracte recitata est, repetendi: dummodo tempus horis praefixum non sit elapsum, ut docent ex communi Nauartus c. 13 Maior in 4. dist. 12. q. 7. Sa V. hora Arragonius cit. a. 13. Petrus Nauarrus lib. 2. c. 2. n. 202. Valentia q. 2. pun. 10. §. 4. et si ita repetendum negent Antoninus & Medina apud Aragonium loc. cit.

Quin imo beneficiarius secundum probabilitorem, etiam ad restitutionem tenebitur, iuxta dicenda dub. sequenti, ut recte Valentia & Aragonius locis cit. contra Sotum, Cordubam, & Tolletum lib. 2. cap. 14.

155 IV. Neq; tamen ab orationis attentione alienum est, inter psallendum, de mysterio aliquo vitaæ aut Passionis Christi pie meditari, ut haber communis apud citatos.

Sed & potest quis die festo simul duobus præceptis satisfacere, audiēdo scilicet Missam, & horas persolundo, ut docent Cajetanus & Valentia, quidquid Nauarrus alijq; nonnulli dubitant.

Quod si homo scrupulosus sit, rectius fecerit, si nihil repeatat, quamdui ei certo non constat, se voluntarie fuisse distractum; quamcumuis in fine psalmi aut horæ, distractionem deprehendat, nec recordetur se nullum psalmum aut versum dixisse; dummodo nec contrarium illi constet; quia probabiliter credere potest, se omnia dixisse, præsertim si libro vsus fuerit, aut alias in ijs memoriter pronuntiandis non soleat errare, ut docent Maior in 4. dist. 12. q. 7. Nauarrus c. 13. à num. 29. Cajetanus V. hora, Petrus Nauarrus l. 2. de resti-

tut. c. 2. n. 234. & Suarez lib. 4. cap. 26. De qua re plura tom. 2. disputatione 2. questione 6. dub. 5.

V. Secundo ad modum eiusdem orationis spe. stat, ut hora singula continuante non interrupedi cantur. Hoc enim absque rationabili causa faciens, ut minimum veniale irreuerentia committit, ut omnes fatentur: secundum aliquos, in quibus Nauarrus cap. 16. num. 75. & Medina q. 16. de orat. Azor cap. 8. quæst. 5. si notabilis sit interuptio, mortalem; cum obligatione priorum hora partem repetendi, si tempus necdum elapsum sit.

Sed cum substantia orationis nihilominus retineatur, eaque circumstantia tanti momenti esse non videatur, rectius vtrumque negant Cajetanus V. hora cap. 4. & Aragonius q. 83. a. 12. Peltanus lib. 3. de bonis operibus lib. 6. & Lessius num. 57. Hoc certum, licite pro libito Laudes à Matutino separari, modo initio earundem rursum præmittatur Pater & Ave, ut monit Nauarrus cap. 13. num. 6. & nunc ipse recentiores rubricæ notant.

VI. Tertio requiritur ordo, ita ut posterior hora non anteponatur priori; quod tamen si extra chorum fiat, sceluso scandalo & contemptu, non maius, quam veniale peccatum censabitur; quia hæc ordinis inuersus nec continet grauem deformitatem, nec quidquam de horarum substantia diminuit.

Ex causa autem rationabili id omnino licitum erit, ut ex communi docent Aragonius & Salocis cit. post Antoninum 3. part. tit. 13. c. 4. §. 4. Sylvestrum V. hora q. 9. & 12.

Hinc si quis ad chorum obligatus, tardius accedit, coepit horam prosequi debet, & postea repetere id, quod neglexit, ut docent Nauarrus cap. 3. num. 66. Toletus cap. 13. Sa V. hora n. 8. Aragonius loc. cit.

Eadem de causa euocatus è choro, ad audiendas confessiones, his finitis, ad chorum rediens, cum suis collegis recitatib sequentem, priore nondum dicta, ut ijdem docent.

Sicut etiam quiuis altius à persona vel infirma, vel graui ad dicendas horas inuitatus, eidem se in hora dicenda conformare poterit, dummodo prætermissa hora postea dicatur, ut docent Toletus loc. cit. Azor cap. 10. Suarez cap. 13.

Addunt Philiarchus cap. 6. & Suarez loc. cit. si expletis psalmis matutinis, desit liber aut commoditas ratione itineris, dicendi lectiones, & instant occupationes, quæ debitam devotionem in laudibus impeditura credantur, posse aliquem lectiones differre, & cætera prosequi. Sed quia hic non tantum ordo perturbatur, sed oratio nobiliter interrumpitur, equidem non existimo sufficere solam causam maioris devotionis.

VII. Quarto circa modum orandi horas obseruandum est, ut vocaliter, & quidem integre & distincte recitentur iuxta capit. Dolentes, de celebrat. Missarum, & concilium Basileense sess. 21. Neque tamen opus est, ut vel propinquæ adstantes recitantem, vel recitans seipsum audiat: sufficit, ut quocunq; minimo sono seu voce, absq; syllabum

barum confusione, seu corruptione, distincte prouentur, ut ex communis recte Valentia & Arragonius locis cit. contra Medinam: esto interim, ita orans hoc ipso, seclusis impedimentis communiter saltem a seipso possit percipi. So-  
la autem mente horas dicere, tutum non est, ut ex communis docet Sa V. hore.

160 Quæritur quinto, quo loco recitandæ sint horæ.

Respondetur. I. Precum ordinariarum locus verus & proprius Ecclesia est. Priuatim tamen in quois honesto & opportuno loco dici possunt ab ijs, qui ad chorum obligati non sunt, ut habetur ex Concilio Basiliensi less. 21.

II. Qui vero ad chorum deputatis sunt, iure communi, horas in choro, & non alibi dicere, debent, iuxta capit. vltimum dist. 92. & capit. 1. de celebrat. Missarum. Et vero in Ecclesijs Cathedralibus, regularibus, & Collegiatis, quotidie, ex præcepto Ecclesiae, publice dicendum est officium canonicum, ut habetur Clement. 1. de celebrat. Missarum.

Semel tamen aut iterum per annum, secluso scandalo & contemptu, horas in choro negligens, non videtur mortalis culpe arguendus esse, ut docent Caietanus & Valentia.

Imo Religiosi etiam choro destinati per se, non videntur peccare mortaliter, si extra chorū horas recitent, nisi vbi speciali constitutio-  
ne hoc fuerit ita declaratum, ut notauit Suarez lib. 4. de horis canoniceis cap. 12. n. 15. & indicat Caietanus V. hore.

Beneficiarius tamen, si à choro absit, distributiones quotidianas non lucratur; nisi morbo, vel alia gravi causa, quam iura exprimit, domi detineatur: de quo tamen etiam consuetudo cuiusque loci consulenda erit, ut pluribus disserat Alexander Moneta de distributionibus, & pluribus dicetur dub. 6.

III. An vero Canonici diuinum officium solimodo audiētes, seu meditantes, aut domi priuatim recitantes; vel præsentes quidem in choro, verum submissa, non alta cum alijs voce psallentes huic præcepto satisfaciant, inter Doctores controvèrtitur. Ac dubitandum minime est, quin audientes tantum nullatenus satisfaciant, adeoque nisi domi saltem recitent, subiaceant restitutio-  
nēs oneri, ut communis habet Doctorum sententia apud Nauarrum c. 17. de orat, a num. 25. & patet ex citata bullā Pij V. & Concilio Tridentino less. 24. cap. 12. vbi ipsi etiam Canonici ad horas recitandas obligantur: quidquid in contrarium sane improbabiliter & sine fundamento, addē etiam obiter & obscure significarit Caietanus V. hore, dum ait, maiores in choro non debere cantare, sed meditari, quæ ab inferioribus dicuntur: quem bene refellit Nauarrus loco citato, præter ceteros Doctores, quos dubio sequenti referemus, tam eos, qui docent, Canoni-  
cos iure etiam naturali teneri ad restitutio-  
nēm ob omislas horas Canonicas, quam qui negant.

162 Deinde certum quoque est illud, teneri Canoni-  
cos iure communis ad psallendum in choro,

& ad id etiam ab Episcopis compellendos, vt  
præscribit Concilium Tridentinum loc. cit.

At nihilominus probabile est, ijs in locis, vbi  
consuetudo obtinuit, ut Canonici non psallant,  
sed ipsorum vices Capellani & Vicarij eorum  
dem subeant, non psallentes à peccato & restitu-  
tionis onere excusari, quamdiu quidē à Summo Pontifice, vel ab Ordinariis ad psallendum  
non compelluntur; modo & pensum horarum  
priuatim absoluant, & psallentibus in choro,  
saltem exteriore quadam devotione & attentio-  
ne, sine confabulationibus & deambulationi-  
bus, reverenter assistant, ut docent Caietanus  
loc. cit. Petrus Nauarrus lib. 2. de restitut. cap.  
2. à numero 217, & plerique recentiores, fauente  
Concilio Basiliensi less. 21. §. 3. vbi præcipi-  
tur, ut Canonici choro devote præsentes seruent gra-  
uitatem; non confabulantes, colloquentes, litteras, aut  
alias scripturas legentes: et si non pauci absolute ac  
simpliciter eisdem etiam ad psallendum obligeantur,  
ut videre est apud Caietanum tom. 1.  
opusc. vlt. respons. 8. Beiam casu 55. & alios.

Quæritur sexto, quo tempore horæ Canonici  
recitandæ sint. Respondeatur I. Tempus of-  
ficij Canonici, prout scilicet Matutinum, ho-  
rasque intermedias, usque ad Completorium  
inclusiue comprehendit, ex prima quidem insti-  
tutione, durat à media nocte usque ad medianam  
noctem sequentem: at vero vi receptæ consue-  
tudinis, est totum illud spaciū, quod inter ve-  
speras unius dicitur, usque ad medianam noctem al-  
terius interiectum est, ita ut mortale non sit, in-  
tra hoc spaciū quancunque ex horis Canonici  
recitare; dummodo vesperi præcedentis dicitur  
plus non recitetur, quam Matutinum & Laudes.  
Media vero nocte sequentis diei translatā, cessat  
obligatio præcedentis diei. Ita habet communi-  
nis sententia apud Nauarrum cap. 3. de oratione  
numero 58. Valentiam hic quaestione 2. pun-  
to. §. 5. post Sanctum Thomam quodlib. 5.  
articulo 28.

II. Proprium vero ac peculiare tempus cu-  
iusque horæ, ex prima sui institutione, in Prima  
quidem, Tertia, Sexta, Nonna, est idipsum, quod per  
eas horas designatur; nempe prima, tertia, se-  
xta, & nona hora, ab ortu solis, iuxta diuisionem  
veterum, qui diem artificialem in duodecim a-  
quales hotas, & in totidem horas noctem diu-  
debat, ut videre est apud Amalarium præfat. li-  
ibri de ord. Antiph. & apud Athanasium lib. de  
virginit. Basiliūm quæst. fuse explicatis qua-  
stione 37. & Hieronymum epistol. ad Eustochium.

Vesperæ porro secundum eandem diuisionem,  
vesperi dicendæ sunt, sole nimirum in occasum  
vergenti, ita ut propius ab occasu, quam à me-  
ridie distet; Completorium vero post occasum eius-  
dem. Matutinum denique post medium noctis  
sub auroram; quamquam Nocturni olim qui-  
busdam in locis à Laudibus separabantur, & præ-  
cipue media nocte decantabantur, ut videre est  
apud citatos, & Bellarminum de bonis operibus  
lib. 1. cap. 11.

III. Neque tamen hæc tempora, vi receptæ  
confue-

consuetudinis, adeo stricte & ad amissum obseruanda sunt, quasi peccatum sit, in priuata horarum recitatione, recepta piorum & doctrinum consuetudini se conformare: cum Matutinum vna cum Laudibus licite priuatim dicitur vespere præcedentis diei, (declarato iam ante annum. præced.) iuxta S. Thomam quodlib. 5. a. 28. Bellarminus cap. 18. Azor cap. 9. q. 5. Suarez cap. 27. num. 14.

Vbi etiam ex eadem consuetudine illud merito obseruatur, iuxta consuetam in Germania horarum distributionem, vt matutina in hyeme, etiam ante horam quartam vespertinam licet dicantur; v.g. circa horam tertiam vespertinam: quia eo tempore sol, cum circa horam quartam vel quintam occidat, iam ab hora tertia propior est occasui, quam meridie; cuius tamen contrarium in æstate accedit, vbi sol primum circa septimam vel octauam diei horam occidit; adeo vt ab hora quarta primum sol proprius ab occasu, quam à meridie disset.

166 IV. Neque peccatum etiam est veniale, si quis iusta de causa, non obseruet tempus singulis horis destinatum, vt omnes docent.

Attamen sine causa tempus Canonicum, contra receptam Ecclesiæ legem & consuetudinem notabiliter inuertere (vt si Matutinum, vel Prima diceretur primum post meridiem.) gracie peccatum veniale est; coque grauius, quo longius à præfinito tempore receditur, vt ijdem docent.

Semper tamen consultius est, ob futuras occupationes, quæ deuotam horarum recitationem postea impeditur videantur, tempus anteuerte. Ita enim Capit. Presbyter de celebrat, Missarum ex Consilio Agathensi, suadetur Parocho, ad opus rurale exituro, vt mane dicat horas omnes usque ad vesperas inclusive; quod intelligi debet si occupationibus ita distinetur, vt constituto tempore preces ægre persoluere possit.

167 V. Reatum vero peccati mortalis haud effugiet is, qui primas vesperas (loquendo de officio alicuius Sancti integro, prout nimur, primas & secundas vesperas includit) in diem sequentem reiicit, vt habet communis sensus Doctorum; non solum quia probabile est, eas nullo modo pertinere ad officium seu pensum sequentis diei; sed etiam quia valde notabilis & absurdum est ea temporis inuersio: quamvis quocunque tandem casu pridie dictæ non sint, posterius videantur dicendæ, cum reuera ad eius diei officium ac solemnitatem pertineant, vt colligitur ex mente Doctorum S. Thomæ quodlib. 5. art. vlt. ad 1. Azorij lib. 10. cap. 9. quæst. 7. et si idem contrarium assertur cap. 10. quæstion. 3. vti & Suarez lib. 4. de orat. cap. 24. numero 2. quæ sententia probabilis est, & practice tutæ.

168 VI. In choro autem, eo diligentius, secundum receptam legem aut consuetudinem cuiusque loci, tempora horis singulis statuta obseruanda sunt, quo facilius alioqui scandalum oritur, & Christiani populi deuotio impeditur: secluso tamen scando, raro mortale peccatum

erit, tempus nonnihil immutare, vt habet communis Doctorum sententia: secus si tempus valde notabiliter immutaretur; vt si vespera in Quadragesima dicerentur post prandium, vt docet Suarez cit. cap. 27. n. 9.

VII. Primam Missa celebrationi postponere, per se nullum est peccatum; etiam si absque omnini causa fiat, vt habet communis sententia apud Nauarrum cap. 3. de orat. cap. 70. & Sylvestrum V. Missa. 1. q. 6. imo id etiam nonnunquam esse poterit conuenientius, vt si sacrum in hyeme longe ante orum solis dicendum sit, vt noruit Bellarminus cit. lib. 1. cap. 18.

Inter Missam autem & Matutinum eri multi hunc ordinem statuant, vt doceat, esse peccatum mortale, citra iustum causam Matutinum & Laudes Missa postponere, in quibus sunt Durandus lib. 4. de rit. cap. 24. Gabriel lect. 13. in Canon. Nauarrus cap. 15. de orat. num. 7. & cap. 21. n. 29. Angles de Missa num. 42. Azor lib. 10. cap. 28. q. 17. &c. idque in publica & solemni Missa principialis celebratione, & loquendo de publica horarum recitatione, non immerito verum censent Suarez 3. part. tom. 3. disp. 82. sect. 1. & lib. 4. de orat. c. 24. n. 6. Pinellus lib. 2. de Missa c. 13.

Loquendo tamen de priuata horarum recitatione, multo probabilius est, non esse plusquam veniale, etiam sine causa Matutinum Missa postponere, vt docent Sylvestrus V. Missa 1. num. 6. Aragonus hic quæst. 83. artic. 12. dub. 5. Sotus lib. 10. de iustitia quæst. 5. a. 4. Bellarminus cit. cap. 18. Sa V. Missa num. 22. Suarez 3. part. tom. 3. disp. 82. sect. 1. & probabilem iudicant Valentia loc. citat. §. 2. Toletus lib. 2. cap. 1. Henriquez lib. 9. cap. 24. num. 7. & alii plerique recentiores; eo quod opposita sententia nullo solido nitatur fundamento.

Imo Ioannes Salas de leg. disp. 19. sect. 11. n. 92. in eo nullam plane culpam agnoscit; quod tamen velut contra communem non probatur; præsertim quia regulæ Missalis obsistunt. At vero ex causa etiam non admodum graui, Matutinum Missa postponere, nullum est peccatum, vt docent Bellarminus, Suarez, Pinellus, Azor, loc. cit. & Toletus lib. 2. cap. 1.

Quæritur septimo, quæ causa non recitationem excusat.

Respondeatur I. Quatuor generatim sunt causa à peccato excusantes. Prima est cæcitas, aut alia grauius infirmitas, quæ scilicet adeo hominem affligat, aut impedit, vt vel nullo modo, aut certe non absque notabili valetudinis detimento (quo in casu si res sit dubia, p. & periti Medici consilio standum est) officium recitare queat; nec solus, nec cum socio, nec totum simul, aliqua diei hora, qua minus urget morbus, nec ex parte, &c.

Quod si cæcus (eadem est ratio carentis Breuiario) possit horas, & quidem officium totum memoriter recitare, nemo dubitat, quin ad hoc ipsum teneatur. Idem censendum, si horam aliquam integrum, seu præcipuum eius partem memoriter teneat, quædoquidem singula horæ sunt quædam plura integra, et si partialia, vt indicant Nauar-

Nauarrus cap. 11. de orat. num. 15. Philarchus c. 10. Azor c. 13. q. 4. & exp. Suarez c. 28. nu. 24. faciente Soto lib. 10. q. 5. a. 3.

Secus est, si paruam tantum aliquam, seu minus præcipuam partem ita recitare queat, ut docent citati; sicut qui integrum Missam dicere non potest, non tenetur dicere partem; immo nec audire exiguum particulam Missæ, qui totam, vel maiore partem non potest, ut docet Philarchus, Azor, Suarez locis citat.

Quod si dubitetur, num infirmus probabili-  
ter excusatus ab officio integre dicendo, dicere  
possit unam alteramue horam, credibile est, eum  
pronuntiandum esse liberum, ex benigna Eccle-  
siae interpretatione, ne scrupuli noxie multipli-  
centur, ut docent Philarchus loc. citat. & Suarez  
num. 27.

Nec male Nauarrus cap. 25. Manual. num.  
100. grauem infirmitatem censet illam, qua  
non admittit colloquia de serijs rebus, aut re-  
rum arduarum tractationem, vel dispositionem.  
Qualis sane communiter non est febris quartan,  
vel tertiana, vt pote quæ fere semper  
tempus concedit à morbo vacuum, quo ho-  
ra commode recitari possint, iuxta Nauarrum  
loc. citat.

II. Secunda causa, est repentina & grauis oce-  
cupatio, quam quis absque scandalo & peccato,  
aut graui suo aliorumue incommode nec differ-  
te; nec vllatenus cum recitatione horarum  
perficere potest: qualis quidem raro obuenit,  
licet grauissima subinde maximeque necessaria  
negotia occurrant; vt sunt cura infirmorum,  
concio, confessionum auditio, lectio in publi-  
co concursu. In talibus siquidem casibus, fe-  
re semper anticipari, aut postponi possunt hor-  
rae, antequam elabatur præfinitum temporis  
spatum.

III. Tertia causa est inculpata carentia bre-  
uiarij: si quis apud infideles captiuus derineat-  
ur, vel in solitudine versetur, aut in itinere  
aliquo breuiarium amiserit, nec eius copiam  
habere posset: excusat enim tunc impotentia,  
vt omnes fatentur.

Quod si quis sua culpa breuiario caret, eo  
quod in mare v. g. illud sponte proiecerit, is  
tam diu peccato omissionis obnoxius est, quam-  
diu eum de spontanea proiectione non penitit.  
Si vero eum postea de hac ipsa poeniteat, omisso  
amplius non imputabitur ei ad culpam, quam-  
diu breuiarium aliud habere non potest, ut ha-  
bet communis, & generatim dictum tom. 2. disp.  
4. q. 4. dub. 3.

Sicut tamen cæcus, ita etiam talis, tenetur me-  
moriter recitare eam officij partem notabilem,  
quam memoriter tenet, quidquid Sotus subdu-  
bit: idemque suo modo de infimo, vel impe-  
dito ratione occupationis sentendum, ut supe-  
rius dictum num. 171.

IV. Quarta causa est dispensatio Summi Pon-  
tificis, ( non Episcopi, nisi in dubio, per mo-  
dum interpretationis, ) quæ tamen raro imo  
nunquam concedi solet, nisi ex causa, & facta  
simil commutatione in aliud quidpiam. Li-

berat tamen ea Pontificis dispensatio ab hac le-  
gis obligatione, etiam sine legitima causa facta,  
ut ex communi docent Valencia, Aragonius,  
Toletus locis cit. Nisi forte in ipfa fundatione  
a beneficiario requiratur horarum recitatio: huic  
enim fundationi per se à Summo Pontifice de-  
rogari non posset, absque rationabili causa, ut  
ex communi doctrina colligitur.

Tenuitas vero beneficij ex probabiliore non  
excusat; nec quod quis fructus ex beneficio sua  
culpa non capiat, ut superius dictum num. 141.  
nec quod quis sit excommunicatus, suspensus,  
degradatus; quamvis hunc obligare, Sa V. ho-  
ra durum teneat: nec suscepta peregrinatio, vel  
studium.

An vero, & qua ratione hac in re cum subdi-  
tis dispensare possint Prælati Regulares, dispu-  
tatur. Negant simpliciter Nauarrus cap. 11.  
numero 25. & Duranus lib. 3. de rit. cap. 27.  
numero 4. Plus satis fortasse tribuit Lessius  
cap. 37. numero 51. Consulenda videtur con-  
suetudo recepta & prescripta, iuxta Suarez  
num. 42. Sane qui vi solius regulæ tenentur,  
facilius per Prælatos ab ea obligatione eximi  
possunt. Cum ceteris videtur similis ratio, quæ  
est in ieiunio Ecclesiastico, seruata propor-  
tionem.

V. Legitime, modo hactenus explicato, à  
recitatione horarum excusat, non tenetur au-  
dere alios recitantes; aut mente meditari; vel al-  
ias preces earum loco persoluere; vel alium suo  
loco substituere. Onus enim hoc personale est,  
precesque ha determinate, non alia sub præ-  
ceptum cadunt; ex communi.

VI. Vnde colliges, puerum, qui forte be-  
neficium sive Canonicatum v. lide obtinuit,  
attamen ob inscitiam horas recitare nequit, te-  
nenti quidem ad studium necessaria scientia, quæ  
primum acquirendæ; attamen ad beneficij re-  
signationem interim non teneri; nec ad æqui-  
valens recitandum ( quamquam hoc consultissimum  
est; ) nisi forte ab Episcopo hoc ei iniun-  
ctum sit, ut ex communi docet Nauarrus cap.  
12. de orat. num. 24. & lib. 1. consil. 1. de ætate  
ordinandorum.

Cum quæritur, an talis teneatur saltem per  
alium supplere horas, distinguendum est. Si  
enim beneficium, quod obtinet, requirat ser-  
vitiū, à quo necdum ab Episcopo sit exē-  
ptus, tenebitur alium suo loco substituere, qui  
beneficio inseruiat, & horas recitet, ut re-  
de Lopez 2. part. cap. 94. ex communi. At-  
si seruitum non requirat, aut rationabili de-  
causa ab eo interim per Episcopum liberatus  
sit, non tenebitur alium substituere, ut do-  
cet Nauarrus de orat. loc. citat. Idem dicen-  
dum de milite, qui subito in Clericum  
mutatus, beneficium obtinet; nec ta-  
men legere aut orare potest, iuxta eundem.

Quod si Pontifex ipse conferat beneficium  
puero, quem scit non posse legere, censetur  
eum simul liberare ab onere recitandi offici-  
um, donec exhibito studio sciat legere; secus

si ignorauerit, cum non posse legere, ut ex communi Azor quæst. 12.

## DVBIVM VI.

*An, & qua restitutio facienda, ob omissas horas Canonicas.*

Ad S. Thom. 2. 2. q. 83.

179 **H**abet hęc dubitatio speciale difficultatem, quæ proinde seorsim paulo accuratius explicanda est. Et supponendum est primo, dubitationem procedere tātum de ijs, qui ratione beneficij seu fructuum, quas ab Ecclesia percipiunt, obligantur ad recitandas horas Canonicas. Alias enim, puta qui solum ratione ordinis Sacri, aut ratione professæ religionis ad horas dicendas tenentur, etiam si Capellanias non collatius, tanquam Principum Officiales habeant, vt dictum dub. præced. num. 139. quamvis omittendo horas peccent mortaliter, constat tamen, ad nullam restitutionem teneri; quando nulla lex, neque naturalis, neque positiva ea de re extat.

180 Supponendum secundo, ante Concilium Lateralense sub Leone X. nullam extitisse legem Ecclesiasticam, de restitutione, ob omissas horas facienda: in eo vero Concilio session. 6. Canon. 9. nouam legem hac de relatam in hęc verba: *Statuimus & ordinamus, ut quilibet habens beneficium cum cura, vel sine cura, si post sex mens ab obtuso beneficio, diuinum officium non dixerit legitimo impedimento cessante, beneficiorum suorum fructus suos non faciat, pro rata omissionis officij & temporis: sed eos tanquam iniuste perceptos in fabricas huiusmodi beneficiorum vel pauperum eleemosynas erogare teneatur.*

Et additur: *si vero vltra dictum tempus, in simili negligentiā conuincuerit permanserit, legitima monitione præcedente, beneficio ipso priuetur, cum propter officium detur beneficium.* Intelligitur autem officium omittere quoad hoc, ut beneficium privari posset, qui per quindecim dies illud bis saltem non dixerit. Ita Canon; cuius tamen posteriorem hanc partem constat non esse vnu receptam.

181 Circa priorem vero partem, Pius V. in Extravagante, quæ incipit, *Ex primo Luteranensi Concilio, apertius declarare volens, quod in dicta constitutione de rata parte fructuum restituenda dicitur, ita decernit: statuimus ut qui horas omnes Canonicas uno vel pluribus diebus intermiscerit, omnes beneficij seu beneficiorum suorum fructus, qui illi vel illis diebus responderent, si quotidie dividenderentur: qui vero Matutinum tantum, dimidiam; qui cæteras omnes horas, aliam dimidiam; qui harum singulas, sextam partem fructuum eiusdem diei amittat, &c.*

182 Quibus ita positis, circa eam restitutionem primo difficultas est, sitne vel hęc ipsa, vel alia restitutio iure etiam naturali facienda beneficiariis omittentibus horas. De qua re sunt duæ sententiae. Primam tradunt Sotus lib. 10. de iustit. quæst. 5. articulo 6. Gregorius de Valentia hic disputat. 6. quæst. 2. punct. 10. §. 8. & Couarruicias lib. 3. variar. resolut. cap. 13. num.

183. qui citat etiam Calderinum, Decium, & alios. Hi docent, restituere aliquam partem, pro rata omissionis officij & temporis, esse de iure natura; non autem determinate, eam, quæ in bulla Pij V. postmodum prescrita est. Quod iam antea senserunt etiam Adrianus in 4. quæstion. an Clericus restituere teneatur, Angelus V. hora, numero 11. & alij. Rationes inferius adducentur.

Secunda sententia est, eos iure naturali ad nullam restitutionem teneri. Quam sententiam esse communem testatur Couarruicias loc. citat. eamque expresse tradit Sylvester V. Clericus 4. numero 16. post Innocentium, Ioannem Andream, Antonium de Butrio, & Pannormitanum in capit. 1. de celebration. Missarum. Idem tradunt Rosella V. hora, Nauarus cap. 7. de orat. numero 31. & cap. 16. numero 37. Toletus lib. 2. cap. 12. Azor lib. 10. cap. 14. quæstione 1. Salas tractat. de legibus fact. 1. numero 24. Lessius libro 2. capit. 34. dub. 32.

Vt autem hac in re veritas liquidius elucescat, notandum est, duplicitis generis beneficia ad propositum distingui posse. Quædam enim certas sibi functiones & officia vendicant, ex ipso iure diuino obeunda; qua hoc ipso nimis, quod talia sunt, absque villa alia institutione ac præceptione, obligant ad certam aliquam animarum curam; qua de causa etiam curata beneficia vocantur; vt sunt Episcopatus, Parochiz, &c. Alia sunt beneficia, que non tantum secundum se, sed etiam quoad officia sua, mere pendent ab humana institutione, seu Fundatoris, seu Pontificis, vt sunt simplices Canonici, Capellaniæ.

Iam de beneficiis primi ordinis certum esse debet, eos ob prætermissas horas Canonicas, iure naturali, & secluso peculiari Ecclesiæ decreto, ad nullam restitutionem teneri. Ratio est manifesta. Quia isti præfice, ex vi sui beneficij non tenentur ad recitandas horas Canonicas, sed solum ex Ecclesiæ præcepto.

Non minus certum est, etiam Capellanos, & Concionatores, seu Cooperatores, & similes beneficiarios, quorum officium ex ipsa fundatione in horarum recitatione non consistit; sed vel in eo, vt certum Missarum numerum persolvant, vel Parochum in Sacramentorum administratione, verbique diuini prædicatione adiungent, iure natura; ob omissas horas Canonicas ad nullam restitutionem teneri, ob eandem rationem.

186 Illud ergo solummodo in dubium vocari potest, an Canonici, & alij, si qui sunt similes beneficiarij, qui ex ipsa fundatione nullum fere aliud officium habent, quam horarum recitationem, teneantur iure naturali ad restitucionem. Sunt enim pro vtraque parte argumenta non levia. Pro negativa quidem, hęc sequentia. I. Quia etiam hęc beneficia ex sua fundatione, seu originali prima-

prima, seu vi consuetudinis contracta, plus non videntur requirere, quam ut tum per orationes & preces arbitrarias, tum etiam quibusdam ministerijs publicis, si quando ordo quemque tetigerit, Ecclesiae suae seruant; saltē iuxta probabilem multorum sententiam, qui dicunt, Canonicos hoc tempore, iisque in locis, ubi talis consuetudo nemine contradicente inualuit, non teneri ad psallendum in choro per se, sed satis esse, ut hoc per alios faciant, & ipsi interim ea, quae dicuntur, attente meditentur, vel certe reuerenter assistant, quod post Cajetanū V. hore, & Petrum Nauarrum de restitut. lib. 2. cap. 2. num. 217. probabile putat Lessius lib. 2 de iust. cap. 34. dub. 33. Liberati ergo vi consuetudinis à publica recitatione, ad quam proprie respexisse videntur Fundatores, videntur consequenter etiam, quantum est ex vi Fundationis, liberū à priuata, ad quam respexisse Fundatores illi non videntur.

187 II. Quia probabile est, etiam ipsos Fundatores saltē certum quoddam eiusmodi horarum Canonicularum pensum non requisiuisse; sed simpliciter sua bona in Ecclesiam contulisse, vt ex ijs Dei & Ecclesiae famuli & ministri canonice & collegialiter inter se viuentes, alerentur, qui iuxta modum ab eis, eorumque superiore Episcopo constituendum, diuino cultui vacarent.

Quod ex eo etiam colligitur, quod in diuersis Episcopatibus est diuersum officium, utique non ab ipsis saecularibus Fundatoribus, sed ab Episcopo vniuersusque Ecclesia cum Capituli consensu constitutum, & præscriptum: quod etiamnum etiam ab eis iustis de causis mutari posset, si nulla Pontificis prohibitiō obstareret.

188 III. Quia esto, ex ipsa Fundatori voluntate ad certum eiusmodi pensum teneantur, tamen non constat, beneficium sub hac quasi conditione velut stipendium fuisse constitutum, vt horas recitent: quin potius videri potest probabile, eiusmodi fructus absolute fuisse assignatos in sustentationem, cum obligatio ne crandi; eo fere modo, quo Monasteriis sua bona ac redditus fuisse assignatos constat.

Id vero probabile redditur, non solum ex eo, quod officium Ecclesiasticum non est aliiquid pretio estimabile, pro quo merces accipi possit; quam rationem adserit Lessius lib. 2. cap. 34. dub. 32. numero 180, sed etiam quia in omnibus, aut plerisque Canonorum Ecclesijs, olim erant Monachi, aut Canonici Regulares, qui eiusmodi pactis onerosis, adeoque sub onere restitutionis, ad horas dicendas, ex ipsa fundatione non erant obligati.

190 IV. Quia esto, per modum diurni laboris, pro fructibus velut stipendio & mercede, per solendum sit certum hoc horarum officium; ac proinde esto etiam, aliqua à negligentibus satisfactio facienda sit; tamen certe præcisus stando iure naturæ, plus non videtur requiri, quam ut tales vel fructus restituant, vel certe

omissum officium compensent; sicut famulus in iniuncto officio negligens satisfacit, si aut pecunia, aut propria industria damnum illatum compenset. Imo ad aliquid faciendum obligatus ex iustitia, si non faciat certo tempore, videtur potius obligatus ad hoc faciendum alio tempore, quam ad pecuniariam compensationem faciendam.

V. Si esset iure naturæ facienda restitutio, tunc male, & ante Concilium Lateranense, tanto tempore eius rei commonitio à Pontificibus fuisset prætermissa; & nunc etiam post Concilium Lateranense, Pius V in cit. bulla omittentem horas, per sex menses, à beneficij consecutione, liberum à restitutio indicasset; quando debitum juris naturalis à Pontificibus saltē vniuersim, & absque causa relaxari non potest.

191 VI. Si iure naturæ esset debita restitutio, tunc Ecclesiae vel Fundatori debita esset; cum tamen Pontifex sub disfunctione, aut Ecclesiae, aut pauperibus faciendam esse restitutio iubeat. Item facienda ab omittente horas restitutio esset, etiam cum absque culpa officium prætermittitur; exemplo operarij ad diurnum laborem conducti &c.

Propter has rationes, pro sententia negativa, vniuersim de quo quis beneficiario, qualecumque officium negligente ita conciliavit Lessius loc. cit. *Beneficiarius* (officio suo non satisfaciens) non subtrahit aliiquid pretio estimabile; ac prouide non tenetur (iure naturæ) illud per restitutio fructuum compensare: sed vel mane: obligatus, vt id quod omisit adhuc præstet, per se, vel per alium; vt si omisit Sacra pro Fundatore dicenda: vel obligatio cum tempore evanuit, eo quod opus esset annexum temporis; & prouide per lapsam temporis factum sit impossibile, & sic solum tenetur dolere de peccatis, cum proposito emendationis; vt si officium precum non soluit. Quod si illæ preces non essent singulis diebus addictæ, deberet eas postea recitare. Ita Lessius. Sed hæc sententia vniuersim hoc modo pronuntiata nimis videtur laxa, vt inferioris dicetur.

Igitur pro contraria sententia, quæ iure naturæ talis restitutio facienda docet, facit primo, quod datum pro officio per modum stipendi, restitutio obnoxium est, si non præstetur officium; iniuste enim & sine titulo accipitur: Seu quod idem est; Datum ob causam, causa non secuta, iure non retinetur: atqui beneficium datur pro officio per modum stipendi, saltem quoad ratam partem: Ergo &c.

Minor probatur tum ex cit. Concilio Lateranensi, tum ex capit. ultim. de rescriptis in 6. vbi Pontifex nullum nouum ius statuens, sed rationem statuendi iuris assignans, *Beneficium dari propter officium*: Denique Lessius & alij contraria sententia auctores fatentur, etiam stando præcisæ iure naturali, beneficiarios ex iustitia teneri ad sua officia Ecclesiastica. At vero hæc obligatio illis iniisci non potuit, nisi ratione beneficij per modum stipendi assuagari. &c.

1331

194 Vnde secundo ita licet argumentari. Omnis iniqua substratio rei alienæ, seu quæ alteri ex iustitia debita est, ad restitutionem obligat: atque beneficiarius officium suum negligens subtrahit alteri rem suam, seu ad quam Fundator, sive Ecclesia ius habebat, ut fatentur aduersarij: Ergo tenetur ad aliquam restitutionem, vel ipsius nimirum neglecti officij, vel fructum respondentium prætermisso officio: Atqui ad prius iure natura non tenetur; quia officium prætermisso certo tempore obligatum, postquam semel neglectum est, præstari amplius non potest, nec debet: Ergo tenetur ad restitutionem fructuum. Plura inferius. In hac re, esto hæc.

195 ASSERTIO I. Omnis beneficiarius iure naturæ tenetur ad restituendos eos fructus, qui respondēt prætermisso officio, ad quod vel ex ipsa fundatione, vel iure diuino, ex ipso titulo erat obligatus; nisi prætermisso officium tempori obligatum non fuerit; tunc enim satis est, id per se, vel per alium supplere.

Primam partem tanquam certam supponimus ex dictis supra disp. 4. quest. 6. dub. 7. cum ageremus de restitutione facienda à beneficiario nō residente; vbi ex communī docuimus, non residentes, & officia prætermittentes, teneri iure naturali ad restitutionem fructuum, tum ipsi non residentia, tum officio prætermisso respondentia. Idem supponimus, ex communī, cum de restitutione fructuum superfluum, & male impensorum ageremus dub. 8. vbi diximus clericos esse dominos eorum fructuum, quos accipiunt velut stipendum laboris pro officio; Quæ communis etiam Nauarri, aliorumque Doctorum sententia est. Idipsum demum supponimus cit. q. 6. dub. 1. cum ageremus de restitutione facienda, ob violatam iustitiam distributiuam, in distributione beneficiorum. Vbi diximus ex communiori & veriori sententia, beneficia dari potius ex iustitia commutativa, tanquam stipendia laboris, quam ex distributiva velut ornamenta personarum.

196 Quod præter superioris dicta, probatur ex scriptura, in qua semper eiusmodi beneficia stipendijs comparantur. Vt Num. 18. v. 21. *Filiis autem Levi dedi omnes decimæ Israëlis in possessionem, pro ministerio, quo seruiant mihi in tabernaculo fœderis.* Et infra v. 31. de decimis dicitur: *Quia pretum est pro ministerio.* Item Lucæ 10. v. 7. de ministris Evangelicis dicitur. *Dignus est operarius mercede sua.* Et 1. Cor. 9. v. 7. *Qui militat suis stipendijs unquam?* Et v. 13. *Nescitis, quoniam qui in sacrario operantur, que de sacrario sunt, edunt, & qui altari deferuntur, cum altari participant?* Ita & Dominus ordinavit ijs, qui Euangelium annunciant, de Euangeliō viuere. Et 1. Timoth. 5. v. 17. *Qui bene præsent Presbyteri, duplice honore digni habeantur; maxime qui laborant in verbo & doctrina.* Dicit enim scriptura, (Deuteronom. 25. vers. 4.) *Non alligabis os boni tritanti.*

197 Ex quibus locis colligitur, saltem eos fructus, qui beneficiariis debentur, ex iure diuino, vt sunt primitiæ & decimæ, seu generatim, su-

stentatio Episcopis & Parochis ministrantibus conueniens, dari ac deberi plane ex iustitia, tanquam stipendia laboris. Quo fit, ut etiam vicissim beneficiarij teneantur ex iustitia ad eiusmodi officia, ut recte etiam docet Lopez part. 2. cap. 97.

In eundem sensum etiam Bernardus epist. 2. ad Fulconem, generatim de Clericis seu Canoniciis ait: *Quia surgis ad vigilias, vadis ad Missas, horis chorum nocturnis diurnisque frequentias, bene facies Ecclesie præbendam gratis non accipi.* Dignum est, ut qui alario deseruit, de altaria veniat. Et item. super illud. *Ecce nos reliquimus: Indignus (Clericus) lana & lacte consumetur, si non pascitur, si non vigilat in custodia gregis, iudicium subiungitur & vestit.* Et sumpius Ecclesiastico gratis habere te reputas? Et certa beneficia dari ex iustitia commutativa tanquam stipendia laboris, quomodounque tandem, seu principaliter, seu minus principaliter, nemo quod sciā negat. Qua ratione autem absque simonia hoc accidat, dicetur inferius de simonia questione 8. dub. 2.

198 Secundam partem statuimus cum Lessio supra ex communi. Ratio virtusque parti est. *Quia quando aliquis prætermittit officium certo tempore adstrictum, tunc voluntas conductoris non est, ut id postea alio tempore fiat, sed ut pecunia eius ratione accepta restituatur.* Ut si Legatus in causa, quæ non nisi certo tempore expediti debet, ad Principe missus, opportunum ac præstitutum tempus negligat, is non debet alio tempore profici, sed acceptum neglegi muneris stipendium restituere. At vero si opus seu officium neglectum, non erat certo tempore alligatum, tunc adhuc alio tempore præstandum erit, ut patet quotidiano exemplo in famulo.

199 ASSERTIO II. Satis quidem probabilis est prima sententia negativa superiorius adducta; sed contraria probabilitas est, videlicet Canonicos naturali iure ad aliquam restitutionem teneri, ob omisssas horas. Prima pars probatur, tum auctoritate, tum rationibus pro prima sententia superiorius adductis.

Secunda pars assertionis ex eo probatur; quia affirmativa sententia primo auctoritate priori non cedit; eandemque, licet absque distinctione beneficiorum, tradit Valsquez 1. 2. tom. 2. disputatione 106. numero 32. & 33. vbi ait: *Cum redditus dentur propter officium, iure naturali debebat beneficiaria orare pro populo; quod nisi faceret, non posset feci fructibus: id quod eadem modo servandum est nunc, postquam Ecclesia determinauit genus officij.* Idem supponit disputat. 168. numero 28. vbi generatim ait: *Beneficii ex sui instituta ne dasur propter officium.* Et numero 33. in eadem sententiā citat Simancam; qui tamē male, etiam determinatum restitutionis modum, à Pio V. præscriptum, iuris naturalis esse docuit.

Secundo hæc sententia melioribus titulis rationibus, quæ rursus amplius confirmatur ex Concilio Agathensi cap. 26. vii refer-

tur causa i. quæstione i. cap. vlt. vbi dicitur: Clerici omnes, qui Ecclesia fideliter vigilanterg, deferunt, stipendia sancta laboribus debita, secundum seruitij sui meritum, per ordinationem canonum, à sacerdotibus consequantur. vbi Canon supponit, beneficia esse stipendia laborum, & pro meritis seruitij debita: Ergo cum Canonici aliud pñne officium non habeant, certe ipso iure naturæ tenentur ad horas persoluendas, velut ad seruitum, pro quo stipendium accipiunt; & ex consequenti ad restitutionem, nisi faciant.

201 Ad argumenta vero contraria sententiaz, quatenus huic veriori aduersatur, ita respondeatur. Ad primum. Esto consuetudo in quibusdam locis derogari veteri obligationi Canonicorum, de officio Canonico persoluendo, quoad modum & locum, vt videlicet in choro & musicæ ab eis pronuntietur; non tamen derogat, nec iure potest derogare huic officio quoad substantiam; saltem quamdiu aliud officium in eius locum ab Ecclesia non subrogatur.

Ad secundum respondetur: et si certus iste precandi modus per Ecclesiam sit determinatus, tamen certe post factam ab Ecclesia determinationem, tenentur Canonici, ex ipsa ratione, beneficij, hoc iam ipsum velut præcipuum officium requirentis, ad horas persoluendas, vt dictum.

202 Ad tertium respondetur. Fatemur, si de expressa fundatorum intentione loquamur, eam nec in omnibus eandem fuisse; nec vero quod ad propositum attinet, esse debuisse. Complures enim testati sunt, se bona sua tanquam puram elemosynam, pro remedio animarum suarum, in sustentationem Dei famulorum, seu Ecclesiæ ministrorum offerre: sicut de monasterijs dictum est, & videre est apud Ioannem Molanus lib. 3. de Canon. cap. 4. Quomodo etiam Lopez citat. part. 2. capit. 2. dicit, multa bona maioribus Ecclesijs collata fuisse, munificentia Regum & Principum, non tanquam stipendia laborum, neque ob laborem spiritualem, velut causam, seu conditionem; sed velut modum duntaxat, tanquam incitamenta & adiumenta maioris virtutis, &c.

Verum siue hæc, siue alia fuerit fundatorum intentio, fatendum tamen est, postquam Ecclesia ex eiusmodi fundationibus beneficia ac præbendas constituit, dandas scilicet propter officium, tanquam stipendia laboris; tam cæteros beneficiarios, quam Canonicos, non minus iure naturali, etiam secluso omni alio Ecclesiæ decreto, ob pratermissas horas, siue officium requisitum, ad restitutionem teneri, quam si ab ipsis fundatoribus eiusmodi conditio fuisset adiecta: quandoquidem ea ipsa quoque saltem implicite fuit mens fundatorum, vt eiusmodi prouentus iuxta piam Ecclesiæ dispositionem, eo modo dispensarentur, qui tam ad priuatum ipsorum, quam publicum Ecclesiæ bonum vide- retur acommodatissimum.

203 Ad primam confirmationem respondetur, falsam esse, in eiusmodi spiritualibus officijs non posse interuenire aliquam conventionem iustitie,

vt infra de simonia generatum & ex communide cetur.

Ad secundam confirmationem respondeo, negari non posse, quin olim alias fuerit Canonorum status, quam sit hodie. Etsi enim nomen utrumque tam regularis quam secularis Canonici, in eo sensu, quo nunc communiter usurpatur, multo sit recentius, quam ipsum Canonorum institutum, ac potius ex collapsa veteri Canonorum disciplina ortum; tamen quantum ad rem ipsam constat, Canonicos olim, sicut in eo quidem à Monachis discrepabant, quod communiter ac uniuersim votis monasticis obligati non essent; itain eo etiam cum illis conuenisse, quod absque bonorum Ecclesiasticorum proprietate, in communi, iuxta Apostolicam regulam, qua nihil quisque suum dicebat, vitam agebant, vt notarunt Molanus lib. 1. de Canon. cap. 6. 12. & 13. & Azor lib. 12. cap. 22. q. 2.

Idque patet ex Concilio Moguntino celebrato sub. Carolo Magno cap. 9. vbi dicitur: Decreuiimus, vt Canonici & Clerici canonicæ vivant. &c. in unoquoq. Episcopatu, simul manducent & dormiant. Et in Concilio Turonensi cap. 23. Canonici & Clerici ciuitatum, qui in Episcopys conuersantur, considerauimus vt in claustris habitantes, simul omnes in suo dormitorio dormiant, simulque in uno refectorio reficiantur; quo facilius possint ad horas canonicas celebrandas occurrere; ac de vita ac conuersatione sua admoneri & doceri. Viximus & vestimentum iuxta facultatem Episcopi accipient &c.

Et addit Molanus lib. 1. cap. 12. multas Ecclesijs, ab initio temporis ac institutionis sua, in canonicali professione perdurasse, nec unquam veri nominis monasteria fuisse; cum non appareat, ijs in locis residisse Canonicos regulares, qui ex dissoluta veteri Canonorum disciplina postmodum exorti sunt. Ita Molanus.

Postea vero primum laxata disciplina, proprietasque sequuta est, vt particulatum refert Trithemius in Hirsaugia chronico ad annum 975. Sub Theodorico, inquit, Archibispoco Treuirense, Canonici maioris Ecclesia ibidem, abiecta vita regulari, quam hucusque in eadem Ecclesia maiores eorum continuauerunt, deserunt esse regulares, & facti sunt nomine & conuersatione seculares. Quorum exemplo male Canonici quoque S. Paulini Treuirense, in Confluentia, Moguntinenses, Wormatienses, Spirenses, & complurium aliarum Ecclesiarum, diuersis quidem temporibus, sed uno impietatis spiritu, regulari vita communitem abiecerunt. Qui proinde vt alius quidam auctor apud Molanum lib. 1. cap. 14. scribit, ceperunt seculares fieri, seorsum habitare ac propria habere, & annuos prouentus inter se distribuere.

Qua de causa etiam apud Surium ad 31. Octobris, in vita S. Wolfgangi cap. 7. & 20. scribitur, eum in hac re multum laborasse, vt Canonicos rursus ad communem vitam reduceret.

Ex quibus patet, in veteribus Canonorum Ecclesijs, nondum fuisse istam præbendarum & beneficiorum divisionem, vt que postea primum, laxata disciplina, connuentibus, ac demum,

204

205

206

consentientibus Ecclesiarum Prælatis, ita facta est, ut sua cuique præbenda velut certum pro labore stipendiū assignaretur. Vnde saltem ex eo tempore, quidquid sit de priori, dicimus, Canonicos omittentes horas iure naturæ ad restitutionem teneri.

207 Ad quartum responderetur. Quando quis prætermisit officium, ex primaria Conductoris intentione, nulli certo tempori addictum, tunc semel omissum potest compensari & impleri alio tempore: at si officium fuerit certo tempori adstrictum, vti sunt horæ Canonicæ, debet ab omittente restituī stipendium prætermisso officij ex dictis.

Vt proinde parum etiam probabilis videatur sententia Suarj libro 4. cap. 29. numer. 11. & 12. hanc compensationem, abstrahendo à iure, positivo, sufficenter fieri posse in bonis spiritualibus, puta aut horis canonice omisssis reiterandis, aut alijs æquivalentibus precibus dicendis; eo fere modo quo Presbyter Missas ex stipendio accepto hac hebdomade sibi dicendas negligens, compensare potest, totidem alia hebdomade legendō: nisi auctor hic locutus sit, abstrahendo à determinatione illa Ecclesia, qua horarum recitatio singulis diebus, tanquam particulare ac proprium pensum diurnum fuit attributum.

208 Ad quintum responderetur, olim non fuisse opus tali declaratione; tum quia beneficia & præbendæ nondum erant ita in singulos diuisæ, vt dictum; tum quia maior adhuc vigebat disciplina; & postea mali mores poscebat bonas leges.

Pius autem V. primis sex mensibus sub tanto onere ad horas non obligans, quadam Episcopie interpretatione visus est, in ea re, quæ iuxta fundatorum interpretatiuam voluntatem, Pontificum rationabili dispositioni merito subiaceat: maxime quia fundatores ipsi initio id officium velut conditionem determinate non requirebant, vt dictum; & par erat, vt initio tempus aliquod velut discendi studio tributum, ab ea obligatione restituendi liberum relinquetur.

209 Ad sextum responderetur, bona Ecclesia, quæ Ministrorum stipendijs & sustentationi non sunt debita, esse tum ipsius Ecclesia fabricæ, instrumentisque diuini cultus, tum pauperibus attribuenda, ex ipsa fundatorum intentione: Ergo cum redditus isti, respondentes prætermisso officio, non debeantur Ecclesia ministris, iure fabricæ Ecclesiæ, aut pauperibus applicati sunt. De quo tamen inferius plura.

Quod autem ab omittentibus sine culpa non exigatur restitutio, sit tum ex benignitate fundatorum, & Ecclesiæ; tum ex ipsa rei æquitate; quia beneficiarij non se habent sicut mercenarij, sed sicut magni alicuius Domini officiales; qui si forte per ægritudinem officium exequi nequeant, nihilominus ratione ipsius tituli stipendium recipiunt; nec etiam in his pauperum dierum negligentia per se censetur notabilis.

Secunda difficultas est, quid & quantum restituendum sit, ob prætermisas horas. Responderetur, ante omnia distinguendum esse inter restitutionem iure naturali debitam, & eam, quæ ex decretis Ecclesiæ superioris additis facienda est. Nam de restitutione iure naturali debita, & quomodo, stando iure naturali, rata omissionis officij ac temporis pars determinanda sit, explicatum est iam superioris disputatione 4. quæstione 6. de restitut. bonorum Ecclesiasticorum dub. 6. Hoc certum est, determinatam illam restitutionem iure canonico prescriptam, non esse iuris naturals, vt omnes communiter supponunt, & magis ex sequentibus patebit, quicquid Simanca relatus nu. 199. in contrarium dixerit.

Quod vero ad ius positivum attinet, duplex dubitatio occurrit. Prima; quia Pius V. loc. cit. statuit, vt omittens omnes horas vno die, tenetur restituere omnes fructus eidem diei respondentibus: si vero certam partem officij, certam etiam partem aliquotam omnium fructuum eiusdem diei &c. Vbi queritur, an vocula omnia fructuum eiusdem diei, intelligenda sit de omnibus fructibus, qui huic diei respondent; si omnes fructus totius beneficij per singulos dies æqua portione dividenderentur; an vero tantum de fructibus vnius diei, qui secundum prudentis iudicium, habito respectu ad alia onera & officia beneficiarij, respondent officio horarum canonicularum.

211 Altera dubitatio est. Nam in eadem Extravagante Pij V. dicitur, omittentem unam ex sex horis minoribus teneri ad restituendam sextam partem fructuum eiusdem diei. Vbi queritur, debet ne restituere sextam partem omnium fructuum eius diei; an vero tantum sextam dimidiam partis fructuum eius diei. Primum enim quidem indicat contextus verborum eiusdem bullæ. Sed posterius probat ratio. Si enim primum dicatur, tunc manifeste sequitur, cum qui tres horas minores prætermiserit, debere restituere tantum, quantum si omnes sex prætermissem; qui vero quatuor vel quinque horas minores prætermisit, multo plus restituere debere, quam qui omnes sex horas omisit, vt cuius consideranti facile patescet. Nam qui omnes sex horas minores prætermisit, solum debet restituere dimidiam partem fructuum eius diei, vt in bullæ dicitur: quodsi ergo vnam horam minorem prætermittens debet restituere sextam partem omnium fructuum eiusdem diei; tunc omittens tres horas debet restituere tres sextas, adeoque dimidium fructuum eiusdem diei, omittens vero quatuor horas debet restituere quatuor sextas, omittens quinque horas debet restituere quinque sextas, adeoque multo plus quam dimidium fructuum eiusdem diei; siquidem quatuor sextæ una sexta parte; quinque vero sextæ duabus sextis partibus superant dimidium fructuum vnius diei, quod nonnisi tres sextas complectitur. Consequens autem absurdum esse, nemo facile negaverit.

Ad

212 Ad primam dubitationem respondeo, negari quidem vix posse, quin bulla priorem sensum intendat, attamen de facto probabilem nihilominus, & satis in praxi tutam esse eorum sententiam, qui restitutionis obligationem ad posteriorem sensum restringunt; ac proinde docent, posse omittentem horas, ratione aliorum officiorum, aliquam sibi partem stipendiij, eiusmodi officijs, iuxta viri prudentis arbitrium respondentem, referuare.

Prima pars huius resolutionis satis colligitur ex verbis bullæ superius relatis; quam sic etiam accipiunt Nauarrus manual. cap. 25. num. 122. Valentia quæstione 2. punct. 10. §. 8. Angles 4. sentent. part. 2. de restitut. Graffius part. 1. libro 2. cap. 51. Azor tom. 1. libro 10. capit. 14. quæstione 5. Vasquez 1. 2. disputatione 68. numero 35. Lessius hic numero 167. qui proinde ob hanc etiam potissimum cautam docent restitutionem à Pontifice præscriptam non esse debitam iure naturali. Etsi Beia casu 55. ipsam quoq; Pontificis bullā ad posteriorem sensum accommodare nitatur.

213 Secunda pars ex eo probatur. Quia legis sensus, vt etiam valor, multum pendet à consuetudine, adeoque sapientum interpretatione: atqui viri sapientes non nisi posteriori sensu obligare bullam, nec aliter esse receptam docent. Ita enim speciatim docent Sotus libro 10. de iustis quæstione 5. articulo 3. Carbo quæstio. 61. de restitut. Ludovicus Beia casu 55. in fine., Toletus libro 2. cap. 20. Henriquez libro 3. cap. 13. numero 2. Aragonius hic quæstione 8. articulo 13. Bartholomæus Medina libro 1. Institut. cap. 14. §. 11. Sa V. Beneficium num. 58. Lessius numero 177. Lopez 2. part. capit. 75. qui ramen male dubitat, an lex ista ad restitutionem obliget ante sententiam; cum decretum Concilij Lateranensis à Pio V. confirmatum, absolute restitutionem imperet. Vide, quæ diximus hac de re disput. 4. qu. 6. dub. 7. num. 181.

214 Neque tamen inter istos auctores in particuliari satis conuenit, quotam partem fructuum, beneficiarij, horas vno die omittentes, restituere teneantur. Etenim Beia, aliquæ nonsuilla ex citatis, à Parochio quartam, ab alijs tertiam partem fructuum vni diei respondentium exigunt.

Henriquez loc. cit. refert praxin ita hunc rigorem moderari, vt Parochus & Episcopus horas omnes vna die omittentes quintam partem pro rata restituant, reliquas quatuor ratione tituli, & aliorum onerum retineant; Canonicus quartam partem restituit; alij beneficiarij tertiam; quod etiam docet Saloe. cit.

Lessio vero loc. cit. hæc moderatio praesertim quoad Canonicos, qui non habent, inquit, aliud onus, quam precum, nimis laxa videtur. Sed cum Canonici, præter horarum recitationem, etiam choro interesse debeant, & nonnunquam in publicis officijs ministrare, ipsoque saltem vestitu Ecclesiæ ministros se profiteri teneantur, non est improbatum, eos si cætera hæc faciant,

supposita illa sapientum praxi, satisfacere, si tertiam saltē partem restituant.

Quod vero Sotus, etiam supposito Concilij Lateranensis decreto (quod ipsum contra omnium Codicum fidem aliter legere conatur, quasi legendum sit, non, post sex menses, sed per sex menses) existimat, eum qui horas Canonicas vno tantum vel altero die, intra anni spatium omittat, ad nullam restitutionem teneri, quod cum auctario docet etiam Medina q. 16. de orat. contravero eū, qui primis sex mensibus horas omittit, nihilominus ad restitutionē teneri, pro rata parte, id communiter ab omnibus rejicitur; quamquam vrcumq; stando præcise iure naturali, verum censeri vrcunq; probabiliter posset, vt ex dictis colligitur; primum quidem dictum generatim, quoad omnes beneficiarios; secundum, saltē quoad Canonicos, naturali iure obligatos ad restitutionem, vt dictum n. 199.

Ad secundam dubitationem respondeo, in ea tangi difficultatem, haec tenus (dum hæc scilicet doceo & scribo) à nemine, quod sciā, pertractatam, nisi quod memini, eam ante annos fere triginta in publica Academiæ Ingolstadiensis disputatione ventilatam fuisse, atq; ita decisam, vt plane defenderetur, dictum illud Pontificis intelligendum, vt quidem contextus verborum postulare videtur, de sexta parte omniū fructuum vnius diei, non obstante illo corollario, quod velut absurdum inde deduxim⁹. Id enim propterea absurdum non esse dictabant, quod præsumatur, quatuor tantū, vel quinq; horas omittentem, suam voluntatē omittendi sepius iterasse, sicut, si omnes horas sex minores omiserit.

Sed hoc nemo nō videt gratis dici; nec sane mihi persuaderivn quā potuit, eā esse mentē Pontificis.

Quocicca ante viginti quatuor circiter annos, 216 nimirū 1601. Monachij primū hanc ipsam materiam explicans, contraria sententia amplexus fui, & mox publica disputatione defendi; nimirū ab omittentibus vnam ex sex minoribus horis nō sextam partem omnium fructuum vnius diei, sed sextam duntaxat dimidiæ partis esse restituendā, quod postea etiam ab alijs communiter probatum & defensum aduerti, & nunc denuo m̄hi vel maxime comprobatur.

Ratio est; quia cum intelligentia dictorū ex causis sit assūenda, dicendi; nec seruoni res, sed rei sit sermo subiectus, c. 6. de signif. verbor. cumq; vt rubrica ibidem dicit, verba aliquando sint intelligenda, non secundum quod sonant, sed secundum mentem proferentis, Et vt Glossa ibidem ait, ad extraneum sensum sint trahenda, ubi res inter maliter salua esse non potest: considerans etiā, quod non debet aliquis considerare verba, sed voluntatem; cum non intentio verbis, sed verba intentioni debeat deseruire cap. In his, eodem tit, equidem semp existimau, decretū Pontificis ita intelligendū, vt ex eo nullū absurdū sequatur; ac proinde dubitate nunquam potui, quin Pontifex solum de sexta dimidiæ partis loquatur.

Præsertim cum ad hunc ipsum etiam sensum, verba bullæ superius num. 181. relata non difficeret admodum aptari possint; si nempe verba illa fructum eius diei indefinite accipiantur, &

post illud verbum sextam & tunc repetatur  
sive intelligatur vocula, dimidia, quæ bis im-  
mediate antea fuerat posita, ut plane res ipsa  
& mens Pontificis exigunt; nec, ut opinor, alio  
sensu vspiam sunt recepta.

217 Tertia difficultas est, cui sit facienda hæc re-  
stitutione. Respondetur breuiter ex bulla Pij V.  
esse faciendam fabricæ Ecclesiæ, vel pauperibus,  
sive illius loci, vbi beneficium situm est,  
sive alterius; ut recte Lessius num. 177. quia  
Concilium & bulla generatim loquuntur: &  
quidem inter pauperes numerando etiam ipsum  
beneficiarum, si vere pauper est, ut generatim  
disp. 4. quæst. 6. dub. 14. ex communi dictum  
est.

Id vero intelligendum videtur: nisi ex iusta  
consuetudine, vel statuto, quod alij amittunt,  
accrescat alijs, qui intersunt officio, ut inter  
Canonicos fieri solet, quoad distributiones, &  
interdum etiam quoad ipsum corpus fructuum,  
ut cum Nauarro numero 123. notarunt etiam  
Lessius loc. citat. & Toletus libro 2. cap. 12.  
Quamquam cum res hæc omnis ex Ecclesiæ  
dispositione pendeat, eaque relatis superioris de-  
cretis absolute ac generatim Ecclesiæ fabricæ  
aut pauperibus faciendam iubeat restitutionem,  
equidem non damnam, si id etiam inter Canonicos  
absolute obseruetur.

Addit Lessius num. 177. credere se, quando  
res est occulta, & Canonici restituendo di-  
stributiones, vel alias fructus suum peccatum  
proderent, posse in alios vsls pios expendere.  
De qua re ex communib[us] causis à restitutio-  
ne excusantibus iudicandum, vid. disp. 4. q. 6.  
dub. 16.

218 Quarta difficultas est, an ea constitutio Concilij Lateranensis, itemque bulla Pij V. quoad  
restitutionis obligationem, sit vsl recepta,  
adeoque simpliciter & absolute etiam in con-  
scientia obligans.

De hac re non omnes eodem modo sentiunt.  
& loquuntur. Sotus loc. citat. de constitutione  
illa Concilij Lateranensis loquens ait: *Hoc capi-  
tulum* (etiam quoad restitutionis obligationem)  
nondum plene, quod sciam, vsl & more receptum  
est. Toletus loc. citat. similiter dubitat, an id sit  
vsl receptum.

Contra vero Azor loc. citat. Non est, inquit,  
quod dicas, huiusmodi constitutionem (Pij V.) non  
esse vsl receptam; quia viri pietate & doctrina clari  
censem, restitutionem fructuum deberi, iuxta eam con-  
stitutionem. Vasquez etiam citat. 1. 2. disputatio-  
ne 168. num. 32. Videmus, inquit, iam vsl com-  
muni absque illa difficultate ita receptam, ut resti-  
tutio ante sententiam fiat. Eodem modo Nauarrus  
Manuali cap. 21. numero 122. & de orat. cap.  
7. numero 32. Couarruicias libro 3. variarum  
cap. 13. Bellarminus de orat. cap. 19. Henri-  
quez, Valentia, Sa, Lessius locis citat. recen-  
tioresque scriptores omnes vbiique supponunt,  
eiusmodi constitutiones, quoad restitutionis  
obligationem, esse receptas; eti non quoad  
hoc, ut contumaciter horas negligens, etiam  
beneficio priuetur, ut recte dixit Sotus loc. cit.  
Sicut etiam his in locis à viris doctis & pijs pal-  
sim practicari satis constat.

Quocirca breuiter dico, licet decretum illud  
Lateranense, quoad priuationem beneficij, nec  
illa Pij V. bulla, secundum rigorem illum, quem  
ipsa verba secundum literam præferunt, re-  
cepta non sit, iuxta ea, quæ superioris secunda  
difficultate à num. 210. docuimus; eti tamen  
ita omnino receptam, ut ab omittentibus hor-  
as, ex fructibus officio horario respondentibus,  
restituta sit rata illa pars à Pio V. Pontifice  
definita, prout in resolutione eiusdem difficultatis  
secundæ diximus: id quod ex dictis satis  
colligitur.

Et sane meo iudicio temerarius esset ille, qui  
contra recentem adeo & consentientem testifi-  
cationem virorum grauissimorum, ex omni-  
bus pene Christiani orbis prouincijs, puta Italiæ,  
Germaniæ, Hispaniæ, asserer auderet, eam bul-  
lam non esse vsl receptam, velletque hoc præ-  
tentu in praxi ab ea recedere.

Neque obstat hæsitatio Soti, qui bullam Pij V.  
nondum viderat: sicut nec Toletus cit. cap. 12.  
mentionem facit, nisi Concilij Lateranensis, in  
recentiori editione dubitationis eiusmodi  
prorsus non meminit: praterquam quod isti  
intelligi possunt de omnimoda & plena acce-  
ptatione eiusmodi constitutionum in eo rigo-  
re, quem verba præ se ferre videntur, ut paulo  
superius retuli.

